







畫堂  
人字

癸酉夏六月上  
上虞徐子康題





卷緒四全古歲在  
庚寅歲三四月間



ND  
1042  
.C6  
1878  
v.1

畫學心印序

余不習畫而嗜畫古今名迹羅致頗夥同治癸  
亥視學中州得秦君逸芬巨幅全以渴筆皴擦  
極蒼勁極清腴疑非近人手筆質之縵卿方伯  
始知爲君族弟以名諸生橐筆游豫一見如舊  
相識承惠桐陰論畫於六法源流探蹟詣微獨  
標精蘊非時史所能企及歲丁卯君試京兆庚  
午展覲再至余適還朝賞奇析疑過從日密相



知之深有在丹青外者是歲余督皖學君書至  
自粵附示畫學心印八卷自兩晉五代唐宋元  
明以迄本朝諸大家緒論兼收博採薈萃成  
書加以評隲剖晰微茫快讀數過若有無窮畫  
理蘊於胸中無窮畫境呈於眼底洵各家之精  
華畫史之集成必傳於後無疑也特念梁溪秦  
氏累代簪纓以文學名海內逸芬才華富瞻南  
北鄉舉十上不獲登石渠天祿潤色鴻猷徒以



禺筴一官遠羈嶺表沉酣縑素而以其技鳴夫  
豈其志哉不知君天懷澹定獨具清臚善鑒別  
桓碑彝器樂石吉金而畫苑珍藏尤多傑構窗  
明几淨游目自娛人望之如清祕冊府此豈三  
台八座所能辟睨其下風者乎且夫富貴浮雲  
百年一瞬惟文人著述爲能厯久常昭我  
朝繪事六大家後歧途雜出君初法四王由董  
文敏追蹤倪黃吳王溯源荆關董巨積久資深



三言序 八日 月  
默參神化此書之作務在闡明宗旨詔示來茲  
後之學者因委窮源見深見淺造詣雖殊必有  
玩索而自得者余於畫學無所發明竊幸此書  
之足以壽世而樂爲天下道也遂序而歸之

同治十年辛未元夕景其濬劍泉甫書于皖江

節署



畫學心印序

余與誼亭年老道兄交數十年自乙巳入詞館  
同聚春明搜書畫攷金石賞奇析疑追隨無虛  
日致足樂也嗣誼老司鐸吳江余亦從戎湘水  
雖郵筒往復而案牘勞形非復曩時興趣矣歲  
己巳余以展覲北上誼亭亦已改官農曹清興  
婆娑老而彌韻酒酣耳熱談六法亶亶不倦都  
人士推爲當世正宗洵非虛譽近代婁東一派



汪叔明華筵秋外不少概見每於足跡所經留  
心物色癸酉春自湘游粵道出五管於同年曾  
笙巢齋頭獲覩鄰煙畫幅法備氣厚筆墨峻嶒  
竟莫與比詢知爲誼老從弟亟思一見佗臺簪  
合始訂交焉爲余作大小十餘幅皴多擦少嶄  
然露骨眞婁東虞山法乳昕夕過從深談畫理  
恨相見晚覺海內存知已不數人也出眎畫學  
心印八卷採擇之博評隲之精爲藝苑獨開生



面傳世奚疑時將謀付手民徵序於余比以返棹匆匆未遑也逮歸浯溪塵事紛還久遲報命今春遭失恃之悲負士銜恤幾廢筆硯秋初接鄰煙書知剗剗將蕝思踐宿諾回憶珠江萍聚談心讀畫之樂忽忽已閱五年自誼亭古後咸以此事推袁近見叔明老筆楷模雖古氣韻毫無筵秋亦老態頽唐未窮闡奧紹西廬之傳舍鄰煙其誰與歸此書一出繪事始樹正鵠俾學



者知講求有本庶不流入歧趨余老矣憂戚填  
膺意興都盡兼以卒歲冗擾殊乏佳思然重違  
鄰煙之意因走筆書此聊以志相契之深不足  
當元晏之序也皆

光緒四年戊寅十二月上旬息柯居士楊翰記

於浯上草堂



畫學心印序

畫不過一蕘耳然非天分與學力兼到必不能  
傳有學力而無天分終成一畫工若有天分而  
無學力以爲文人遊戲則可烏能契其微而造  
其極乎造其極者代不過數人南宗自王維荆  
關而後宋則有董巨李范元則有高趙吳黃倪  
王明則有王沈文唐董

本朝則有四王惲吳猶文家之有韓柳歐蘇曾



王歸方詩家之有李杜韓蘇黃元其他則非具體卽旁門耳蓋若斯之難也是其人深於畫理畫法都有論畫之作足以闡發古人啟迪後學奚啻歧路之指南迷津之寶筏耶族子逸芬少耽六法長而購求諸大家名蹟昕夕臨撫得其神髓尤於婁東虞山三致意焉同治初嘗著桐陰論畫一書始於明季迄於近代畫家之源流宗派罔不條分縷析折衷一是久已刊行海內



矣猶以宋以前筆墨流傳者稀卽偶見之亦復楮敗絹裂未能得其彷彿爰取顧愷之張彥遠而下至王學浩錢杜諸家畫論探討而評點之殿以自著之桐陰畫訣輯爲八卷名之曰畫學心印將刻以問世自嶺南寄示乞序于余余亦嗜畫而苦不善畫雖所藏卷軸宋元畧備真贋亦到眼便知然心知之而未能口述之也逸芬固深得此中三昧者旣自序其書矣又奚取余



言哉光緒己卯首夏叔紉業書于西泠鴈園



畫學心印序

余於畫道有癖嗜少時見古人名蹟輒喜臨摹  
先君子以爲余之筆墨與山水爲近因誨余曰  
業精於勤荒於嬉學者讀聖賢書所學何事當  
以文章經濟彪炳一世區區藝能之末不足多  
也其時嘔心爲舉子業未能肆力爲畫庚戌長  
夏窮思畢精日事盤礴余始一意爲畫矣凡遇  
古人名蹟朝夕研求寒暑無間如是者三年終



未得用筆之妙咸豐歲次癸丑遯跡許舍山終  
日無聊兀坐一室乃靜參畫理頓悟昔時之作  
皆拘牽陳迹未得真詮夫古人名跡固當於有  
筆墨處研求之尤當於無筆墨處領會之至鈞  
勒之勁逸皴擦之鬆靈氣韻之渾厚色澤之古  
雅功夫到熟外熟時不患無此境界余生也晚  
國初諸老名跡均得臨摹由國初而上亦嘗搜  
羅數十家若唐宋諸大家雖殘縑片紙尠不得



見然而古人往矣古人之論見於書者具在也  
於是博覽前賢授受真訣始知畫理之精微畫  
學之博大不可以形跡拘也故摹古人之跡或  
尙拘於形讀古人之論不啻印以心也印以心  
雖不見古人之跡而古人之跡可想見焉昔之  
人有云一筆得法卽筆筆得法今而知其言之  
不余欺也爰輯畫學心印八卷上自晉唐下逮  
時賢凡其論之合乎理法與吾心相印者悉登



而錄之後之有志斯道者苟於此參究焉知古  
法之亟宜講而流派之不足惑也已

咸豐六年歲次丙辰冬十月祖永書於桐陰館



畫學心印例言

一此編自咸豐癸丑年起至同治甲戌年止前後計二十年輯成八卷晉唐宋元諸大家論畫本九龍山人傳習錄後評悉仍其舊餘元明諸大家從佩文齋畫譜採入凡其論之有裨後學者雖片語單詞亦必登之簡編以備參考

一董思翁畫眼係家藏舊本與畫禪室隨筆略



有不同明中葉畫道之衰端賴振起有開來  
繼往之功當代若奉常廉州爲畫學領袖尤  
倪黃正宗嫡派其論畫之留傳者惟清暉贈  
言二王畫跋共有十餘則亦足以略見一班  
石谷得二王之傳爲畫苑宗匠畫論散見亦  
無專書爰彙而輯之學者寓目會心當獲益  
無窮也

一南田翁甌香館題跋久已膾炙人口傳播海



內然吳與惲當代齊名與四王並重蹟旣罕  
觀論難摻集卽所見卷冊畫幅亦不過略紀  
年月無從採輯癸酉長夏與楊海琴年丈萍  
聚佗城深談畫理恨相見晚真生平知己也  
見余此編擊節稱賞以爲必傳之刻爰出墨  
并畫跋一編見貽慰余二十餘年思慕用成  
藝林快事

一張詩船先生四銅鼓齋論畫集刻若半千畫



訣江上畫筌兩窗漫筆東莊論畫浦山論畫  
山靜居畫論山南論畫諸作均極精妙簡當  
有裨後學至石濤師論畫詞意元妙理解融  
澈非大手筆不能然究非山水正宗姑從割  
愛

一近時諸名家論畫惟錢松壺畫訣說理精妙  
悉窮閭奧畫雖從文五峰入手而議論却與  
古大家同鼻孔出氣亦後學所宜參考者故



必從而錄之至評語圈點亦不過提醒學者  
眼目俾知古人名言至理必細心參究方能  
曲暢旁通以期無負斯事非敢云金鍼之在  
是也倘有好古之士唐宋元明諸大家論畫  
尙有別本幸勿吝見貽當續刻之以臻美備  
是余所深望耳

梁溪秦祖永逸芬甫識



書學心印例言

三



畫學心印目錄

第一卷

論畫事始

晉顧愷之畫評

梁元帝山水松石格

唐張彥遠敘畫源流

唐王維山水訣

唐王維山水論



唐張彥遠六法論

唐張彥遠畫辨

唐張彥遠論用筆

唐張彥遠畫工搨寫

唐張彥遠論吹雲潑墨體

唐韓愈畫說

五代荆浩記異

五代荆浩山水節要



宋李成山水法

宋郭熙畫訓

宋郭氏畫意

宋蘇董評論畫水

第二卷

宋米芾西園雅集記

宋羅大經畫說

宋鄧椿論界畫法度繩尺



雜採諸家山水論

彙集眾人山水說

元黃公望山水樹石論九則

制作楷模

畫鑒

元趙孟頫論畫

元柯九思論畫

元倪瓚論畫



元吳鎮論畫

元楊維禎論畫

明杜瓊論畫

明沈周論畫

明唐寅論畫

明文徵明論畫

明唐志契論畫

明屠隆論畫



明屠隆論學畫

明李流芳論畫

明李日華論畫

明顧凝遠論畫

明沈顥論畫

第三卷

明董其昌畫眼

明陳繼儒論皴法

附



明趙左論畫

王時敏西廬畫跋

王鑑染香庵畫跋

第四卷

明龔賢畫訣

笄重光畫筌

王翬清暉畫跋

吳歷墨井畫跋



第五卷

惲格甌香館畫跋

上冊

第六卷

惲格甌香館畫跋

下冊

記秋山圖始末

附

第七卷

王原祁雨窗漫筆

附畫跋

王昱東莊論畫



張庚浦山論畫

第八卷

方薰山靜居論畫

冬花庵論畫

附

王學浩山南論畫

錢杜松壺畫訣

桐陰畫訣

附

畫學心印目錄終







畫學心印

卷一

梁溪 秦祖永 評輯

論畫事始

畫事肇端

造化在心  
非窮理盡

通於天事者莫如河○河有圖而龍馬出之○天地○  
自然之圖○畫莫先於此○世傳史皇氏作圖亦以○  
此○其實畫祖端自有虞氏女弟○音手始○說文  
首○可通或作夥○數手與二嫂諧○脫舜於叟象之  
誤○或作嫫亦非○  
害○列女傳稱之○宜其造化在心○創此神技○若夫



性致知格  
物不能臻  
此

附會之辭  
不足徵信

夏后治水。神龍以尾畫導水徑。所當決者。從而  
治之。抱朴子因言禹乘二龍。郭支烏馭。未免荒  
遠難憑矣。然使大章步東西。豎亥度南北。脈地  
理名金石。寫流沙於西隅。非卽海嶽成圖之所  
自哉。至唐張氏彥遠。妄稱周穆時封膜畫於河  
陽。此其紕謬有甚於三豕渡河者。穆天子傳非  
僻書。考其傳云。河宗伯天曰。下原缺一字。疑當是請字。封膜  
畫於河陽。以爲殷人主。蓋殷人徙都實皆際河。



千古定論  
可以折衷

膜○晝○封○於○河○水○之○陽○所○以○爲○殷○人○主○也○奈○何○以○  
封○爲○姓○以○晝○作○畫○強○爲○附○會○遂○成○千○古○疑○案○耶○  
前○人○亦○已○辨○之○余○乃○申○明○其○說○後○之○人○莫○更○爲○  
張○氏○誤○也○徵○事○原○者○求○之○史○皇○則○太○遙○傳○爲○封○  
膜○則○又○誕○當○以○有○虞○氏○女○弟○爲○正○







畫評

晉顧愷之

此種筆意  
爲傳神寫  
像家所不  
能到

凡畫人最難畫列女刻削爲容儀不畫生氣又  
插置丈夫支體不似自然衣髻俯仰中一點一  
畫皆相與成其豔姿覺然易了畫漢王龍顏一  
像超越高雄覽之若面畫孫武尋其置陳布勢  
是達畫之變者畫穰苴類孫武而不如畫醉容  
多有骨俱生變趣畫壯士有奔騰大勢恨不盡  
激揚之態畫蘭生有恨意不似英賢以求古人



畫馬得此  
訣不同凡  
筆

未之見也。畫列士有骨。秦王之對荆卿。雖美而不盡善。畫三馬。雋骨天奇。其騰蹕如躡虛空。於馬勢盡善也。畫東王公。居然有神靈。器不似世中生人。畫七佛。有情勢。皆衛協晉人手傳。畫北風詩。亦衛協手。美麗之形。尺寸之製。陰陽之數。纖妙之蹟。世所竝貴。神儀在心。末學詳此。思過半矣。畫清游池。不見京鎬形勢。見龍虎雜獸。雖不極體。變動多方。畫七賢。唯嵇生一像。欲佳其餘。



語皆精妙  
耐人尋味

雖不妙合。前諸竹林之畫。莫能及者。竝戴手也。  
名達字安道。畫嵇輕騎。中散輕作嘯。人似人嘯。  
晉譙國人。然容悴不似中散。處置意事。既佳。又林木雍容。  
調暢。亦有天趣。畫太邱二方。畫嵇興各如其人。  
尾後作臨深履薄。意足爲法戒。

筆致古雋。有非後人跋語所及者。錄而玩之。







如此方能  
爲山水傳  
神

出神入化  
理極微妙

山水松石格

梁元帝

天○地○之○名○造○化○爲○靈○設○奇○巧○之○體○勢○寫○山○水○之○  
縱○橫○或○格○高○而○思○逸○信○筆○妙○而○墨○精○由○是○設○粉○  
壁○運○人○情○素○屏○連○幃○山○脈○濺○瀑○首○尾○相○縈○項○腹○  
逼○近○丈○尺○分○寸○約○有○常○程○樹○石○雲○水○俱○無○正○形○  
樹○有○大○小○叢○貫○孤○平○扶○疏○曲○直○聳○拔○凌○亭○隱○隱○  
半○壁○高○潛○入○冥○插○空○類○劒○陷○地○如○坑○秋○毛○冬○骨○  
夏○蔭○春○英○炎○緋○寒○碧○暖○日○涼○星○巨○松○沁○水○噴○之○



無美不臻  
無法不備  
妙悟人自  
能領會之

言學心印卷一  
王  
蔚同同褒茂林之幽趣割雜草之芳情泉源至  
曲霧破山明精藍觀宇橋約關城人行犬吠獸  
走禽驚高墨猶綠下墨猶潁水因斷而流遠雲  
欲墜而霞輕桂不疏於胡越松不難於弟兄路  
廣石隔天遙鳥征雲中樹石宜先點石上枝柯  
末後成高嶺最嫌鄰刻石遠山大忌學圖經審  
問既然傳筆法祕之勿泄於戶庭

此與長史筆法等篇俱有古人傳習相承之



意其託名贗作所不計也。麤工朝學執筆暮  
卽詡詡自誇一切成法漫然不識吾故錄而  
出之。







畫家關係  
甚大與尋  
常技藝不  
同

書畫之源  
肇端於此

敘畫源流

唐  
張彥遠

夫○畫○者○成○教○化○助○人○倫○窮○神○變○測○幽○微○與○六○籍○  
同○功○四○時○並○運○發○於○天○然○非○由○述○作○古○先○聖○王○  
受○命○應○籙○則○有○龜○書○効○靈○龍○圖○呈○寶○白○巢○燧○以○  
來○已○有○此○瑞○庖○羲○氏○發○於○滎○河○中○典○籍○圖○畫○萌○  
矣○軒○轅○氏○得○於○溫○洛○中○史○皇○蒼○頡○狀○焉○是○時○也○  
書○畫○同○體○而○未○分○象○制○肇○創○而○猶○略○無○以○傳○其○  
意○故○有○書○無○以○見○其○形○故○有○畫○按○字○學○之○體○六○



曰鳥書。在幡信上。書端象鳥頭者。則畫之流。漢末

大司空甄豐校字體有六。其六

曰鳥書。卽幡信上作蟲鳥形也。顏光祿云。圖載

之意有三。一曰圖理。卦象是也。二曰圖識。字學

是也。三曰圖形。繪畫是也。又周官教國子以六

書。其三曰象形。則畫之意也。故曰書畫異名。而

同體也。周禮保章氏掌六書其六泊乎有虞作

繪。繪畫明焉。旣就彰施。仍深比象。於是禮樂大

闡。教化由興。故能揖讓而天下治。廣雅云。畫類



勸善懲惡  
後世當奉  
爲法守

也爾雅云畫形也說文云畫畛也象田畛畔也  
釋名曰畫挂也以彩色挂物象也故鐘鼎刻則  
識魑魅而知神姦旂章名則昭軌物而備國制  
清廟肅而尊彝陳廣輪度而疆理辨以忠以孝  
盡在於雲臺有烈有勳皆登於麟閣見善足以  
戒惡見惡足以思賢留乎形容式昭盛德之範  
具其成敗以傳既往之蹤紀傳所以敘其事不  
能載其形賦頌所以詠其美不能備其象圖畫



直與四始  
六義同功

之制所以兼之也故陸士衡云丹青之興比雅  
頌之述作美大業之馨香宣物莫大於言存形  
莫善於畫此之謂也是以漢明宮殿贊茲粉繪  
之功蜀郡學堂義存勸戒之道馬后尚願載君  
於唐堯石勒猶觀自古之忠孝豈同博奕用心  
自是名教樂地



種種景物  
乃畫中一  
定規矩學  
者能熟悉  
於胸中方  
臻純詣

山水訣

唐王維

畫道之中水墨爲上肇自然之性成造化之功  
或咫尺之圖寫百千之景東西南北宛爾目前  
春夏秋冬生於筆底初鋪水際忌爲浮泛之山  
次布路歧莫作連縣之道主峰最宜高聳客山  
須是奔趨迴抱處僧舍可安水陸邊人家可置  
邨莊著數樹以成林枝須抱體山崖合一水而  
瀑瀉泉不亂流渡口只宜寂寂人行須是疎疎



點綴景物  
須審地之  
所宜不可  
漫用

言心自卷一  
九  
泛舟楫之橋梁且宜高聳著漁人之釣艇低乃  
無妨懸崖險峻之間好安怪水峭壁巉巖之處  
莫可通途遠岫與雲容相接遙天共水色交光  
山鈎鎖處沿流最出其中路接危時棧道可安  
於此平地樓臺偏宜高柳映人家名山寺觀雅  
稱奇杉襯樓閣遠景煙籠深巖雲鎖酒旗則當  
路高懸客帆宜遇水低挂遠山須要低排近樹  
惟宜拔迸手親筆硯之餘有時遊戲三昧歲月



功深學邃  
自臻神妙

遙永頗探幽微妙悟者不在多言善學者還從  
規矩

平平寫去絕不矜張正恐老畫工不無失著  
後來作畫譜者偷取一二連篇累牘作為形  
似之語殊令人作惡須知欲探幽微期諸遙  
永或十年或二三十年那時方可遊戲為三  
昧之已得也若尋常寫作這一敬字是工夫  
初學者勉之







意在筆先  
爲畫中第  
一要訣

此一定之  
訣入手先  
要講究

右丞詔示  
後學使學  
者一目了然  
然方知法

山水論

唐王維

凡畫山水意在筆先丈山尺樹寸馬分人遠人  
無日遠樹無枝遠山無石隱隱如眉遠水無波  
高與雲齊此是訣也山腰雲塞石壁泉塞樓臺  
樹塞道路人塞石看三面路看兩頭樹看頂巔  
水看風脚此是法也凡畫山水平夷頂尖者巔  
峭拔相連者嶺有穴者岫峭壁者崖懸石者巖  
形員者巒路通者川兩水夾道名爲壑也兩山



度

此數端係  
山之大綱  
領逐一指  
示其訣并  
推究其弊  
自然理路  
分明

夾水名爲澗也似嶺而高者名爲陵也極目而  
平者名爲坂也依此者麤知山水之髣髴也觀  
者先看氣象後辨清濁定主賓之朝揖列羣峰  
之威儀多則亂少則慢不多不少要分遠近遠  
山不得連近山遠水不得連近水山腰掩抱寺  
舍可安斷岸坂堤小橋可置有路處則林木岸  
絕處則古渡水斷處則煙樹水濶處則征帆林  
密處則居舍臨巖古木根斷而藤纏石岸臨流



林木畫訣  
不離此種  
種熟習之  
自臻神妙

畫景中不  
可無此點  
綴學者當  
深思之

溜深而痕齧凡畫林木遠者疎平近者高密有  
葉者枝嫩柔無葉者枝硬勁松皮如鱗柏皮纏  
身生土上者根長而莖直生石上者拳曲而伶  
仃古木節多而半死寒林扶疎而蕭森有雨不  
分天地不辨東西有風無雨只看樹枝有雨無  
風樹頭低壓行人傘笠漁父蓑衣雨霽則雲收  
天碧薄霧霏微山添翠潤日近斜暉早景則千  
山欲曉霧靄微微朦朧殘月氣色昏迷晚景則



山水畫景  
四時自有  
一定題目  
讀此可以

山○銜○紅○日○帆○卷○江○濱○路○行○人○急○半○掩○柴○扉○春○景○  
則○霧○鎖○煙○籠○長○煙○引○素○水○如○藍○染○山○色○漸○青○夏○  
景○則○古○木○蔽○天○綠○水○無○波○穿○雲○瀑○布○近○水○幽○亭○  
秋○景○則○天○如○水○色○簇○簇○幽○林○雁○鴻○秋○水○蘆○鳥○沙○  
汀○冬○景○則○借○地○爲○雪○樵○者○負○薪○漁○舟○倚○岸○水○淺○  
沙○平○凡○畫○山○水○須○按○四○時○或○曰○煙○籠○霧○鎖○或○曰○  
楚○岫○雲○歸○或○曰○秋○天○曉○霽○或○曰○古○塚○斷○碑○或○曰○  
洞○庭○春○色○或○曰○路○杳○人○迷○如○此○之○類○謂○之○畫○題○



類推

山頭不得一樣樹頭不得一般山藉樹而爲衣樹藉山而爲骨樹不可繁要見山之秀麗山不可亂須顯樹之精神如是者能手也

秘省名畫充棟與同館日取一二種展玩方知古人意在筆先之妙總當於無筆墨處領取雲煙過眼此事漸疎偶閱前賢授受真訣爲之憮然學者從有筆墨處求法度從無筆墨處求神理更從無筆無墨處參法度從有



筆有墨處參神理。鍼線細密脈縷精微。早作  
夜思。心摹手追。如是一二十年。不患不到能  
手地位。以言乎神與妙。則未也。若或規模一  
二名蹟。露其所長。掩其所短。自以爲能竝題  
前人款識。以求售於世。欺世欺人。直欺己耳。  
欺人欺己。直欺天耳。後生輩慎勿蹈之。



六法論

唐張彥遠

畫事至晉時六朝格致雖未大備而一種純麗渾古之氣遂然莫可窺視益見古今人之懸殊也

昔謝赫云畫有六法一曰氣韻二曰骨法三曰應物象形四曰隨類賦彩五曰經營位置六曰傳模移寫人罕能兼之古之畫遺其形似而尙其骨氣以形似之外求其畫也今之畫縱得形似而氣韻不生以氣韻求其畫則形似在其閒矣上古之畫蹟簡意淡而雅正顧愷陸探之流是也中古之畫細密精緻而臻麗展子鄭法之



畫中筆意  
最爲緊要  
書與畫同  
一關紐

流是也。近代之畫煥爛而求備。今人之畫錯亂而無旨。衆工之蹟是也。夫象物必在於形。似形似。須全其骨氣。骨氣形似。皆本於立意。而歸乎用筆。故工畫者多善書。古畫非獨變態有奇意也。抑亦物象殊也。臺閣樹石車輿器物無生動之可擬。無氣韻之可侔。直要位置向背而已。愷之言畫人最難。次山水。次狗馬。其臺閣一定器耳。差易爲也。斯言得之。鬼神人物有生動之可。



氣韻筆力  
兼備方臻  
神妙

吳道元筆  
法超妙爲  
百代畫中  
聖人物八  
面生動山  
水又傑出  
風塵之表  
或擬之探  
微僧繇復  
生非虛譽

狀須神韻而後全若氣韻不周空陳形似筆力  
未遒空善賦彩非妙也經營位置則畫之總要  
自顧陸以降畫蹟鮮存惟觀吳道元之蹟六法  
俱全萬象畢盡神人假手窮極造化矣至於傳  
模移寫乃畫家末事然今之畫人麤善寫貌得  
其形似則無其氣韻具其彩色則失其筆法嗚  
呼今之人斯藝不至也宋顧駿之常結構高樓  
以爲畫所每登樓去梯家人罕見若時景融朗



也

然後含毫天地陰慘則不操筆今茲筆墨混於  
塵埃丹青和其墨滓徒汙絹素卽能振妙一時  
烏足傳芳千祀哉

篇中提喚處正復不少凡事盡可通神只在  
鏤心刻腎何必別求筆法於神人今之錯亂  
無旨直教普天下胥作衆工六法安在可嘆  
可嘆



精鑿

閻氏家世  
繪事而立  
本尤為首  
稱展子虔  
山水樓觀  
六朝第一  
此言玲瓏  
此言勁括  
更精

畫辨

唐張彥遠

魏晉以降名蹟在人間者皆見之矣其畫山水則羣峰之勢若鈿飾犀櫛或水不容泛或人大於山率皆附以樹石映帶植列之狀則若伸臂布指詳古人之意專在顯其所長也國初二閻立德立本擅美匠學楊契丹展虔精意宮觀漸變所附立本猶狀石則務於雕透如冰斯斧刃繪樹則刷脈鏤葉多栖結苑柳功倍愈拙不勝其色吳道



字字鮮艷  
可法可師  
畫山水用  
金碧始於  
李思訓

雋妙乃爾

元者天付勁豪幼抱神奧往往於佛寺畫壁縱

以怪石崩灘若可捫酌又於蜀道寫貌山水由

是山水之變始於吳成於二李李將軍思訓李中書林甫樹

石之狀妙於韋鷗一作偃京兆人韋鑒子窮於張通通乃初名

後改名璪一作藻字文通吳郡人即張員通能

外也別有曹州刺史張通河間人非也

用紫毫禿鋒以掌摸色中遺巧飾外若渾成又

若王右丞名維字摩詰之重深楊僕射名業之奇

贍朱審吳興人之濃秀王宰蜀中人之巧密劉商字



補贊兩壁  
不肖直率  
而下

夏彭之取象其餘作者非一皆不過之近代有  
城人侯莫陳厦字重沙門道芬會稽精緻周杳皆一  
世之秀也吳興郡南堂有兩壁樹石余觀之而  
嘆曰此畫位置若道芬蹟類宗偃是何人哉吏  
對曰有徐表仁者初爲僧號宗偃師道芬今寓  
於郡側年未衰而筆力奮疾召而來徵他筆皆  
不類遂指其單複曲折之勢使其凝意且啟幽  
襟迨乎構成亦竊奇狀向之兩壁蓋得意深奇



真善形容  
之筆語語  
耐人研求

書學八上卷一  
之作觀其潛蓄嵐瀨遮藏洞泉蛟根束鱗危幹  
凌碧重質委地青飈滿堂吳興茶山水石奔異  
境與性會乃召於山中寫明月峽因敘其所見  
庶爲知言知之者解頤不知者拊掌

嵐瀨如何潛蓄洞泉如何遮藏蛟根如何束  
鱗危幹如何凌碧得其境者便自深奇也中  
間鈿飾犀櫛冰漸斧刃等語久就沉埋吾爲  
表而出之知之者拊掌不知者亦當解頤矣



論用筆

唐張彥遠

用筆訣竅  
無微不至  
無美不備  
學者當字  
字參究不  
可輕易讀  
過

探微於長  
康雖後出

或問余以顧陸張吳用筆何如對曰顧愷之之  
蹟緊勁聯綿循環超忽調格逸易風趨電疾意  
存筆先畫盡意在所以全神氣也昔張芝學崔  
瑗杜度草書之法因而變之以成今草書之體  
勢一筆而成氣脈通連隔行不斷惟王子敬明  
其深旨故行首之字往往繼其前行世上謂之  
一筆書其後陸探微亦作一筆畫連綿不斷故



而妙用精  
絕宜乎後  
人顧陸並  
稱

張吳筆法  
神妙不愧  
與顧陸並  
駕齊驅

此種巧妙  
非平日研  
鍊於胸中  
豈易臨時

書學八卷一  
知書畫用筆同法陸探微精利潤媚新奇妙絕  
名高宋代時無等倫張僧繇點曳刷拂依衛夫  
人筆陣圖一點一畫別是一巧鈎戟利劍森森  
然又知書畫用筆同矣國朝吳道元古今獨步  
前不見顧陸後無來者授筆法於張旭此又知  
書畫用筆同矣張旣號書顛吳宜爲畫聖人假  
天造英靈不窮衆皆密於盼際我則離披其點  
畫衆皆謹於象似我則脫落其凡俗彎弧挺刃



發舒於腕  
下良工苦  
心於此可  
見

妙

有此真實  
功夫用筆  
自然神妙  
吳之稱畫  
聖超絕今  
古也宜哉

植柱鈎梁不假界筆直尺風鬚雲鬢數尺飛動  
毛根出肉力健有餘當有口訣人莫得知數仞  
之畫或自臂起或從足先巨壯詭怪膚脈連結  
過於僧繇矣或問余曰吳生何以不用界筆直  
尺而能彎弧挺刃植柱鈎梁對曰守其神專其  
一合造化之功假吳生之筆向所謂意存筆先  
畫盡意在也凡事之臻妙者皆如是庖丁發矧  
郢匠運斤效顰者徒勞捧心代斲者必傷其手



畫能如此  
用筆如此  
用意一點  
一拂皆有  
關係也可  
謂畫法備  
而畫理精  
矣

意旨亂矣。外物役焉。豈能左手劃員。右手劃方。  
乎。夫用界筆直尺。界筆是死畫也。守其神專其  
一是真畫也。死畫滿壁。曷如汙墁。真畫一畫見  
其生氣。夫運思揮毫。自以爲畫。則愈失於畫矣。  
運思揮毫。意常在畫。而能不滯於手。不凝於心。  
不知然而然。雖鸞弧挺刃。植柱鉤梁。則界筆直  
尺。豈得入於其間乎。又問余曰。夫運思精深者。  
筆蹟周密。其有筆不周者。謂之如何。余對曰。顧



筆跡周密  
宋畫本源  
點畫離披  
元畫衣鉢

陸之神不可見其盼際所謂筆蹟周密也張吳  
之妙點畫離披時見缺落此雖筆不周而意周  
也若知畫有疏密二體方可議乎畫或者領之  
而去

此等文字學者總須熟玩自然不敢侈談揮  
毫不敢妄稱傳筆法夫書畫一致自古而然  
不能讀書卽不能窮理不能觀物不能窮理  
觀物卽不知各各生意所在不知生意所在



雖欲守神專一皆死筆也。聯縣者非常山之蛇超忽者乃燕石之寶。假託形似疑鬼疑神。吾甚憐之。蓋所謂筆不周而意周者。須從死工夫得來。到得精純之至。意旨不亂。外物不侵。人假天造。英靈來往。此豈一時可希之事。有如界筆直尺可棄也。而不可棄。不用界筆直尺而後爲生動。固也不用界筆直尺而壹似實用界筆直尺。方是工於寫生手。今之作



者○效○顰○捧○心○代○斲○傷○手○束○塗○西○抹○自○云○寫○意○  
鳴○呼○生○氣○安○在○而○生○意○云○乎○哉○至○篇○中○書○畫○  
粘○合○處○自○當○人○人○見○及○吾○亦○不○多○贅○云○







此卽天地  
時行物生  
之妙畫家  
能參透此  
意直與造  
化同功矣

精微之理  
最爲懸解  
惟妙悟人  
能領會之

畫工揭寫

唐  
張彥遠

陰○陽○陶○蒸○萬○象○錯○布○元○化○忘○言○神○工○獨○運○草○木○  
敷○榮○不○待○丹○綠○之○彩○雲○雪○颺○颺○不○待○鉛○粉○而○白○  
山○不○待○空○青○而○翠○鳳○不○待○五○色○而○絳○是○故○運○墨○  
而○五○色○具○謂○之○得○意○意○在○五○色○則○物○象○乖○矣○夫○  
畫○物○特○忌○形○貌○采○章○厯○厯○具○足○甚○謹○甚○細○而○外○  
露○巧○密○所○以○不○患○不○了○而○患○於○了○既○知○其○了○亦○  
何○必○了○此○非○不○了○也○若○不○識○其○了○是○真○不○了○也○



夫工欲善其事必先利其器。齊紈、吳練、冰素、霧綃、精潤、密緻、機杼之妙也。武陵水井之丹、磨嵯之沙、越嶠之空青、蔚之曾青、武昌之扁青、上品石綠蜀郡之鉛華、黃丹始興之解錫、胡粉林邑崑崙之黃雌黃也。思南海之蟻鈿、紫鈿也造粉胭脂、胡粉同用南海之蟻鈿、吳綠謂之赤膠雲中之鹿膠、吳中之鰾膠、東阿之牛膠、采章漆姑汁之用鍊煎竝為重采。古畫皆用漆姑汁若鍊煎謂之鬱色於綠色上重用之研鍊澄汰深淺輕重精麤鬱而用之。古畫不用頭



此言其久

此言其物

綠大青

畫家呼麤綠爲頭  
綠粗青爲大青

取其精華接而用之

百年傳致之膠千載不剝絕仞食竹之豪一劃

如劍江南地潤無塵人多精藝三吳之蹟八絕

之名逸少右軍長康散騎書畫之能其來尙矣

淮南子云宋人善畫吳人善治治賦色也不亦然乎

好事家宜置宣紙百幅用法蠟之以備摹寫顧愷

之有摹古時好搨畫十得七八不失神彩筆蹤

亦有御府搨本謂之官搨國朝內庫翰林集賢



古人搨畫  
最爲矜重  
後人鈎摹  
邱壑謂之  
粉本今則  
搨畫之法  
不傳矣

畫學心法卷一  
三  
祕閣搨寫不輟承平之時此道甚行艱難之後  
斯事漸廢故有非常好本搨得之者所宜寶之  
既可希其真蹤又得留爲證驗徧觀衆畫惟顧  
生畫古賢得其妙理對之令人終日不倦凝神  
遐想妙悟自然物我兩忘離形去智不亦臻於  
妙理哉

物我兩忘離形去智二語已造忘言忘坐地  
位誰謂技之不可進乎道也哉



畫雲李將軍  
拘筆爲  
千古不易  
之法吹雲  
究係魔道  
非正宗也

論吹雲潑墨體

唐張彥遠

彥遠會謂古人畫雲未爲臻妙若能沾溼絹素  
點綴輕粉縱口吹之謂之吹雲雖曰妙解不見  
筆蹤彥遠此意殊勝然不得謂之爲法至以比  
山水家潑墨則又過矣潑墨自有興會吹雲未  
堪倣倣

風吹別調體製雖存慎勿效尤







信口縷縷  
錯綜橫佚  
各中條理

畫說

唐韓愈

雜古今人物小畫共一卷。騎而立者五人。騎而  
被甲載兵立者十人。一人騎執大旗前立。騎而  
被甲載兵行且下牽者十人。騎且負者二人。騎  
執器者二人。騎擁田犬者一人。騎而牽者二人。  
騎而驅者三人。執羈勒立者二人。騎而下倚馬  
臂隼而立者一人。騎而驅涉者二人。徒而驅牧  
者二人。坐而指使者一人。甲冑手弓矢鈇鉞植



者七人甲冑執幟植者十人負者七人偃寢休  
者二人甲冑坐睡者一人方涉者一人坐而脫  
足者一人寒附火者一人雜執器物役者八人  
奉壺矢者一人舍而具食者十有一人挹且注  
者四人牛牽者二人驢驅者四人一人杖而負  
者婦人以孺子載而可見者六人載而上下者  
三人孺子戲者九人凡人之事三十有二爲人  
大小百二十有三而莫有同者焉馬大者九匹



此段文法  
蓋本莊子  
齊物論

於馬之中。又有上者。下者。行者。牽者。涉者。陸者。  
翹者。顧者。鳴者。寢者。訛者。立者。人立者。齧者。飲  
者。洩者。陟者。降者。痒磨樹者。噓者。嗅者。喜相戲  
者。怒相踉。齧者。秣者。騎者。驟者。走者。載服物者。  
載狐兔者。凡馬之事。二十有七。爲馬大小八十  
有三。而莫有同者焉。牛大小十一頭。橐駝三頭。  
驢如橐駝之數。而加其一焉。隼一。犬。羊。狐。兔。麋。  
鹿。共三十。旃車三兩。雜兵器弓矢。旌旗刀劍矛。



人馬雜物  
亦作三疊  
文

楯弓服矢房甲冑之屬餅盃簠筥錡釜飲  
食服用之器壺矢博奕之具二百五十有一皆  
曲極其妙貞元甲戌年余在京師甚無事同居  
有獨孤生申叔者始得此畫而與余彈棊余幸  
勝而獲焉意甚惜之以爲非一工人之所能運  
思蓋藁集衆工人之所長耳雖百金不願易也  
明年出京師至河陽與二三客論畫品格因出  
而觀之座有趙侍御者君子人也見之戚然若



尙不忘情  
文字密處

有○感○然○少○而○進○曰○噫○余○之○手○摸○也○亡○之○且○二○十○  
年○矣○余○少○時○常○有○志○乎○茲○事○得○國○本○絕○人○事○而○  
摸○得○之○游○閩○中○而○喪○焉○居○閒○處○獨○時○往○來○余○懷○  
也○以○其○始○爲○之○勞○而○夙○好○之○篤○也○今○雖○遇○之○力○  
不○能○爲○已○且○命○工○人○存○其○大○都○焉○余○旣○甚○愛○之○  
又○感○趙○君○之○事○因○以○贈○之○而○記○其○人○物○之○形○狀○  
與○數○而○時○觀○之○以○自○釋○焉○

有此筆墨須得如此敘次不知畫以敘傳抑



敘以畫傳也東坡得其意作韓幹畫馬十五  
匹詩已自信作詩能見畫此真善臨摹粉本  
者也古人畫藁謂之粉本謂以粉作地布置  
妥帖而後揮灑出之使物無遁形筆無誤落  
前輩多寶蓄之後卽宗此法摹榻前人筆蹟  
以成粉本宣和紹興間所藏粉本多有神妙  
者爲臨摹數十過往往克傳古人遺意今學  
者不求工於運思構局繪水繪聲之妙往往



自○謂○能○作○畫○而○粉○本○之○臨○摹○者○絕○鮮○是○所○謂○  
畏○難○而○苟○安○者○也○以○是○求○名○烏○乎○可○哉○  
妙○處○在○物○數○龐○雜○而○銓○次○特○悉○於○其○記○可○以○  
知○其○畫○之○絕○世○矣○



--	--	--



記異

五代荆浩

作畫用筆  
全在得法  
童而習之  
老無所獲  
者皆由未  
得其法也

精微之理  
幾於入道

登太行神鉦山。四望皆古松也。寫之凡數萬本。遇一叟教之曰。少年好學。終可成也。乃示以筆法。別日訪之。無蹤。浩重所傳而記之。其略曰。畫者。畫也。度物象而取其真。物之華。取其華。物之實。取其實。不可執華爲實。若不知術。苟似可也。圖真不可及也。似者。得其形。遺其氣。真者。氣質俱盛。嗜慾者。生之賊也。名賢縱樂。圖畫代去雜。



山水中氣  
韻思景筆  
墨六者須  
一一參透  
方能造微  
入妙

神妙奇巧  
畫理更精  
然須悉心  
研究方有  
入路

慾○曰○氣○曰○韻○曰○思○曰○景○曰○筆○曰○墨○氣○者○心○隨○筆○  
運○取○象○不○惑○韻○者○隱○蹟○立○形○備○遺○不○俗○思○者○刪○  
撥○大○要○凝○想○形○物○景○者○制○度○時○因○搜○妙○創○真○筆○  
者○雖○依○法○則○運○轉○變○通○不○質○不○形○如○飛○如○動○墨○  
者○高○低○暈○淡○品○物○淺○深○文○采○自○然○似○非○因○筆○復○  
曰○神○妙○奇○巧○神○者○亡○有○所○爲○任○運○成○象○妙○者○思○  
經○天○地○萬○類○性○情○文○理○合○儀○品○物○流○形○奇○者○蕩○  
蹟○不○測○與○真○景○或○乖○其○理○偏○得○似○此○者○亦○爲○有○



再將筋骨  
肉氣四勢  
切指其病  
學者能細  
心領會直  
與造化同  
功

筆無思巧者雕綴小媚假合大經強寫文章增  
貌氣象此謂實不足而華有餘凡筆有四勢謂  
筋骨肉氣筋死者無肉蹟斷者無筋質媚者無  
骨色微者喪氣其病有二一日無形一日有形  
有形病者花木不時屋小人大或樹高於山橋  
不登於岸此病不可改圖無形之病氣韻俱泯  
物象全乖筆墨雖行類同死物夫木之生也形  
質都異其如遠思先合一一分明也山水之象



此中神妙  
有非言語  
所能形容  
者

歷代畫家  
能用筆者

氣○勢○萬○千○霧○雲○煙○靄○輕○重○有○時○勢○或○因○風○象○皆○  
不○定○自○古○學○人○得○之○者○少○謝○赫○南齊人品○陸○探微  
吳○之○為○勝○今○已○難○遇○親○蹤○張○僧○繇○梁之吳人也所○遺○  
之○圖○甚○虧○其○理○張○員○外○唐人名噪一作藻字文通樹○石○氣○韻○  
俱○盛○筆○墨○積○微○真○思○卓○然○不○貴○五○彩○麴○庭○唐會昌時  
人○與○白○雲○尊○師○道士李尊師氣○象○幽○妙○王○右○丞○  
維○字○摩○詰○筆墨宛麗氣韻高清○巧○寫○象○成○亦○動○  
太○原○祁○人○  
真○思○李○將○軍○思訓字建理深○思○遠○筆○蹟○甚○精○雖○  
唐宗室



往往不能  
用墨能用  
墨者往往  
不能用筆  
近代惟董  
思翁足稱  
有筆有墨  
此中巧妙  
令人探索  
不盡

巧而華大虧墨彩項容山人唐天台處士樹石頑澀  
稜角無隨用墨獨得吳道子初名道子元宗改名道元東京陽翟  
人筆勝於象骨氣自高陳員外及僧道芬唐會稽僧  
以下麤昇凡格作用無奇筆墨之行甚有形蹟  
苟肉筆無法筋骨皆不相轉何畫之能為浩旣  
受叟筆法因作古松贊以呈叟其辭曰不凋不  
容惟彼貞松勢高而險屈節以恭葉張翠蓋枝  
盤赤龍下有蔓草幽陰蒙茸仰其擢幹偃舉千



重巍巍溪中翠暈煙籠奇枝倒挂徘徊變通下  
接凡木君子之風風清匪歇幽音凝空叟曰爾  
之手我之心也遂辭而去

此筆受法也惟靜者爲能造之



山水節要

五代荆浩

體用爲畫  
中大綱領  
不參體用  
二字學者  
終無入手  
處

夫山水迺畫家十三科之首也。有山巒、樹木、水石、雲煙、泉崖、溪岸之類，皆天地自然造化，勢有形格，有骨格，亦無定質。所以學者初入艱難，必要先知體用之理，方有規矩。其體者，迺描寫形勢、骨格之法也。運於胸次，意在筆先。遠則取其勢，近則取其質。山立賓主，水注往來。布山形，取巒向分，石脈置路，灣模樹柯，安坡脚，山知曲折。



皴法非十分純熟不能明虛皴之妙畫家解此便能跳出窠臼

巒要崔巍石分三面路看兩歧溪澗隱顯曲岸  
高低山頭不得重犯樹頭切莫兩齊在乎落筆  
之際務要不失形勢方可進階此畫體之訣也  
其用者乃明筆墨虛皴之法筆使巧拙墨用重  
輕使筆不可反爲筆使用墨不可反爲墨用凡  
描枝柯葦草樓閣舟車之類運筆使巧山石坡  
崖蒼林老樹運筆宜拙雖巧不離乎形固拙亦  
存乎質遠則宜輕近則宜重濃墨莫可復用淡



所貴神而  
明之

墨必教重提。又古有云。丈山尺樹。寸馬豆人。遠  
山無皴。遠水無痕。遠林無葉。遠樹無枝。遠人無  
目。遠閣無基。雖然定法。不可膠柱鼓瑟。要在量  
山。察樹。忖馬。度人。可謂不盡之法。學者宜熟味  
之。

議論確當。旨奧精深。片言隻語。皆可師法。







主賓遠近  
爲山水大  
綱領  
用墨須要  
輕重得宜  
此畫樹石  
一定之法

山水法

宋李成

先定主賓次分遠近然後穿鑿景物擺布高低  
落墨無令太重重則濁而不清不可太輕輕則  
燥而不潤烘染過度則不接裁插繁細則失神  
發樹枝左長右短立石勢上重下輕上下雲烟  
取秀不可太多左右林麓鋪陳不可太密路須  
曲折山要高低雪天不用雲煙雨裏無多遠望  
山舍置之隘窄漁翁要在平灘高山煙鎖其腰



布景會得  
此旨自然  
邱壑靈奇  
不同尋常  
位置

參差錯落  
自不板滯

長嶺雲翳其脚遠水縈紆而來還用雲煙以斷  
其派怪石巉巖而立仍須土阜以培其根石須  
圓渾鋒芒八面稜薈木要交叉挺幹四時枯茂  
淺流傍岸深澗凌崖聳坡之土宜高煙林之木  
勿密重巖切忌頭齊羣峰更宜高下孤峰遠設  
野水遙拖道路時隱時顯橋梁或有或無顛崖  
怪石不用頻施峻嶺枯槎也宜少作遙煙遠曙  
太繁恐失朝昏密樹稠林斷續防他版刻山原



逐一指示  
令人尋味  
無窮

筆墨輕重  
得宜自然

峻險依稀樵徑猶存煙霧迷離彷彿朦騰欲雨  
喬木聳直蟠屈者一株兩株亂石礧堆奇怪者  
三塊兩塊點樹葉稀疏間密皴石脈以重分輕  
人物轉顧多般樓觀止須間作樹根栽插龍爪  
宛若扒拏石布峻嶒根脚還須帶土之字水不  
過三轉濺瀑水不過兩重山無獨木石不孤單  
野橋寂寞遙通竹隴人家古樹槎枒掩映松林  
佛塔分清分濁庶幾輕重相兼失重矣輕病在



偏○枯○損○體○千○巖○萬○壑○要○低○昂○聚○散○之○不○同○疊○巘○  
層○巒○但○起○伏○崢○嶸○而○各○異○若○能○留○意○於○此○顧○心○  
會○於○精○微○意○懶○石○不○硬○心○怯○水○不○堅○  
筆○尖○樹○不○老○墨○濃○雲○不○輕○

語○雖○淺○近○法○度○自○存○中○間○有○與○原○本○不○同○處○  
便○傳○習○也○其○複○沓○者○蓋○無○存○矣○



讀此真能  
令人起高  
隱之思也  
思翁語信  
然

此中微妙  
學者能細  
心研求即  
是消息造  
化爲山水  
傳神

畫訓

宋郭熙

山○水○有○可○行○者○有○可○望○者○有○可○游○者○有○可○居○者○  
妙○手○鬱○然○出○之○皆○入○妙○品○畫○者○常○以○意○造○而○鑒○  
者○又○當○以○意○窮○之○画○亦○有○相○法○李○成○子○孫○昌○盛○  
其○山○脚○地○面○皆○渾○厚○濶○大○上○秀○而○下○豐○也○山○水○  
自○有○意○度○遠○望○取○其○勢○近○看○取○其○質○其○雲○氣○四○  
時○不○同○春○融○怡○夏○蓊○鬱○秋○疏○薄○冬○黯○淡○見○其○大○  
象○則○雲○氣○活○矣○其○煙○嵐○四○時○不○同○春○山○淡○冶○而○



山能如此  
佈置色色  
精妙庶幾  
引人入勝

如笑夏山蒼翠而如滴秋山明淨而如妝冬山  
慘澹而如睡見其大意則煙嵐正矣其風雨遠  
望可得而近者玩習不能究錯綜起止之勢其  
陰晴遠望可盡而近者拘狹不能得明晦隱現  
之蹟山之人物以標道路山之樓觀以標勝概  
山之林木映蔽以分遠近山之谿谷斷續以分  
淺深水之津渡橋梁以足人事水之漁艇釣竿  
以足人意大山堂堂衆山之望布以岡阜林壑



山無十步  
真非夙有  
煙雲邱壑  
之癖者不  
能心領其  
妙也

至於朝光  
暮靄四時  
變幻景物  
更自不同

爲遠近大小之宗主也。長松亭亭。衆木之表布。  
以藤蘿草木爲振挈依附之師帥也。山近看如  
此。遠數里看又如此。遠數十里看又如此。每遠  
每異。所謂山形步步移也。山正面如此。側面又  
如此。背面又如此。每看每異。所謂山形面面看  
也。春夏看如此。秋冬看又如此。所謂四時之景  
不同也。朝看如此。暮看又如此。陰晴看又如此。  
所謂朝暮之變態不同也。春山煙雲連綿。人欣



畫至神妙  
處自足怡  
情悅目宗  
少文之卧  
游良有以  
也

三  
卷一  
三  
欣夏山嘉木繁陰人坦坦秋山明淨搖落人肅  
肅冬山昏霾翳塞人寂寂看此畫令人生此意  
如真在此山中此景外意也見青煙白道而思  
行見平川落照而思望見幽人山客而思居見  
巖扃泉石而思游看此畫令人起此心如將真  
卽其處此意外妙也東南之山多奇秀奇峰峭  
壁斗出霄漢之外瀑布千丈飛落雲霞之表西  
北之山多渾厚堆阜盤礴連延不斷於千里之



神妙之景  
最能啟發  
人之性靈  
並非前人

外介邱有頂迤邐拔萃於四達之野嵩山多好  
溪華山多好峰衡山多好別岫常山多好列岫  
泰山特好主峰天台武夷廬霍鴈蕩岷峨巫峽  
天壇王屋林慮武當皆天下名山巨鎮寶藏所  
出仙靈所隱莫不窮其要妙飽游飫看羅列胸  
中目不見絹素手不知筆墨磊磊落落杳杳漠  
漠莫非吾畫此懷素夜聞嘉陵江水聲而草聖  
益佳張顛見公孫大孃舞劍器而筆勢益壯者



故神其說也  
執筆者須  
種種精到  
庶幾無負  
此事

如此方有  
無窮妙趣  
不爲境界  
所囿

也○今○執○筆○者○所○養○不○擴○充○所○鑒○不○純○熟○所○經○不○  
眾○多○所○取○不○精○粹○而○得○紙○發○筆○水○墨○遽○下○何○以○  
掇○景○於○煙○霞○之○表○哉○何○謂○所○養○欲○擴○充○近○有○畫○  
仁○者○樂○山○圖○作○一○叟○支○頤○於○峰○畔○智○者○樂○水○圖○  
作○一○叟○側○耳○於○巖○前○此○不○擴○充○之○病○也○蓋○樂○山○  
宜○如○白○樂○天○草○堂○圖○山○居○之○意○裕○足○也○樂○水○宜○  
如○王○摩○詰○輞○川○圖○水○中○之○樂○饒○給○也○何○謂○所○覽○  
欲○純○熟○近○世○畫○山○則○峰○不○過○三○五○峰○畫○水○則○波○



畫至神妙處畫山是山畫水是山水有超乎筆墨之外者得山水之神不拘山水之形也

古云讀萬卷書行萬里路方可作畫蓋經歷眾多自

不。過。三。五。波。此。不。純。熟。之。病。也。必。高。者。下。者。大。者。小。者。益。睥。向。背。顛。頂。朝。揖。其。體。渾。然。相。應。則。山。之。美。意。足。也。必。齊。者。汨。者。卷。而。飛。激。者。引。而。舒。長。者。其。狀。宛。然。自。足。則。水。之。態。富。瞻。也。何。謂。所。經。之。不。眾。多。生。吳。越。者。寫。東。南。之。聳。瘦。居。咸。秦。者。貌。關。隴。之。壯。浪。學。范。寬。者。乏。營。邱。之。秀。媚。師。王。維。者。闕。關。仝。之。風。骨。凡。此。之。類。咎。在。於。所。經。之。不。眾。多。也。何。謂。所。取。之。不。精。粹。千。里。之。山。



然研精去  
粗無美不  
備

此等處須  
逐一參究  
方能入妙

不盡奇。萬里之水。豈盡秀。太行枕華夏。而面目  
者。林慮。泰山占齊魯。而勝絕者。龍巖。一概畫之。  
版圖。何異。凡此之類。咎在於所取之不精粹也。  
故專於坡陀。失之麤。專於幽閒。失之薄。專於人  
物。失之俗。專於樓觀。失之冗。專於石。則骨露。專  
於土。則肉多。筆蹟不渾。成謂之疏。疏則無真意。  
墨色不滋潤。謂之枯。枯則無生意。水不潺湲。謂  
之死水。雲不自在。謂之凍雲。山不分明晦。謂之



山須如此  
摹寫方顯  
山之妙處

水要如此  
形容乃見  
水之活處

無日影。日到處明。山不分隱現。謂之無煙靄。靄。  
到處隱。不到處晦。山其形欲聳拔。欲軒豁。欲箕踞。欲盤  
礴。欲雄豪。欲嚴重。欲顧盼。欲朝揖。欲上有蓋。欲  
下有承。欲前有據。欲後有倚。欲下瞰。而若臨觀。  
欲下游。而若指麾。水其形欲靜深。欲汪洋。欲回  
環。欲柔膩。欲噴薄。欲激射。欲多泉。欲遠流。欲瀑  
布。插天欲濺。撲入地欲挾煙雲。而秀媚。欲照溪  
谷。而光輝。山以水爲血脈。草木爲毛髮。煙雲爲



山水爲畫  
之大綱須  
色色精妙  
自然令人  
賞玩不厭

神彩○山無煙雲如○故山得水而活○得草木而華○  
得煙雲而秀媚○水以山爲面○亭榭爲眉目○漁釣  
爲精神○故山得水而媚○得亭榭而明快○得漁釣  
而曠落○山有高有下高者血脈在下其肩股開  
張基脚壯厚巒岫培擁勾連映帶不絕此高山  
也如是謂之不孤謂之不仆下者血脈在上其  
顛半落頂領相攀直下深插莫測其淺深此淺  
山也如是謂之不薄謂之不泄山有三遠自山



三遠畫法  
須將高深  
平三字細  
心尋繹然  
後布景方  
有分別人  
物亦然均  
不可率易  
爲也

下而仰山顛謂之高遠。白山前而窺山後謂之  
深遠。自近山而望遠山謂之平遠。高遠之勢突  
兀。深遠之意重疊。平遠之意縹緲。其人物高遠  
者明瞭。深遠者細碎。平遠者冲澹。明瞭者不短  
細碎者不長。冲澹者不大。山有三大。山大於木  
木大於人。山不數十重如木之大。則山不大。木  
不數十百如人之大。則木不大。木之所以比夫  
人者。先自其葉。而人之所以比夫木者。先自其



山水能如  
此着想真  
化朽腐爲  
神奇矣

頭木葉若干可以蔽人之頭人之頭若干葉而  
成之則人之大小木之大小山之大小皆中程  
度山欲高盡出之則不高煙霞鎖其腰則高矣  
水欲遠盡出之則不遠掩映斷其脈則遠矣正  
面溪山林木盤折委曲鋪設其景而來不厭其  
詳所以足人目之近尋也傍邊平遠嶠嶺重疊  
鈎連縹緲而去不厭其遠所以極人目之曠望  
也遠山無皴遠水無波遠人無目非無也如無



此卽作畫  
一定章法

土山石山  
其戴石戴  
士林木當  
如此分別  
以下各種

耳○山○光○水○色○不○下○堂○階○而○滉○漾○奪○目○豈○不○實○獲○  
我○心○哉○

凡○經○營○下○筆○必○合○天○地○如○一○尺○半○幅○之○上○上○留○  
天○之○位○下○留○地○之○位○中○間○方○立○意○定○景○見○世○之○  
初○學○遽○把○筆○下○去○率○爾○立○意○觸○情○塗○抹○滿○幅○看○  
之○填○塞○人○目○令○人○大○不○快○山○有○戴○土○山○有○戴○石○  
土○山○戴○石○林○木○瘦○聳○石○山○戴○土○林○木○肥○茂○木○在○  
山○者○土○厚○在○水○者○土○薄○水○有○流○水○石○有○盤○石○水○



亦要細心  
參究不可  
輕忽

得心應手  
方能驅使  
筆墨今之  
率爾操觚  
者均爲筆  
墨所使耳

有瀑布石有怪石瀑布練飛於林表怪石虎蹲  
於路隅雨有欲雨雪有欲雪雨有雨霽雪有雪  
霽風有急風雲有歸雲大風則飛沙走石輕雲  
則薄羅引素邨落不依於山崖松石不作於平  
渚使筆不可反爲筆使用墨不可反爲墨用近  
取諸書法正與相符右軍喜鵝意在取其轉項  
如人之執筆轉腕以結字世謂善書者往往善  
畫蓋由其轉腕用筆之不滯也善用墨者尤難



用墨之妙  
自有此種  
種在明眼  
人自能變  
通之非可  
執一也

皴擦渲刷  
諸法須逐

得○之○淡○墨○有○時○而○用○濃○墨○有○時○而○用○焦○墨○有○時○  
而○用○宿○墨○有○時○而○用○退○墨○有○時○而○用○厨○中○埃○墨○  
有○時○取○青○黛○雜○墨○水○而○用○淡○墨○六○七○加○而○成○  
深○卽○墨○色○滋○潤○而○不○枯○濃○墨○焦○墨○欲○特○然○取○其○  
限○界○非○此○則○松○稜○石○角○不○瞭○然○用○青○墨○水○重○疊○  
過○之○卽○墨○色○分○明○常○如○霧○露○中○出○也○淡○墨○重○疊○  
旋○旋○而○取○之○謂○之○幹○淡○以○銳○筆○橫○卧○惹○惹○而○取○  
之○謂○之○皴○擦○以○水○墨○再○三○而○淋○之○謂○之○渲○以○水○



字研究熟  
於胸中自  
然筆墨入  
妙生氣遠  
出以下諸  
色亦要逐  
物研究非  
可師心自  
用

墨滾同而澤之謂之刷以筆頭直往而指之謂  
之粹以筆頭特下而指之謂之擢以筆端而注  
之謂之點以筆引而去之謂之意雪色用淡風  
色用黃土或埃墨而得之土色用淡墨埃墨而  
得之石色用青黛和墨而深淺取之瀑布用縑  
素本色但焦墨作其旁以得之水色春綠夏碧  
秋青冬黑天色春晃夏蒼秋淨冬黯春夏秋冬  
又各有早暮昏曉景色便當分解就經史諸子



中○故○事○亦○須○臨○時○各○有○所○宜○  
春有早春雲景早春雨景殘雪早春

雪霽早春雨霽早春煙雨早春寒雲欲雨春山

煙靄春雲出谷滿溪春溜春作斜風細雨春山

明麗春山如白鶴夏有夏山晴霽夏山風雨

夏山早行夏山林館夏雨山行夏山林木怪石

夏山松石平遠夏山雨過濃雲欲雨驟風急雨

夏山雨罷雲歸夏雨溪谷濺瀑夏山煙曉夏山

煙晚夏日山居夏雲多奇峰秋有初秋雨過

平遠秋霽秋雲下隴秋煙出谷秋風欲雨西風

驟雨秋晚煙嵐秋山晚意秋山晚照秋晚平遠

遠水澄清疏林秋晚秋景林石秋景松石平遠

秋景冬有寒雲欲雪冬陰密雪冬陰霰雪朔

風飄雪山澗小雪四溪遠雪雪後山家雪中漁

舍艤舟沽酒踏雪遠沽雪溪平遠絕澗松雪松

軒醉雪水榭吟風曉晚松石雲煙水各有不



同雜題則有水邨漁舍憑高觀  
平沙落雁溪橋酒家橋梁樵子

層級不紊指授分明淺淺深深隨人領取東  
坡嘗言玉堂卧對郭熙畫發興已在青林間  
其稱重如此相傳郭氏最工山水寒林初時  
每日摹驟雨圖六幅而筆法大進此所謂接  
而時生於心者也不能規乎其始不可入於  
靈府旨哉乎莊生之言



畫意

作畫總須  
如此方能  
胸次廓然  
筆墨間自  
有神閒意  
適之趣

筆墨一律  
百病叢生  
此中巧妙  
最須參透

明窓淨几。佳楮輕縑。號爲小墨神仙。唐則鄭虔。  
王摩詰之輩。宋則郭熙。朱學士之流。筆底江山。  
千崖萬壑。河陽郭氏言人之學畫。無異學書。今  
學鍾王。學虞柳。久必入其彷彿。兼收竝覽。廣議  
博攷。以使我自成家。然後爲得專門之學。自古  
爲病。正謂出於一律也。柳子厚善論爲文。蓋萬  
事有訣。盡當如是。凡一景之畫。必須注精以一。



作畫必全  
神貫注方  
能造微入  
妙讀此知  
古人之名  
不虛傳也

讀此論河  
陽之小心  
精密宜爲  
百世宗法

之○不○精○則○神○不○專○必○神○與○俱○成○之○神○不○與○俱○成○  
則○精○不○明○必○嚴○重○以○肅○之○不○嚴○則○思○不○深○必○恪○  
勤○以○周○之○不○恪○則○景○不○完○故○積○惰○氣○而○強○之○者○  
其○蹟○軟○懦○而○不○決○此○不○注○精○之○病○也○積○昏○氣○而○  
汨○之○者○其○狀○黯○淡○而○不○爽○此○神○不○與○俱○成○之○弊○  
也○以○輕○心○挑○之○者○其○形○脫○略○而○不○圓○是○不○嚴○重○  
之○弊○也○以○慢○心○忽○之○者○其○體○疏○率○而○不○整○此○不○  
恪○勤○之○弊○也○故○不○決○則○失○分○解○法○不○爽○則○失○瀟○



如此方能  
意在筆先  
頭頭是道

灑法不圓則失體裁法不整則失緊慢法此最  
作者大病也世人止知落筆作畫卻不知畫非  
易事莊子說畫史解衣盤礴此真得畫家之法  
人須養得胸中寬快意思恬適所謂易直子諒  
油然之心生則人之笑啼情狀物之尖斜偃側  
自然布列於心不覺見之於筆晉人顧愷之構  
層樓以爲畫所此真古之達士不然則志已抑  
鬱沉滯何得寫貌物情哉假如工人斲琴得嶧



詩與畫實  
相爲表裏

陽孤桐巧手妙意洞然於中則樸材在地枝葉  
未披而雷氏成琴曉然已在於目其意煩體憊  
之人見銛鑿利刃不知下手之處焉得焦尾五  
聲揚音於清風流水哉更如前人言詩是無形  
畫畫是有形詩哲人談此吾人所師

其子郭思又言平昔見先子作一二圖有一時  
委下不顧動經一二十日不向再三體之是意  
不欲意不欲者非所謂情氣者乎又每乘興得



良工苦心  
曲曲傳出  
學者能如  
此效法古  
人烏得不  
傳名後世  
耶

意而作則萬事俱忘及外物一至亦委而不顧  
委而不顧者非所謂昏氣者乎凡落筆之日必  
明窗淨几焚香左右精筆妙墨盥手滌硯如見  
大賓神閒意定然後爲之非所謂不敢以輕心  
挑之者乎已營之又撤之已增之又潤之一之  
可矣又再之再之可矣又復之每一圖必重複  
終始如戒嚴敵然後畢非所謂不敢以慢心忽  
之者乎



此二則乃河陽父子之言。郭氏家法所以可  
傳也。其於主敬二字已得其綱領。故特表而  
出之。其以意所不欲爲情氣。以委而不顧爲  
昏氣。蓋言不欲有此情氣。故委之。不欲乘此  
昏氣。故置之耳。莫誤解。



宋蘇董評論畫水

畫水能參  
透此意自  
臻神妙

東坡謂古今畫水多作平遠細皴其善者不過  
能爲波頭起伏人至以手捫之謂有窪隆以爲  
至妙特與印板水紙爭工拙於毫釐間唐廣明  
年處士孫位一名遇東越人始出新意畫奔湍巨浪與  
山石曲折隨物賦形畫水之變號稱神逸其後  
蜀人黃筌字要叔孫知微字太古皆得其筆法始知  
微欲與大慈寺壽寧院壁作湖灘水石四堵營



神奇之迹  
全在一時  
興會得心  
應手妙得  
天趣不可  
以尋常筆  
墨論也

度經歲終不肯下筆一日倉皇入寺索筆墨甚  
急奮袂如風須臾而成作輸瀉跳蹙之勢洶洶  
欲崩屋也知微死五十餘年成都蒲永昇性與  
畫會始作活水得二孫本意

董氏道

謂畫師相與言靠山不靠水彼直謂其

難耳唐人孫位畫水雜山石爲驚濤怒浪蓋失  
水之本性而求假於物發其湍瀑也時曲陽壁  
畫世傳爲異後有梯而升者知壁有隆窪隨勢



畫水得此  
妙手真無  
意不賅無  
法不備極  
水之體盡  
水之神得  
水之趣可  
稱天下之  
大觀而無  
遺憾矣

爲之以是銜於世俗。近世孫白始矧意作簞泊。  
浚原平波細流。渟爲湫澱。引爲決泄。盡出前人。  
意外新規。勝概不假。山石爲激躍。而自成迅流。  
不借灘瀨。爲湍濺。而自爲衝波。使夫縈紆曲直。  
隨流蕩漾。自然長文細絡。有序不亂。嘗言畫漫。  
水要不斷。水脈爲工。畫急水要。不混洄瀾。爲工。  
夫漫流之失。爲池水風紋。更無流脈。畫迅流者。  
浪頭沸起。反如印板水紋。故知汪洋涵蓄。以浣。



演爲平○引脈分流○以澹蕩爲勢○至於聚爲漪○瀾○散爲淦○澗○游泳乎其中○而不繫於物者○此真天下之水也○

蘇董二論合而參焉○學者當知苦心孤詣○堅厥志以求之○無自銜於世俗也○子思子作中庸○言惡於志○是我志惡我也○我之志尙將我惡而欲以欺人○且以欺天下○欺後世○忍乎哉○徒爲識者唾耳○志登千仞之臺○十仞百仞而




止○志○惡○之○矣○筆○墨○之○傳○與○不○傳○人○之○指○摘○與○  
否○姑○勿○論○乃○吾○爲○吾○志○惡○乎○奚○其○安○



畫學心印卷一

男鳳墀校字





































ND  
1742  
.C6  
1271  
v.2

畫學心印

卷二

梁溪 秦祖永 評輯

西園雅集記

宋 米芾

補圖家須  
領取此意  
方臻精妙

李伯時效唐小李將軍爲著色泉石雲物草木  
花竹皆絕妙動人而人物秀發各肖其形自有  
林下風味無一點塵埃氣不爲凡筆也其烏帽  
黃道服捉筆而書者爲東坡先生仙桃巾紫裘  
而坐觀者爲王晉卿幅巾青衣據方機而凝竚



點綴景物  
摹寫人情  
一一曲肖

者爲丹陽蔡天啟捉椅而視者爲李端叔後有  
女奴雲鬟翠飾侍立自然富貴風韻乃晉卿之  
家姬也孤松盤鬱上有凌霄纏絡紅綠相間下  
有大石案陳設古器瑤琴芭蕉圍繞坐於石盤  
傍道帽紫衣右手倚石左手執卷而觀書者爲  
蘇子由團巾繭衣手秉焦筴而熟觀者爲黃魯  
直幅巾野褐據橫卷畫淵明歸去來者爲李伯  
時披巾青服撫肩而立者爲晁无咎跪而捉石



如徒擬形  
似不能傳  
其神韻雖  
極工緻終  
凡筆也而  
斯圖之景  
物生動盡  
致爲傳神  
寫照家所  
不能到

觀畫者爲張文潛道巾素衣按膝而俯視者爲  
鄭靖老後有童子執靈壽杖而立二人坐於盤  
根古檜下者幅巾青衣袖手側聽者爲秦少游  
琴尾冠紫道服摘阮者爲陳碧虛唐巾深衣昂  
首而題石者爲米元章幅巾袖手而仰觀者爲  
王仲至前有鬚頭頑童捧古研而立後有錦石  
橋竹逕繚繞於清溪深處翠陰茂密中有袈裟  
坐蒲團而說無生論者爲圓通大師傍有幅巾



林泉樂趣  
惟人品學  
問出人頭  
地又復淡  
於榮利者  
方能安享  
之

言學小序卷二  
二  
褐衣而諦聽者爲劉巨濟二人竝坐於怪石之  
上下有激湍深流於大溪之中水石潺湲風竹  
相吞爐煙方裊草木自馨人間清曠之樂不過  
於此嗟乎洶湧於名利之域而不知退者豈易  
得此耶自東坡而下凡十有六人以文章議論  
博學辨識英辭妙墨好古多聞雄豪絕俗之資  
高僧羽流之傑卓然高致名動四夷後之覽者  
不獨圖畫之可觀亦足彷彿其人耳



此圖非傳神寫像之作而實爲傳神寫像家  
所不能到學作丹青總須能具此等筆法方  
爲毋負斯事故附錄斯篇於此有志者自端  
其品自精其能勿使古人專美於前也勿眊  
筆以待勿束書而嗜勿濃豔之薰心勿駘蕩  
而難持敬業樂羣而勿弁髦乎前規言無隳  
事無易席貴弗驕處閒弗鄙瀟灑出塵各傳  
其意差之毫釐謬以千里







此中微妙  
最難傳寫  
全在渲染  
襯貼得法  
自有引人入勝之妙

畫說

宋羅大經

繪雪者不能繪其清○繪月者不能繪其明○繪花者不能繪其馨○繪泉者不能繪其聲○繪人者不能繪其情○此亦未知道妙云爾○唐皇令韓幹觀所藏畫馬○幹曰○廐馬皆師李伯時○過太僕卿廐舍○終日縱觀御馬○至不暇與客談○積精儲神○賞其神駿○久久則胸中有全馬矣○信意落筆○自爾超妙○山谷詩云○李侯畫骨亦畫肉○下筆生馬如



无○疑○以○造  
化○爲○師○宜  
其○靈○機○活  
潑○天○趣○飛  
翔○脫○盡○筆  
墨○畦○徑

破○竹○生○字○下○得○最○妙○胸○有○全○馬○故○由○筆○端○而○生  
初○非○想○像○描○模○也○曾○雲○巢○无○疑○工○畫○草○蟲○年○邁  
愈○精○余○問○有○所○傳○乎○无○疑○曰○是○豈○有○法○可○傳○哉  
某○自○少○時○取○草○蟲○籠○而○觀○之○窮○晝○夜○不○厭○又○恐  
其○神○之○不○完○也○復○就○草○地○觀○之○於○是○始○得○其○天  
方○其○落○筆○之○際○不○知○我○之○爲○草○蟲○邪○草○蟲○之○爲  
我○也○此○與○造○化○生○物○之○機○緘○益○无○以○異○豈○有○可  
傳○之○法○哉



界劃畫要  
無一筆不  
精妙無一  
物不逼肖  
方爲擅長  
觀此殆無  
遺憾

論界畫法度繩尺

宋 鄧椿

畫院界作最工。專以新意相尚。嘗見一軸。甚可愛。坑畫一殿廊。金碧煥耀。朱門半開。一宮女露半身於戶外。以箕貯果皮。作棄擲狀。如鴨腳荔枝。胡桃榧栗榛芡之屬。一一可辨。各不相因。筆墨精微。有如此者。

近世湯賚臣言。世俗論畫。有十三科。山水打頭。界畫打底。故人以界畫爲易事。不知方圓曲直。



界劃必工  
合法度方  
能入妙非  
可以杜撰  
率易爲也

高下低昂遠近凹凸工拙纖麗梓人匠氏有不  
能盡其妙者况筆墨硯尺運思於縑楮之上求  
合其法度準繩此爲至難斯言頗足爲式至謂  
界畫於唐無作者厯五代始得郭忠恕一人是  
眼光有未到耳如昌黎所稱趙侍御品格侍御憲宗  
時人其卽恕先有所不逮也湯又稱趙集賢教  
名不傳其子雍作界畫云諸畫或可杜撰至界畫未有  
不用工合法度者子昂此言不可忽矣



恕先以俊  
偉奇特之  
氣輔以博  
文強學之  
資游規矩  
準繩中而  
不爲所窘  
論者以爲  
古今絕藝

又考郭忠恕爲屋木樓觀上折下算與諸匠本  
法略不相背其氣勢高爽戶牖深秘前人謂其  
盡合唐格則斯事之莫備於唐有無庸一語撇  
卻者況如貞觀初東蠻謝元深朝冠烏熊皮冠  
以入閣立德等奉敕成圖蠻邸交集王會森嚴  
陰羽鳬旌繁露摺珽外臺陳幣中臺受贄赤奕  
張於四隅主東方者衣青主西方者尙白青馬  
黑嶽鼯音酌胡犬盧牛鸞凰孔翠黑豹黃熊色  
地飛鼠



徐崇嗣創  
沒骨法脫  
盡板刻之  
習後世遂  
爲濫觴

色○精○絕○珠○璣○玳○瑁○龍○角○文○犀○各○因○方○物○以○獻○望○  
之○奚○啻○如○茶○如○火○安○得○以○唐○代○無○作○者○概○之○湯○  
氏○不○知○何○由○作○此○謬○語○余○爲○摘○而○刺○之○使○後○人○  
知○不○可○輕○率○立○言○如○此○

郭若虛記芍藥圖五本一卷爲徐崇嗣所作沒  
骨圖崇嗣熙之孫也以其無筆墨骨氣而名之  
但取其濃麗生態以定品蔡君謨題云前世皆  
以筆墨爲上至崇嗣始用布彩逼真故趙昌輩



倣之。郭氏又謂崇嗣亦遇興偶作。後來未必皆  
廢筆墨。趙昌亦非全無筆墨。惟用定本臨摹多  
尙傳彩。此又吾所弗爲耳。推郭氏意爲崇嗣極  
力獎借。近來士夫亦有效之者。

界畫固不可杜撰。卽沒骨一法亦以神彩生  
動爲上。不可以杜撰率易爲之。若執而不化  
則外合而內不充。所當容與其心。與天爲徒  
與古爲徒。虛而待物。惟道集虛耳。目內通鬼



神將來舍而況於人師



理極精妙

大匠誨人  
能與人規  
矩不能使  
人巧畫學  
亦然

雜採諸家山水論

性○者○天○所○賦○機○者○神○之○用○氣○韻○生○動○則○根○於○性○  
而○成○於○習○若○虛○郭○氏○謂○五○法○可○學○如○其○氣○韻○必○  
在○生○知○此○謬○說○也○其○謂○不○可○以○巧○密○得○復○不○可○  
以○歲○月○到○黜○契○神○會○不○知○然○而○然○是○也○須○是○人○  
品○既○高○採○蹟○索○隱○鈎○深○致○遠○神○之○又○神○而○能○精○  
焉○若○止○摹○奇○蹟○竭○巧○思○同○眾○工○之○伎○者○藝○士○能○  
之○得○自○天○機○出○於○靈○府○輪○扁○不○能○得○之○其○子○也○



用筆之妙  
發揮略盡

如世人押字法謂之心印蹟與心合之謂印爰  
及萬法緣慮施爲隨心所合皆得名印書與畫  
發之於情思契之於綃楮非印而何故言心聲  
也書與畫心畫也王獻之能爲一筆書陸探微  
能爲一筆畫非言其一筆可就也自始及終筆  
有朝揖連絲相屬氣脈不斷所以意存筆先筆  
周意內畫盡意在像應神閒如是乃能墨妙天  
下意超物表董家名問答云如何是當下生意



畫家必筆  
法精妙功  
力深邃摹  
寫各家一  
一得其神  
味然後方

曰○殆○謂○自○然○問○自○然○則○曰○能○不○異○真○者○斯○得○之○  
此○語○了○而○不○了○學○者○方○且○暈○形○布○色○求○物○比○似○  
豈○能○合○於○自○然○哉○樂○天○言○畫○無○常○工○以○似○爲○工○  
豈○其○形○似○之○貴○耶○要○期○於○所○以○似○者○貴○也○歐○陽○  
氏○名○乃○謂○無○形○似○而○有○氣○韻○則○質○勝○於○文○此○其○  
語○更○謬○悠○形○似○尙○無○何○從○求○之○氣○韻○且○氣○韻○豈○  
可○以○質○言○者○今○動○輒○擬○荆○關○擬○倪○迂○彼○未○必○是○  
擬○其○似○是○者○而○踉○蹌○喜○矣○此○又○予○心○所○爲○刺○謬○



能講究氣  
韻豈但求  
形似者所  
可得而躡  
等也

也○根○於○性○動○於○機○假○之○手○而○寄○之○色○非○可○求○其○  
似○者○而○託○意○也○世○傳○韓○幹○作○馬○必○考○時○日○面○方○  
位○然○後○定○形○骨○毛○色○青○驪○驪○駟○皆○以○支○干○相○加○  
故○得○入○妙○非○果○奪○物○精○魄○唯○能○造○其○微○得○於○元○  
解○則○物○情○有○寓○焉○者○馬○之○疑○於○神○者○其○殆○是○耶○  
刻○鳶○而○飛○爲○像○而○行○削○胡○僧○而○能○語○作○偃○師○而○  
歌○應○律○龍○點○睛○而○風○雨○忽○至○鯉○得○水○而○鱗○甲○乍○  
張○其○得○於○妙○用○者○將○神○運○之○而○不○知○也○惟○十○二○



山水章法  
第一先講  
布置自無  
迫塞之病

次講遠近  
一一得宜  
方為純詣

忌頭是最初時所宜講悉饒氏名自然論之矣一  
曰布置迫塞小幅巨軸或隨意經營若幃過數  
幅壁過數丈先以竹竿引炭朽布山溪樹石樓  
閣人物大小高低一一位置立於數十步外諦  
觀睥睨卻將澹墨審定謂之小落筆然後揮灑  
無不得宜二曰遠近不分一尺之山當作幾大  
人物為是蓋近則坡石樹木當大屋宇人物稱  
之遠則峰嵐樹木當小屋宇人物稱之極遠不



山以氣脈  
為主氣脈  
貫通方有  
生氣

水以源流  
為本源流  
曲折便是  
活流

境分夷險  
不落平境

可○作○人○物○墨○則○遠○淡○近○濃○逾○遠○逾○淡○不○易○之○論○  
也○三○曰○山○無○氣○脈○一○幅○之○中○分○布○起○伏○氣○脈○連○  
接○形○勢○映○帶○如○山○頂○層○疊○下○必○有○脚○數○重○方○盛○  
載○得○住○多○山○頂○而○無○脚○者○非○也○惟○透○角○不○在○此○  
例○四○曰○水○無○源○流○泉○必○於○山○峽○中○流○出○頂○上○有○  
山○數○重○則○其○源○高○遠○平○溪○小○澗○必○見○水○口○寒○灘○  
淺○瀨○必○見○跳○波○乃○活○水○也○間○有○畫○一○摺○山○便○畫○  
一○派○泉○理○未○達○也○五○曰○境○無○夷○險○境○有○萃○律○者○



自有意趣

出路入路  
最要隱現  
分明如可  
步入方得  
山水真趣  
石以三面  
爲要上下  
左右自然  
顧盼有情  
林木串插  
一叢樹必

有平遠者有紫迴者有空濶者有層疊者或多  
林木亭館或多人物船舫每遇一圖必立一意  
六日路無出入山水遠近全在逕路分明或林  
下透現而水末復出或巨石遮斷而琳瑯半露  
或隱坡隴以人物點之或近屋宇以竹木藏之  
庶幾有不盡之景七日石止一面各家皴法不  
一當各隨所學爲法須要有頂有脚分稜面爲  
佳八日樹少四枝大概生厓壁者多纏錯生坡



要有四枝  
乃爲美備

人物無論  
工緻寫意  
總要脫俗  
山水中人  
物不必拘  
泥家數總  
須得其神  
情意態則  
山水生色  
樓閣全在  
位置熨貼  
界畫精到

隴者多高直干霄多頂近水多根枝幹不可分  
左右須當閒作正背葉有單筆雙筆更分榮悴  
乃按四時九日人物偃僂山水人物各有家數  
描畫者眉目分明點鑿者筆力蒼古必皆意態  
閒雅古人所作可法切不可行若望者負荷  
者鞭策者一例作偃僂之狀十曰樓閣錯雜重  
樓疊閣而向背分明不離繩墨此爲最難江邨  
山塢間作屋宇者可隨處立向雖不用尺其制



用墨須濃  
淡得宜自  
然墨具五  
色其妙與  
設色同

點染自有  
定法學者  
須逐物研  
究細心探  
討自然無  
美不臻出  
人頭地

一以界畫之法十一曰滃澹失宜下墨不論水  
墨與設色金碧卽墨瀋滃澹須要淺深得宜十  
二曰點染無法設色金碧各有輕重輕者山用  
螺青樹石用合綠染人物不用粉襯重者山用  
石青綠并綴樹石人物用粉襯皴石卻以螺青  
合綠再加以石青綠逐摺染之樹葉多用夾筆  
除紅葉外不可妄用丹朱點梢有丁香鹿角皴  
石有斧腦箭頭水邊宜著孤舟嶺外深藏野寺



畫學心法卷二  
三  
人物則三四點而成江邨則八九家不少禽鳥  
多棲古木樓臺半隔疏林巔崖作古木垂藤怒  
石起飛淪濺瀑大圖幃先觀氣勢小景致略或  
微茫以上諸條不可不謹

採諸家論畫錯綜成文理法兼至不可不讀



畫境如此  
自然生氣  
遠出脫盡  
筆墨畦徑

彙集眾人山水說

大抵景皆天就不類人爲是爲活筆李澄叟自  
幼習觀湘中山水長游三峽夔門或水或陸盡  
得其態久久然後自覺有力北人山水布置拙  
濁法度樸率以其原野曠蕩景乏委曲而然山  
水上人物屋木橋梁不拘巨細只是點掣而成  
彷彿便休不知法度描染細巧以媚俗眼此是  
人物景致便成補衲自江陵登三峽夔門長流



麓臺筆端  
金剛杵實  
本此意

三千餘里重灘逆瀨。匯伏狂瀾。旋渦回流。雄波  
急浪。備在其間。登山則自夷陵之西。懸崖峭壁。  
陡岸高峰。幽泉秀谷。虎穴龍潭。臨危列險。驟雨  
狂風。無不經歷。真所謂探囊得物也。故風力氣  
韻。固在常人。畫山石者。落筆便須堅重。每留素  
以成雲。或借地而爲雪。破墨之功。爲難畫水者。  
有一擺之波。三折之浪。布之字之勢。分虎爪之  
形。湯湯若動。使觀者浩然有江湖之思。如遇屋



觀此今之  
畫家皆當  
擱筆

木望之若深遠無際。張洵於蜀中。貌吳中山水。  
燕文季在畫院。止燕家景物。信乎劉氏學箕之  
言曰。侔揣萬類。揮翰染素。雖些小一藝。然日無  
鑒裁之精。胸有塵俗之氣。縱極工妙。而鄙陋不  
逃。明眼是徒窮思盡心。適足以資世之靶鼻。不  
若不寫之爲愈。今之人以一藝自表於世。皆文  
人才士。非以人物山川佛像鬼神著。則以樓觀  
花竹翎毛走獸顯。益未有獨任一見而得萬物。



畫以人重  
令人欽仰

之情兼備諸體而擅眾作之美者雖張僧繇吳  
道子閻立本諸公不能之況萬萬不及比者乎  
古之所謂畫士皆一時名勝涵泳經史見識高  
明襟度灑落望之飄然如有蓬萊道山之丰俊  
故其發爲豪墨意象蕭爽使人寶玩不寘今之  
爲人役者視古之人又萬萬不啻也又有迫於  
口體之不充俯就世俗之所強問之能彼平日  
能之能此乎曰能之及其吮筆運思茫昧失措



畫品之低  
多由於此

今之強作  
解事者不

鮮不刻鳥成鵠畫虎類狗神奇精妙又安從觀  
之所以然者未可悉尤志在阿堵間而已昔趙  
文敏問道於錢舜舉何以稱士氣錢曰隸體耳  
畫史能辨之即可無翼而飛不爾便落邪道愈  
工愈遠此中關捩要得無求於世不以贊毀撓  
懷吾嘗舉似畫家無不攢眉謂此關難度所以  
故步難移且今人看畫不經師授不閱紀錄但  
合其意者爲佳不合其意者爲不佳及問如何



免聽聲隨  
影之誚

是○佳○便○茫○然○失○對○不○過○爲○聽○聲○隨○影○終○其○身○不○  
能○精○鑒○也○黃○公○望○亦○有○慨○乎○其○言○之○略○曰○漢○唐○  
遺○墨○不○復○多○見○米○南○宮○評○品○稱○董○北○苑○無○半○點○  
李○成○范○寬○俗○氣○一○片○江○南○景○也○厥○後○僧○巨○然○劉○  
道○士○皆○宗○其○法○劉○筆○罕○見○江○貫○道○用○筆○輕○澹○勻○  
潔○林○木○樹○葉○排○列○珠○琲○宋○人○亦○珍○視○之○作○山○水○  
者○必○以○董○爲○師○如○吟○詩○之○必○學○杜○也○其○說○良○是○  
卽○如○營○邱○李長安關華原范智妙入○神○才○高○出○



三家畫各  
極其妙允  
足鼎峙千  
秋

類○三○家○鼎○峙○要○亦○未○可○輕○議○不○過○大○有○逕○庭○耳○  
近○代○如○翟○院○深○劉○永○紀○真○之○輩○難○繼○後○塵○  
翟學李劉  
學○關○紀○夫○氣○象○蕭○疏○煙○林○清○曠○豪○鋒○穎○脫○墨○法○  
精○微○者○營○邱○之○製○也○石○體○堅○凝○雜○木○豐○茂○臺○閣○  
古○雅○人○物○幽○閒○者○關○氏○之○風○也○峰○巒○渾○厚○勢○壯○  
雄○強○搶○筆○俱○勻○人○物○皆○質○者○范○氏○之○作○也○  
煙林平遠  
之○妙○始○自○營○邱○畫○松○葉○謂○之○攢○鍼○筆○不○染○淡○自○  
有○榮○茂○之○色○關○畫○木○葉○間○用○墨○搢○時○出○枯○梢○筆○  
蹤○勁○利○學○者○殆○難○到○范○畫○林○木○或○側○影○如○偃○蓋○  
別○是○一○種○風○規○但○未○見○畫○松○柏○耳○畫○屋○既○質○以○



墨籠染後輩  
目爲鐵屋

復有王士元王端燕文貴許道寧

高克明郭熙李宗成邱訥之流或有一體或具  
體而微各開戶牖皆可稱尙故世傳關仝雖師  
荆浩青出於藍此亦郭氏若虛所談學者可共參  
焉

集眾人說雜而成文爲初學設其他更有精  
微處吾亦未之及



山水樹石論九則

元黃公望

布樹得此  
訣自然生  
動不板

如此畫石  
自有逐漸  
改觀之妙

董源李成二家樹石各不相似樹要四面俱有  
幹與枝要有身分畫家謂之紐子要折搭得中  
樹身各要有發生要偃仰稀密相間有葉樹枝  
軟面後皆有仰枝

畫石法先從淡墨起可改可救漸用濃墨者爲  
上石無十步真石看三面用方圓之法須方多  
圓少董源坡脚下多有碎石乃建康山勢董石



麻皮皴北  
苑最爲擅  
長諸家莫  
乃

畫樹章法  
能如此布

謂之麻皮皴坡脚先向筆畫邊皴起然後用淡  
墨破董源小山石謂之礬頭山中有雲氣此亦  
金陵山景皴法要滲軟下有沙地用淡墨掃屈  
曲爲之再用淡墨破  
山水中用筆法謂之筋骨相連有筆有墨之分  
用描處糊突其筆謂之有墨水筆不動描法謂  
之有筆此畫家緊要處山石樹木皆用此大概  
樹要填空小樹大樹一偃一仰向背濃淡各不



置自然生  
動入妙

唐六如畫  
石亦用此  
法

水到交時  
而水口出

相犯繁處間疏處須要得中若畫得純熟自然  
筆法出現

畫石之妙用藤黃水浸入墨筆自然潤色不可  
用多多則滯筆間用螺青入墨亦妙遇好景處  
見樹有怪異便當模記登樓望空濶處氣韻看  
雲采卽是山頭景物李成郭熙皆用此法郭熙  
畫石如雲古人云天開圖畫者是也  
山水中惟水口最難畫遠水無灣水出高原自



須要天然  
不可牽強

此言章法  
精嚴有如此者

此卽實處  
用虛之法

上而下切不可斷脈要取活流之源

山頭要折搭轉換山脈皆順此活法也衆峰如

相揖遜萬樹相從如大軍領卒森然有不可犯

之色此寫真山之形也山坡中屋舍水中小艇

可從此有生氣山腰用雲氣見得山勢高不可

測

畫石法不是要有三面或在上在左側皆可爲

面



天真簡淡  
俱從此出

理精卽法  
備學者能  
參透其理  
則用筆落  
墨甜邪俗

山下有水潭謂之瀨畫此甚有生意四邊用樹  
簇之畫一窠一石當逸墨撇脫畫山水一幅先  
立題目然後著筆若無題目便非上品李成畫  
坡脚須要數層取其濕厚米元章論李光丞後  
代必昌果然

松樹山脚藏根蒼秀喻君子冬景借地爲雪薄  
粉暈山頭大抵作畫祇是個理字最緊要吳融  
詩云良工善得丹青理用墨最難李成惜墨如



賴諸病掃  
除淨盡

金是也大要去邪甜俗賴四個字

九則中拈出理字最須參透明其理者不從  
筆墨上討生活有理方可與言氣有氣無理  
非真氣也有理無氣非真理也理與氣會理  
與情謀理與事符理與性現古人每有寓意  
於筆墨蹊徑之外者鴻都奇藝雲集乃官樣  
文章若柴桑寫扇伴彼琴書清夜游園實傳  
譜系儒雅之道與典冊無殊故善觀畫者須



能旁參佐證遠考風徽具論世知人之識以  
讀畫則帷囊所收方許藏蓄方資披玩否則  
古人一種深沉恬密意理全無領悟但云此  
聊成所積砥柱所遺果足可珍賞又云如何  
濃至如何淡折如何雄壯絕俗如何瀟灑出  
塵這好隔壁聽也題目旣得結構自知今譬  
之陳法行陳中束伍之法什伯千萬億異其  
數方圓曲直銳殊其形鵝鸛魚麗握奇八陳



六花五行三才十二辰別其名天地風雲龍  
虎鳥蛇詭其制兩前伍後專右參左獨開生  
面處無不洗眉刷目而尋之不見其蹤細細  
剔抉條理秩如善丹青者如是如是其中局  
陳森嚴人物花鳥布置錯落非好學深思心  
知其意者尠能解道卽跬步耳邱壑之層見  
疊出未易端倪麤疏理會者謂一望了然而  
淺學小生往往摘爬指類趁其胸臆以談理



更復輕描淡摹。依其腔調以作僞。此中不從  
理氣兩字積數十年。訂僞辨真之力。能爲鑒  
定乎。離塵捫天。刮摩日月。指劃溪陵。其孰與  
折衷之信哉。不經至人之賞玩。未辨妍媸也。  
駿骨不來。死鼠爲璞矣。執筆之士。未曾誤點。  
爲蠅。惟見無成類狗。又此道之所由衰也。斐  
柿藩身。婢阿徇俗。豈不惜哉。茲因前人評論。  
有大將領卒。森然不可犯之語。故從什伍法。



中曲鬯言之如此。至於邪甜俗賴。是當察其  
病而一一去之。有一等人事不師古。我行我  
法。信手塗澤。謂符天趣。其下者筆端錯雜妄  
生枝節。不理陰陽。不辨清濁。皆得以邪槩之  
今所談者。規門矩戶。及之而後知履之。而後  
難者也。有一等人。結構麤安。生趣不足。功愈  
到而格愈卑。是失之甜。古人謂如口察味甘  
酸。辛苦自以實得。固非爲若輩指迷也。唯神



明煥發意態超越乃能一洗萬古甜濁耳俗  
之一字不僅丹青誇目一流俗則不韻山谷  
老人言凡書畫當觀韻李伯時作李廣奪馬  
南馳狀引滿以擬追騎箭鋒所值人馬應弦  
伯時嘆曰使俗子爲之當作中箭追騎矣此  
意差堪神會賴者藉也是暗中依賴也臨摹  
法家不廢倚靠才子弗爲張雷出匣之劍自  
吐光銳偃師應律之歌備呈元祕妙解投機



無有轍蹟。昌黎得文法於檀弓。后山得文法  
於伯夷傳。愜心處正。不在多人。亦無從摸著。  
喬雲興而英露集。六經之深意。天漢之昭回。  
將彙於筆墨間。靈妙所傳。兼資考習。思議所  
及。更藉見聞。豈容以漫無心得。侈談工拙哉。



篇中講究  
全是化工  
靈氣均極  
精妙神而  
明之存乎  
其人

徐黃畫格  
不同各極  
其妙

制作楷模

吳帶當風曹衣出水古語相傳如是言吳道子  
寫人衣褶每多飄舉曹仲達北齊人則多緊窄耳  
又謂黃家富貴徐熙野逸則其耳目所習爲然  
黃筌與其子居宋待詔于蜀旣歸宋皆給事禁  
中多寫珍禽瑞鳥奇花怪石世所傳桃花鷹鵠  
純白雉兔合盆鶻鴿孔雀龜鶴之類是也徐乃  
江南處士志節高邁多狀江湖所有汀花野竹



林木得此  
意自然蒼  
古奇妙

體物工夫  
斷不可少

水鳥淵魚。世所傳見。鷹鷺鶯鶯。蒲藻蝦魚。叢豔折  
枝。園蔬藥苗之類。是也。春蘭秋菊。各擅重名。下  
筆成珍。揮毫可範。若夫畫衣紋林。石用筆全類。  
於書有重大而調暢者。有縝細而勁健者。勾綽  
縱掣。理無妄下。畫林木有樛枝挺幹。屈節皴皮。  
紐裂多端。分敷萬狀。作怒龍驚虺之勢。聳凌雲  
翳日之姿。若崖岸豐隆。方得蟠根老壯也。畫畜  
獸。全要停分。向背筋肉毛骨。仍分諸物所稟動



寫生妙諦

止之性。四足惟兔掌底。畫龍析出三停。自首至  
腰。腰至分。成九似。角似鹿頭。似駝眼。似鬼項。似  
尾也。蛇腹似蜃鱗。似魚爪。似鷹掌。  
似虎耳。窮游泳蜿蜒之妙。得回蟠升降之宜。畫  
樓閣。無令筆蹟繁雜。失壯麗閒雅之意。畫花果  
草木。辨四時景候。陰陽向背。筍條老嫩。苞萼後  
先。逮諸園蔬野草。咸有出土體性。畫翎毛。須識  
諸禽形體。名件觜喙。口眼。腦毛。衣翅。有梢翅。有  
蛤翅。翅上有大節。小節。大小窩翎。次及六梢。又



非於此中  
探討數十  
年者不能  
窺其微妙

有料風掠草

彌縫翅習之間

散尾壓磳尾肚毛腿袴尾

雖脚有探爪

三節

食爪

三節

撩爪

四節

托爪

一節

宣黃八

甲鷲鳥眼上謂之看棚

一名看簷

背毛之間謂之合

溜山鵲鷄類各有歲時或鳴集而羽融緊戢或

寒棲而毛葉鬆倩具有名體處所不可闕一又

解繫自有體法豈可毫釐之差韓幹云廐中萬

馬皆吾師其說明矣畫花竹須朝暮觀之然後

見其含苞養秀榮枯凋落之態

翎毛以上郭氏若虛言解繫體



神妙之蹟  
最難學步

以下數語  
李澄叟說  
至沈括云彥遠評王維畫物多不問  
四時如畫花往往以桃杏芙蓉蓮花同畫一景  
其所藏摩詰畫袁安卧雪圖有雪中芭蕉此乃  
得心應手意到便成造理入神迴得天意學者  
又非可以曠代絕筆爲辭不顧世人之指摘也  
夫羔鴈之飾績畫雲氣古初已然畫固與士  
夫相親習焉外師造化中得心源自是畫家  
要訣予觀古人作此卽以腹中先立藁本爲



勝何以言之。忖留神與魯班語。班善圖物。容  
神不欲出。班乃拱手與神言。以足畫地。非腹  
藁。而何。秦工人畫海若之神。張平子寫駭神  
之獸。比比而是。漢明帝問博士。以天之常宿  
博士某具對。七百八十三星。森羅布置。指畫  
帝前。又帝以單于初入朝。思股肱之美。命圖  
功臣於麒麟閣。法其形貌。非腹中自有藁本。  
一時承敕點染。而能彷彿耶。故後之讀古人



書○卽○春○秋○之○車○旂○器○服○葩○經○之○草○木○蟲○魚○及○  
一○切○經○史○皆○當○平○素○一○一○流○覽○參○訂○洎○乎○體○  
物○而○興○隨○類○傳○彩○點○染○縱○橫○飛○游○騰○竄○如○可○  
驗○諸○目○前○者○溫○洛○榮○河○瑤○牒○金○冊○瑞○美○如○斯○  
是○亦○不○爲○無○助○世○固○有○是○人○乎○吾○當○倒○屣○而○  
迎○之○茲○畫○史○所○輯○其○淺○淺○者○耳○然○無○規○矩○不○  
能○方○員○製○作○楷○模○種○種○體○要○又○爲○度○世○金○鍼○  
矣○擲○筆○爲○之○三○嘆○







畫鑒

虎頭用筆  
之妙真千  
古獨絕其  
機趣天然  
非學力所  
能到也  
探微如此  
精妙宜乎

孫吳時曹弗興古稱善畫宋宣和初刻意搜訪  
已不可得衛協晉人也名畫記品第在顧生之愷  
之上世所傳高士圖刺虎圖乃唐末五代人所  
爲良非真蹟愷之畫如春蠶吐絲初見甚平易  
諦視六法兼備又如春雲浮空流水行地皆出  
自然六朝陸探微與愷之齊名氣運遒舉風力  
頓挫一點一拂動必新奇展子虔畫山水唐李



顧陸齊名

右丞爲南  
宗之祖

思訓父子  
爲北宗之  
祖

將軍父子宗之畫人物意度具足可爲唐畫之  
祖唐以閻令公立本爲第一吳道子筆法超絕早  
年嘗摹愷之大能髣髴王右丞胸次瀟灑文人  
之畫自其始周昉士女人物有富貴氣張萱尤  
長於嬰兒不在昉右李思訓爲著色山水其子  
昭道變父之勢妙又過之曹霸人馬筆墨沈著  
神彩如生韋偃筆力勁健如顏魯公書法松石  
更佳揮霍振動廣川跋中已云韋畫殆絕韓幹初師陳閎後



黃徐兩家  
爲花卉翎  
毛之祖

師曹霸。張彥遠名畫記幹與閎俱師於曹霸。唐名畫錄稱閎爲閎令公之後一人。畫馬得骨肉停勻法與曹韋竝馳。韓滉人物源流。顧陸牛圖是其所長。戴嵩得其緒餘有名於世。唐人花鳥邊鸞最爲馳譽。大抵精於設色濃豔。如生。其他畫者雖多互有得失。厯五代而得黃筌。資集諸家之善。山水師李昇。鶴師薛稷。龍水師孫位。至於花竹翎毛超出衆史。筌之可齊名者惟江南徐熙。熙志趣高遠寫生妙奪造化。畫



畫以骨法  
氣韻爲上

畫學心法卷二  
三  
花落筆頗重。略施丹粉。生意勃然。黃之子居寶。  
居采。熙之孫。崇嗣。崇矩。各得家學。熙之下有唐。  
希雅。亦多佳作。顫筆棘鍼。是效其主。李重光書。  
法。後有長沙易元吉。作花果禽畜。尤長於獐猿。  
若趙昌。以傳染爲工。求其骨法。氣韻稍劣也。又。  
如滕昌祐。邱慶餘。葛守昌。崔白。艾宣。丁貺。皆藉。  
以成家。要知花鳥一科。唐之邊鸞。宋之徐黃。爲。  
古今規式。所謂前無古人。後無來者。是也。尉遲。



王洽爲米  
畫之祖

乙僧用色沈着堆起絹素而不隱不在盧楞伽  
下楊廷光學吳生行筆甚細而不弱畫佛像多  
在山林中雜畫一一臻妙裴寬善畫小馬筆墨  
閒雅張璪松石清潤翟氏師吳生得傅色法周  
古言畫在周昉之下文矩之上原本有周文矩  
人物宗周昉一  
語今王洽潑墨成山水煙雲慘澹脫去町畦盧  
鴻一清氣襲人范長壽用色亦潤名畫記范長  
壽學張僧繇  
同時有何長荆浩山水爲唐宋之冠陸晃畫有  
壽與范齊名



畫法之神  
奇超妙惟  
董巨米三  
家卓絕千  
古

所由董巨  
並稱

二種細者爲上五代左禮寫佛像入妙不在韓  
蚪下董元天真爛漫渲淡多姿唐無此品在畢  
宏上此米元章議論唐畫山水至宋始備如元  
又在諸公之上樹石幽潤峰巒清深早年礬頭  
頗多暮年一洗舊習後有鍾陵僧巨然與劉道  
士劉與巨然同時畫亦同要各得元之體米氏  
父子用其遺法別出新意自成一家然得元之  
正傳者巨然也支仲元筆法師顧陸緊細有力



此論千古  
不易允爲  
定評

唐希雅弟忠祚花鳥亦入妙品宋武宗元宋之  
吳生也行筆如流水神彩活動營邱李成山水  
爲古今第一宋復古李公年王詵陳用志皆師  
之郭熙其弟子中之最著者也宋山水家超絕  
唐世者李成范寬董元三人而已嘗評之董元  
得山之神氣李成得體貌范寬得骨法故三家  
足爲百代師法許道寧早年畫惡俗太甚中年  
稍自檢束微細處頗入妙理李伯時專師吳生



此皆有墨  
無筆不足  
爲後學取  
法

輝映前古。王端畫物古拙無神氣。武岳用筆純熟。其子洞清能世其學。高克明不免畫人之習。王齊翰不免近俗。若入細者固勝。易元吉徐熙後一人而已。燕文季山水細碎清潤可愛。然取其氣骨無有也。裴文睨畫牛有聲然形似有之。古意不逮孫太古。筆法甚老。黃筌殊不能過。徽宗花鳥山石人物入妙品。墨花墨石有入神品者。鄆王墨花入能品。張敦禮人物樹石竝倣顧



余藏先生墨菜一幀  
畫於羅浮僧舍胸次  
濶大魄力沈雄其一  
種磅礴之氣真有羅  
浮雨山風雨合離氣  
象苔點坡草一一如  
從雲霧中出化盡筆  
墨蹊徑見者望洋驚

陸東坡先生文章翰墨照耀千古復能留心墨  
戲作墨竹師文與可枯竹奇石特出新意米元  
章山水其源出董元天真發露怪怪奇奇子友  
仁略變其尊人所爲成一家法元章嘗稱華亭  
李甲作翎毛有天趣樹木不佳宋宗室如千里  
希遠皆得丹青之妙如大年小景墨鴈雜禽又  
出尋常宗室筆墨之外者濮王宗漢墨鴈可入  
神品華光長老以墨暈作梅花如影然別成一



嘆無從措  
手真奇寶  
也北宋諸  
大家皆當  
拜床下矣  
上有倫文  
敘題記甚  
詳

家○正○所○謂○寫○意○者○也○子○昂○學○其○枝○條○花○用○別○法○  
趙○孟○堅○子○固○墨○蘭○最○得○其○妙○松○竹○水○仙○松○枝○墨○  
戲○皆○妙○品○宋○南○渡○士○人○多○有○善○畫○者○如○朱○敦○儒○  
希○真○畢○良○史○少○董○江○參○貫○道○皆○能○畫○山○水○窠○石○  
其○畫○院○諸○人○得○名○者○若○李○唐○周○曾○馬○賁○下○至○馬○  
遠○夏○圭○李○迪○李○安○忠○樓○觀○梁○楷○之○徒○僕○於○李○唐○  
差○加○賞○閱○其○餘○亦○不○能○盡○別○也○

此篇采真子湯屋所輯也。鑒書博士柯敬仲



與之同時斟酌著論如此較德隅齋畫品爲

勝

李薦作

其言賞閱自李唐下

唐字睢古建炎中與馬遠夏珪

同在畫院善山水尤

工畫牛得戴嵩遺法餘不盡別未免過夸嘗

考古今來畫品可得而約舉者南齊謝赫所

撰最古其中品第優劣自陸探微以下凡二

十七人分爲六品畫家之稱六法始於是書

續之者陳姚最所錄凡二十人唐貞觀公私

畫史

裴孝源作

所錄皆隋代官庫本不足讀張彥



遠歷代名畫記前三冊集論畫四冊以下皆  
畫家小傳引據浩博足資見聞宋郭若虛續  
以見聞志始唐會昌元年止熙寧七年分四  
門曰敘事曰記藝曰故事拾遺曰近事馬氏  
文獻通考稱是書爲畫家綱領至鄧椿畫繼  
則自熙寧後至乾道三年凡二百十九人又  
續郭氏書者也若唐朱景元名畫錄所撰畫  
家分神妙能逸四品神妙能分三等逸品無



分而宋黃休復撰益州名畫錄自唐乾元至  
乾德凡五十八人逸神妙能四品分隸景元  
以逸品居三品外休復以逸品居三品前此  
乃各得其性之近豈爲定評米氏舉其生平  
所見所聞品題真僞名曰畫史廣川董道作  
畫跋更多考證較米實優然道官司業爲張  
邦昌撫慰太學生其人殊不足道近夏氏文  
彥所成寶鑑採古來能畫人名氏自軒轅迄



勝朝附以外國凡一千五百餘人最繁富梗  
概益略具矣吾觀采真子之言曰古人作畫  
皆有深意運思落筆莫不各有所主詢多見  
道之辭所鑒賞者亦有倫有脊故節而錄之



作畫無論  
工緻與寫  
意能有古  
意庶幾免  
俗子昂此  
言可深味  
矣

論畫

元 趙孟頫

作畫貴有古意。若無古意，雖工無益。今人但知用筆纖細，傅色濃豔，便自爲能手，殊不知古意既虧，百病橫生，豈可觀也。吾所作畫，似乎簡率，然識者知其近古，故以爲佳。此可爲知者道，不爲不知者說也。

宋人畫人物，不及唐人遠甚。予刻意學唐人，殆欲盡去宋人筆墨。



文敏天分  
人功俱臻  
絕頂而猶  
自以爲不  
能足見兼  
長之難

吾自少好畫水仙日數十紙皆不能臻其極蓋  
業有專工而吾意所寓輒欲寫其似若水仙樹  
石以至人物牛馬蟲魚肖翹之類欲盡得其妙  
豈可得哉石如飛白木如籀寫竹還應八法通  
若也有人能會此須知書畫本來同

論畫

元  
柯九思

寫竹幹用篆法枝用草書法寫葉用八分法或  
用魯公撇筆法木石用折釵股屋漏痕之遺意



逸筆草草  
正天機勃  
露純任自  
然非尋常  
學力所能  
到也亦非  
尋常畫史  
所能解也  
畫寫胸中  
逸氣此語  
最爲微妙  
畫史解此  
已脫塵境  
而與天游

論畫

元倪瓚

僕之所謂畫者○不○過○逸○筆○草○草○不○求○形○似○聊○以○  
自○娛○耳○近○迂○遊○來○城○邑○索○畫○者○必○欲○依○彼○所○指○  
授○又○欲○應○時○而○得○鄙○辱○怒○罵○無○所○不○有○冤○矣○乎○  
詎○可○責○寺○人○以○不○髯○也○

以○中○每○愛○余○畫○竹○余○之○竹○聊○以○寫○胸○中○逸○氣○耳○  
豈○復○較○其○似○與○非○葉○之○繁○與○疎○枝○之○斜○與○直○哉○  
或○塗○抹○久○之○他○人○視○以○爲○麻○爲○蘆○僕○亦○不○能○强○



矣

辨爲竹○眞沒奈○覽者何○但不知以中○視爲何物○耳○

論畫

元吳鎮

墨戲之作○蓋士大夫詞翰之餘○適一時之興趣○與夫評畫者○流大有寥廓○嘗觀陳簡齋墨梅詩○云○意足不求顏色似○前身相馬九方臯○此眞知畫者也○

墨竹之法○作榦節枝葉而已○而疊葉爲至難於



此不工則不得爲佳畫矣

論畫

元 楊維禎

神化之境  
其妙在筆  
情墨趣之  
外非譜格

書盛於晉畫盛於唐宋書與畫一耳士大夫工  
畫者必工書其畫法卽書法所在然則畫豈可  
以庸妄人得之乎宣和中建五岳觀大集天下  
畫史如進士科下題掄選應詔者至數百人然  
多不稱上旨則知畫之積習雖有譜格而神妙  
之品出於天質者殆不可以譜格而得也故畫



也○之○所○能○限○

品○優○劣○關○於○人○品○之○高○下○無○論○侯○王○貴○戚○軒○冕○  
山○林○道○釋○女○婦○苟○有○天○質○超○凡○入○聖○卽○可○冠○當○  
代○而○名○後○世○矣○其○不○然○者○或○事○模○擬○雖○入○譜○格○  
而○自○家○所○得○於○心○傳○意○領○者○則○蔑○矣○故○論○畫○之○  
高○下○者○有○傳○形○有○傳○神○傳○神○者○氣○韻○生○動○是○也○  
如○畫○貓○者○張○壁○而○絕○鼠○大○士○者○渡○海○而○滅○風○翊○  
聖○真○武○者○叩○之○而○響○應○寫○人○真○者○卽○能○得○其○精○  
神○若○此○者○豈○非○氣○韻○生○動○機○奪○造○化○者○乎○



胸具造化  
自然意在  
筆先

仲圭之於  
巨然石田  
翁之於仲  
圭皆各有

論畫

明 杜 瓊

繪畫之事胸中造化吐露於筆端恍忽變幻象  
其物宜足以啟人之高志發人之浩氣晉唐之  
人以爲玩物適情無所關係若曰黼黻皇猷彌  
綸治具著於圖史以存鑒戒豈無所關係哉

論畫

明 沈 周

吳仲圭得巨然筆意墨法又能軼出其畦徑爛  
漫慘澹當時可謂自能名家者蓋心得之妙非



心得之妙

轉腕靈妙  
非天資卓  
絕者不能  
解此訣竅

易可學予雖愛而恨不能追其萬一  
崑山士人皆畫梅其用墨太重殊失清雅是有  
累於梅矣

論畫

明唐寅

工畫如楷書寫意如草聖不過執筆轉腕靈妙  
耳世之善書者多善畫由其轉腕用筆之不滯  
也

作畫破墨不宜用井水性冷凝故也溫湯或河



畫遠山須  
如此蘸墨  
方見靈妙

水皆可洗研磨墨以筆壓開飽浸水訖然後蘸  
墨則吸上勻暢若先蘸筆然後蘸水被水冲散  
不能運動也

論畫

明文徵明

畫家宮室最爲難工謂須折算無差乃爲合作  
蓋束於繩矩筆墨不可以逞稍涉畦畛便入庸  
匠

古之高人逸士往往喜弄筆作山水以自娛然



枯樹之妙  
須要八面  
出鋒方能  
面面生枝  
自無窒碍  
各家畫法

多寫雪景蓋欲假此以寄其歲寒明潔之意耳

論枯樹

明唐志契

寫枯樹最難得蒼古每畫最不可少卽茂林盛  
夏亦須用之山水訣云畫無枯樹則不疎通此  
之謂也但名家枯樹各各不同如荆關則秋冬  
二景最多其枯枝古而渾亂而整簡而有趣到  
郭河陽則用鷹爪加以細密又或如垂槐蓋倣  
荆關者多也如范寬則直上如埽帚樣亦有古



雖不同總  
要能得八  
面意畫成  
自然靈妙

點苔雖係  
細事却爲

趣○李○成○則○繁○而○瑣○碎○筆○筆○清○勁○董○源○則○一○味○古○  
雅○簡○當○而○已○倪○元○鎮○云○畫○枯○樹○也○則○此○數○君○可○  
以○兼○之○要○皆○難○及○者○也○非○積○習○數○十○年○妙○出○自○  
然○者○不○能○倣○其○萬○一○今○人○假○古○畫○邱○壑○山○石○或○  
能○勉○爲○僅○似○若○到○枯○樹○骨○髓○暴○露○矣○是○以○知○枯○  
枝○要○妙○最○難○

### 論點苔

畫○不○點○苔○山○無○生○氣○昔○人○謂○苔○痕○爲○美○人○簪○花○



畫中第一  
緊要

點苔無法  
雖皴染到  
家終爲全  
體之累

信不可缺者。又謂畫山容易點苔難。此何得輕  
言之。蓋近處石上之苔。細生叢木。或雜草叢生。  
至於高處大山上之苔。則松邪。柏邪。或未可知。  
豈有長於突處不堅牢之理。乃近有作畫者。率  
意點擢。不顧其當與否。儻以識者觀之。皆浮寄  
如臭鼠之糞堆積狀耳。那得有生氣。夫生氣者。  
必點點從石縫中出。或濃或淡。或濃淡相間。有  
一點不可多。一點不可少之妙。天然妝就不失。



古人點苔  
之妙學者  
當細心參  
究不可輕  
忽

之密不失之疎豈易事哉古畫橫苔直苔不點  
苔者往往有之要未有一點不中竅者此皆是  
預先畫山石無一筆頽敗破壞之處故臨點自  
然加一點一點好看少一點容或無妨也今人  
不察妄謂山石醜處須以苔遮掩之此愈遮所  
以愈醜是以浮寄煩腫之病都坐於此

### 論用筆用墨

古畫譜言用筆之法未嘗不詳乃畫家僅知皴



字字詮發  
其精義辨  
其異同用  
筆用墨無  
微不至

畫學心印卷二  
四  
刷點拖四則而已此外如幹如渲如捺如擢其  
誰知之蓋幹者以淡墨重疊六七次加而深厚  
者也渲者有意無意再用細筆細擦而淋漓使  
人不知數十次點染者也捺與擢雖與點相同  
而實相異捺用卧筆彷彿乎皴而帶水擢用直  
指彷彿乎點而用力必八法皆通乃謂之善用  
筆乃謂之善用墨

論氣運生動



氣韻生動  
得如此注  
解便覺字  
字有官緊  
處學者當  
細心體味

氣○運○生○動○與○煙○潤○不○同○世○人○妄○指○煙○潤○遂○謂○生○  
動○何○相○謬○之○甚○也○蓋○氣○者○有○筆○氣○有○墨○氣○有○色○  
氣○俱○謂○之○氣○而○又○有○氣○勢○有○氣○力○有○氣○機○此○間○  
卽○謂○之○運○而○生○動○處○又○非○運○之○可○代○矣○生○者○生○  
生○不○窮○深○遠○難○盡○動○而○不○板○活○潑○迎○人○要○皆○可○  
默○會○而○不○可○名○言○如○劉○褒○畫○雲○漢○圖○見○者○覺○熱○  
又○畫○北○風○圖○見○者○覺○涼○又○如○畫○貓○絕○鼠○圖○畫○大○  
士○渡○海○而○滅○風○畫○龍○點○睛○飛○去○此○之○謂○也○至○如○



畫以天真  
爛漫爲上  
若工巧便  
落下乘矣

煙潤不過點墨無痕迹皴法不生澀而已豈可  
混而一之哉

論畫

明屠隆

意趣具於筆前故畫成神足莊重嚴律不求工  
巧而自多妙處後人刻意工巧有物趣而乏天  
趣畫花趙昌意在似徐熙意在似非高於畫  
者不能以似不似第其高遠蓋意不在似者太  
史公之於文杜陵老子之於詩也



論學畫

人能以畫寓意。明牕淨几。描寫景物。或觀佳山水處。胸中便生景象。或觀名花折枝。想其態度。綽約枝梗。轉折向日舒笑。迎風欹斜。含煙弄雨。初開殘落。布置筆端。不覺妙合天趣。自是一樂。若不以天生活潑爲法。徒竊紙上形似。終爲俗品。古之高尙士夫。如李公麟。范寬。李成。蘇長公。米家父子輩。靡不盡臻神品。賞鑒大雅。須學一

畫貴得其  
神韻如徒  
摹擬形似  
畫意所在  
終身不知



學古人不  
似則未盡  
其法徒似  
則未得其  
神

二名家方得深知畫意

論畫

明  
李流芳

余畫無師承又不喜臨摹古人如此冊於荆關  
董巨二米兩趙無所不倣然求其似了不可得  
夫學古人者固非求其似之謂也子久仲圭學  
董巨元鎮學荆關彥敬學二米然亦成其爲元  
鎮子久仲圭彥敬而已何必如今之臨摹古人  
者哉余不能畫而知其大意如此



竹卷難長  
最爲篤論

少時見余友髯朱畫竹喜而效之度不能勝輒  
棄去爲林木山水以自娛大都竹於長卷位置  
尤難寒稍萬尺雖不乏煙雲變化而詰曲高下  
坡陀掩映往往不能遂其聳然干霄之勢古人  
以竹卷傳者予亦未覩奇絕也嘗以此語友人  
潘與歸休皆以爲然二子皆專工畫竹已卓然  
成家而獨以位置長卷爲怯其他可知已

論畫

明  
李日華



勾取形象  
全在轉腕  
靈妙自無  
板結之病

元僧覺隱曰我嘗以喜氣寫蘭以怒氣寫竹蓋  
謂蘭葉勢飄舉花蕊舒吐得喜之神竹枝縱橫  
錯出如矛刃飾怒耳

繪事要明取予取者形像彷彿處以筆勾取之  
其致用雖在果毅而妙運則貴玲瓏斷續若直  
筆描畫卽板結之病生矣予者筆斷意含如山  
之虛廓樹之去枝凡有無之間是也

姜白石論書曰一須人品高文徵老自題其米



筆墨一道  
須消息造  
化方臻神  
妙

山曰人品不高用墨無法乃知點墨落紙大非  
細事必須胸中廓然無一物然後煙雲秀色與  
天地生生之氣自然湊泊筆下幻出奇詭若是  
營營世念澡雪未盡卽日對邱壑日摹妙蹟到  
頭只與髹采巧塲之工爭巧拙於毫釐也

余嘗泛論學畫必在能書方知用筆其學書又  
須胸中先有古今欲博古今作淹通之儒非忠  
信篤敬植立根本則枝葉不附斯言也蘇黃米



惟董北苑  
瀟湘圖始  
有此畫境

畫境荒寒  
爲元人根  
柢故脫盡  
宋人刻畫  
之習

集中著論每每如此可檢而求也  
繪事必以微茫慘澹爲妙境非性靈廓徹者未  
易證入所謂氣韻必在生知正此虛澹中所含  
意多耳其他精刻偏塞縱極功力於高流胸次  
間何關也王介甫猶急樸嗇以爲徒能文耳然  
其詩有云欲寄荒寒無善畫賴傳悲壯有能琴  
以悲壯求琴殊未浣箏笛耳而以荒寒索畫不  
可謂非善鑒也



理極精妙  
解此便能

陳郡丞嘗謂余言黃子久終日只在荒山亂石  
叢木深篠中坐意態忽忽人不測其爲何又每  
往泖中通海處看急流轟浪雖風雨驟至水怪  
悲詫而不顧噫此大癡之筆所以沈鬱變化幾  
與造化爭神奇哉

山行遇奇樹怪石卽具楮墨四面約略取之此  
亦詩家李賀錦囊之儲也

作畫如蒸雲度空觸石一任渺瀰遮露晦明不



跳出窠臼

卽此可悟  
古人用筆  
布置之妙

可預定要不失天成之致乃爲合作學書如洗  
石蕩盡浮沙濁土則靈巧自呈秀色自現二者  
於當境時卓豎眞宰於擇用時深加觀力方有  
入路耳

每見梁楷諸人寫佛道諸像細入豪髮而樹石  
點綴則極灑落若略不住思者正以像旣恭謹  
不能不借此以助雄逸之氣耳至吳道子以描  
筆畫首面肘腕而衣紋戰掣奇縱亦此意也



讀此論惟  
米老畫境

古人繪事如佛說法縱口極談所拈往劫因果  
奇詭出沒超然意表而總不越實際理地所以  
人天悚聽無非議者繪事不必求奇不必循格  
要在胸中實有吐出便是矣

古人於一樹一石必分背面正昃無一筆苟下  
至於數重之林幾曲之逕巒麓之單複借雲氣  
爲開遮沙水之迂迴表灘磧爲遠近語其墨暈  
之酣深厚如不可測而定意觀之支分縷析實



庶幾得之

此言大有  
深意

無一絲之勞是以境地愈穩生趣愈流多不致  
偏塞寡不致凋疎濃不致濁穢淡不致荒幻是  
日靈空日空妙以其顯現出沒全得造化真機  
耳向令葉葉而雕刻之物物而形肖之與髹工  
采匠爭能何貴畫乎

士人以文章德義爲貴若技藝多一不如少一  
不惟受役兼自損品林君復極富畫情見與可  
伯時終日碌碌狗人遂堅意禁制不爲余嘗謂



王摩詰玉琢才情若非是吟得數首詩則琵琶  
伶人水墨畫匠而已

論興致

明顧凝遠

當興致未來腕不能運時徑情獨往無所觸則  
已或枯槎頑石勺水疎林如造物所棄置與人  
裝點絕殊則深情冷眼求其幽意之所在而畫  
之生意出矣此亦錦囊拾句之一法

論氣韻



此等處學  
者當細心  
參究

能將此理  
參透筆墨  
自有入路

六法中第一氣韻生動有氣韻則有生動矣氣  
韻或在境中亦或在境外取之於四時寒暑晴  
雨晦明非徒積墨也

### 論筆墨

以枯澀爲基而點染蒙昧則無墨而無筆以堆  
砌爲基而洗發不出則無墨而無筆先理筋骨  
而積漸敷腴運腕深厚而意在輕鬆則有墨而  
有筆此其大略也若夫高明雋偉之士筆墨淋



滴鬚眉畢燭何用粘皮搭骨

論生拙

語極元妙  
耐人領取

畫○求○熟○外○生○然○熟○之○後○不○能○復○生○矣○要○之○爛○熟○  
員○熟○則○自○有○別○若○員○熟○則○又○能○生○也○工○不○如○拙○  
然○既○工○矣○不○可○復○拙○惟○不○欲○求○工○而○自○出○新○意○  
則○雖○拙○亦○工○雖○工○亦○拙○也○生○與○拙○惟○元○人○得○之○  
學○者○既○已○入○門○便○拘○繩○墨○惟○吉○人○靜○女○倣○書○童○  
稚○聊○自○抒○其○天○趣○輒○恐○人○見○而○稱○說○是○非○雖○都○



故能脫盡  
畫苑俗氣  
獨開生面

生拙二字  
鐵板註脚

未肖實有名流所不能者生也拙也彼云生拙  
與入門更是不同蓋畫之元氣苞孕未洩可稱  
混沌初分第一粉本也

元人用筆生用意拙有深義焉善藏其器惟恐  
以畫名不免於當世惟松雪翁裒然冠冕任意  
輝煌與唐宋名家爭雄不復有所顧慮耳然則  
其仕也未免爲絕藝所累

然則何取於生且拙生則無莽氣故文所謂文



枯潤得宜  
方入三昧

人之筆也。拙則無作氣。故雅所謂雅人深致也。

### 論枯潤

墨太枯則無氣韻。然必求氣韻而漫羨生矣。墨太潤則無文理。然必求文理而刻畫生矣。凡六法之妙。當於運墨先後求之。

### 論取勢

凡勢欲左行者。必先用意於右。勢欲右行者。必先用意於左。或上者。勢欲下垂。或下者。勢欲上。



此言大是  
妙諦學者  
細心參之

聳俱不可從本位逕情一往苟無根抵安可生  
發蓋凡物皆有然者多見精思則自得

### 論畫水

木華作海賦竟或教以水之前後左右言之遂  
添出數語乃知關全有側作泰山圖非橫看成  
嶺側成峰邪故身在此山不知山真面目名語  
也

### 論畫

明  
沈 顥



書之有益  
豈獨畫哉

趙大年平遠逸家眼目剪伐町畦天然秀潤從  
輞川叟得來然昔有評者謂得胸中千卷書更  
奇古則無書可以無畫

挹之有神摸之有骨玩之有聲唐人云漫漫汗  
汗一筆耕一草一木棲神靈恍疑畫中有物物  
中有聲此僅爲知者道吁嘉隆而後神骨且乏  
况聲乎

層巒疊嶂如歌行長篇遠山疎麓如五七言絕



作畫能得  
古人之神  
方脫盡筆  
墨蹊徑

愈簡愈入深永庸史涉筆拙更難藏

董北苑之精神在雲間趙承旨之風韻在金閨  
已而交相非非趙也董也非因襲之流弊流  
弊既極遂有矯枉至習矯枉轉爲因襲共成流  
弊其中機杼循環遷去古愈遠自立愈羸何不尋  
宗覓派打成冷局非北苑非承旨非雲間非金  
閨非因襲非矯枉孤蹤獨響夔然自得臨摹古  
人不在對臨而在神會目意所結一塵不入似



師古人不  
若師造化  
宜諸公爲  
百世宗匠

而不似不似而似不容思議

董源以江南真山水爲橐本黃公望隱虞山卽  
寫虞山皴色俱肖且日囊筆硯遇雲姿樹態臨  
勒不舍郭河陽至取真雲驚湧作山勢尤稱巧  
賊應知古人橐本在大塊內吾心中慧眼人自  
能覷著又不可撥寘程派作潏蕩生涯也  
有一畫史日間作畫夢卽入畫曉復寫夢境每  
入神遂有蠅落屏端水鳴牀上魚堪躍水龍能



摹畫鑒書  
確論

破垣稱性之作。直操玄化。蓋緣山河大地器類。羣生皆自性現。其間卷舒取捨。如大虛片雲。寒潭鴈跡而已。

專摹一家。不可與論畫。專好一家。不可與論鑒。畫。

今人見畫之簡潔高逸。曰士夫畫也。以爲無實詣也。實詣指行家法耳。不知王維。李成。范寬。米氏父子。蘇子瞻。晁無咎。李伯時輩。士夫也。無實。



詣乎行家乎。


畫學心印卷二

男鳳墀校字








































ND  
1292  
C6  
1878  
U.3

畫學心印

卷三

梁溪秦祖永評輯

畫眼

明董其昌

山水以氣  
韻生動爲  
第一故六  
法以氣韻  
始

畫家六法。一曰氣韻生動。氣韻不可學。此生而  
知之。自然天授。然亦有學得處。讀萬卷書。行萬  
里路。胸中脫去塵濁。自然邱壑內營。成立鄴鄂。  
隨手寫出。皆爲山水傳神。

凹凸二字  
最爲畫中

古人論畫有云。下筆便有凹凸之形。此最懸解。



妙用會得  
此旨思翁  
不能擅美  
於前也  
叅透惜墨  
潑墨四字  
畫中巧妙  
迎刃而解

作畫能集  
諸家大成  
何患不出  
人頭地

吾○以○此○悟○高○出○歷○代○處○雖○不○能○至○庶○幾○效○之○得○  
其○百○一○便○足○自○老○以○游○邱○壑○間○矣○

李○成○惜○墨○如○金○王○洽○潑○墨○瀋○成○畫○夫○學○畫○者○每○  
念○惜○墨○潑○墨○四○字○於○六○法○三○品○思○過○半○矣○

畫○與○字○各○有○門○庭○字○可○生○畫○不○可○不○熟○字○須○熟○  
後○生○畫○須○熟○外○熟○

畫○平○遠○師○趙○大○年○重○山○疊○嶂○師○江○貫○道○皴○法○用○  
董○源○麻○皮○皴○及○瀟○湘○圖○點○子○皴○樹○用○北○苑○子○昂○



此卽以造  
化爲師非  
尋常學力  
所能到

二家法石用大李將軍秋江待渡圖及郭忠恕  
雪景李成畫法有小幅水墨及著色青綠俱宜  
宗之集其大成自出機軸再四五年文沈二君  
不能獨步吾吳矣

朝起看雲氣變幻可收入筆端吾嘗行洞庭湖  
推篷曠望儼然米家墨戲又米敷文居京口之  
北固諸山與海門連亘取其境爲瀟湘白雲卷  
故唐世畫馬入神者曰天閑十萬匹皆畫譜也



筆須巧拙  
互用自然  
絕去甜俗  
蹊徑正與  
思翁之旨  
相合

畫學心法卷三  
士人作畫當以草隸奇字之法爲之樹如屈鐵  
山如畫沙絕去甜俗蹊徑乃爲士氣不爾縱儼  
然及格已落畫師魔界不復可救藥矣若能解  
脫繩束便是透網鱗也

畫中山水位置皴法皆各有門庭不可相通惟  
樹木則不然雖李成董源范寬郭熙趙大年趙  
千里馬夏李唐上自荆關下逮黃子久吳仲圭  
輩皆可通用也或曰須自成一家此殊不然如



畫家惟樹  
木須擷取  
諸家之長  
方能美備  
非若皴法  
位置必守  
門庭也

畫家必胸  
有邱壑自  
然靈氣貫  
通無扭擲

柳則趙千里松則馬和之枯樹則李成此千古  
不易雖復變之不離本源豈有舍古法而獨創  
者乎倪雲林亦出自郭熙李成稍加柔雋耳如  
趙文敏則極得此意蓋萃古人之美於樹木不  
在石上着力而石自秀潤矣今欲重臨古人樹  
木一冊以爲奚囊

古人畫不從一邊生去今則失此意故無八面  
玲瓏之巧但能分能合而皴法足以發之是了



堆砌之病  
矣虛實詳  
略處慧心  
人自能變  
通之

能分能合  
方爲好手

畫樹祕訣  
細心叅之

手時事也。其次須用虛實。虛實者各段中用筆  
之詳略也。有詳處必要有略處。虛實互用。疏則  
不深邃。密則不風韻。但審虛實以意取之。畫自  
奇矣。

凡畫山水須明分合。分筆乃大綱宗也。有一幅  
之分。有一段之分。於此了然。則畫道過半矣。  
樹固要轉。而枝不可繁。枝頭要斂。不可放。樹頭  
要放。不可緊。



轉折二字  
最爲畫樹  
妙用解此  
自無板木  
之病

樹要四面  
有枝方得  
八面玲瓏  
之妙

畫樹之法須專以轉折爲主每一動筆便想轉折處如寫字之於轉筆用力更不可往而不收枝有四枝謂四面皆可作枝着葉也但畫一尺樹更不可令有半寸之直須筆筆轉去皆祕訣也

畫須先工樹木但四面有枝爲難耳山不必多以簡爲貴

作雲林畫須用側筆有輕有重不得用圓筆其



筆法秀峭  
一切甜邪  
俗賴之病  
掃除淨盡

畫學心印卷三  
四  
佳處在筆法秀峭耳宋人院體皆用圓皴北苑  
獨稍縱故爲一小變倪雲林黃子久王叔明皆  
從北苑起祖故皆有側筆雲林其尤著者也  
北苑畫小樹不先作樹枝及根但以筆點成形  
畫山卽用畫樹之皴此人所不知乃訣法也  
北苑畫雜樹止只露根而以點葉高下肥瘦取  
其成形此卽米畫之祖最爲高雅不在斤斤細  
巧



畫樹一切  
均要有凹  
凸之形方  
入三昧  
讀此可想  
見氣韻生  
動之趣

畫無筆迹  
正藏鋒不

作畫凡山俱要有凹凸之形先如山外勢形像  
其中則用直皴此子久法也

畫家之妙全在煙雲變滅中米虎兒謂王維畫  
見之最多皆如刻畫不足學也唯以雲山爲墨  
戲此語似偏然山水中當着意生雲不可用粉  
染當以墨漬出令如氣蒸冉冉欲墮乃可稱生  
動之韻

畫無筆跡非謂其墨澹模糊而無分曉也正如



露之意元  
四大家皆  
宗此旨書  
畫實一理  
也

此則宋趙  
希鵠論載  
洞天清錄

如此方爲  
純詣乃能

善書者藏鋒如錐畫沙印泥耳書之藏鋒在  
手執筆沈着痛快人能知善書執筆之法則能  
知名畫無筆跡之說故古人如大令今人如米  
元章趙子昂善書必能善畫善畫必能善書其  
實一事耳

畫家以神品爲宗極又有以逸品加於神品之  
上者曰失於自然而後神也此誠篤論恐護短  
者竄入其中士大夫當窮工極研師友造化能



筆墨妙天下

爲摩詰而後爲王洽之潑墨能爲營邱而後爲  
二米之雲山乃足關畫師之口而供賞音之耳  
目也

董北苑僧巨然都以墨染雲氣有吐吞變滅之  
勢米氏父子宗董巨法稍刪其繁複獨畫雲仍  
用李將軍拘筆如伯駒伯驥輩欲自成一家不  
得隨人去取故也

用墨能參  
透此意自

老米畫難於渾厚但用淡墨濃墨潑墨破墨積



然生動盡  
致

確論

思翁拈出  
大是妙諦

右丞法派  
至元四家

墨焦墨盡得之矣

子美論畫殊有奇如云簡高人意尤得畫髓昌  
信卿言大竹畫形小竹畫意

幽亭秀木古人嘗繪圖世無解其意者余爲下  
註脚口亭下無俗物謂之幽木不臃腫經霜變  
紅黃葉者謂之秀昌黎云坐茂樹以終日當作  
嘉樹則四時皆宜霜松雪竹雖凝寒亦自堪對  
文人之畫自王右丞始其後董源巨然李成范



而大備文  
沈後惟思  
翁獨得倪  
黃正傳婁  
東派實爲  
思翁法嗣

畫家筆墨  
原不過陶  
寫性情以  
發舒胸中  
逸氣如刻  
畫細謹受

寬爲嫡子。李龍眠。王晉卿。米南宮。及虎兒。皆從  
董巨得來。直至元四大家。黃子久。王叔明。倪元  
鎮。吳仲圭。皆其正傳。吾朝文沈。則又遠接衣鉢。  
若馬夏及李唐。劉松年。又是大李將軍之派。非  
吾曹當學也。

畫之道。所謂宇宙在乎手者。眼前無非生機。故  
其人往往多壽。至如刻畫細謹。爲造物役者。乃  
能損壽。益無生機也。黃子久。沈石田。文徵仲。皆



制於造物  
是白戕其  
生機也

學古人全  
在得其意  
如徒拘守  
形迹終無  
入路

畫學心印卷三  
七  
大耄仇英短命趙吳興止六十餘仇與趙品格  
雖不同皆習者之流非以畫爲寄以畫爲樂者  
也寄樂於畫自黃公望始開此門庭耳

巨然學北苑元章學北苑黃子久學北苑倪迂  
學北苑一北苑耳而各各不相似他人爲之與  
臨本同若之何能傳世也

禪家有南北二宗唐時始分畫之南北二宗亦  
唐時分也但其人非南北耳北宗則李思訓父



右丞創爲  
渲淡早開  
元人門戶  
猶倪黃派  
演董巨實  
爲思翁先  
聲此中轉  
關有非人  
力所能強  
者

子着色山水流傳而爲宋之趙幹趙伯駒伯驥  
以至馬夏輩南宗則王摩詰始用渲淡一變拘  
研之法其傳爲張璪荆關董巨郭忠恕米家父  
子以至元之四大家亦如六祖之後有馬駒雲  
門臨濟兒孫之盛而北宗微矣要之摩詰所謂  
雲峰石迹迴出天機筆意縱橫參乎造化東坡  
贊吳道元王維畫壁亦云吾於維也無閒然知  
言哉



吳道子偏  
於骨故謂  
之無墨項  
容偏於月  
故謂之無  
筆骨以停  
勻卽是有  
筆有墨

荆浩河內人。自號洪谷子。博雅好古。以山水專  
門。頗得趨向。爲雲中山頂。四面峻厚。自撰山水  
訣一卷。語人曰。吳道子畫山水。有筆而無墨。項  
容有墨而無筆。吾當采二子所長。爲一家之體。  
故關仝北面事之。世論荆浩山水。爲唐末之冠。  
蓋有筆無墨者。見落筆蹊徑而少自然。有墨無  
筆者。去斧鑿痕而多變態。

宋畫至董源。巨然。脫盡廉纖刻畫之習。然惟寫



筆墨精妙  
方能爲山  
水傳神

江南山則相似若海岸圖必用大李將軍北方  
盤車騾網必用李晞古郭河陽朱銳黃子久專  
畫海虞山王叔明專畫茗雪景宋時宋迪專畫  
瀟湘各隨所見不得相混也

以徑之奇怪論則畫不如山水以筆墨之精妙  
論則山水決不如畫東坡有詩曰論畫以形似  
見與兒童鄰作詩必此詩定知非詩人余曰此  
元畫也晁以道詩云畫寫物外形要物形不改



荒率蒼古  
元人妙境  
雲林尤擅  
勝場

畫學心法卷三  
九  
詩傳畫外意貴有畫中態余曰此宋畫也

趙大年令穰平遠絕似右丞秀潤天成眞宋之  
士大夫畫此一派又傳爲倪雲林雖工緻不敵  
而荒率蒼古勝矣今作平遠及扇頭小景一以  
此兩家爲宗使人玩之不窮味外有味可也  
趙令穰伯駒承旨三家合併雖妍而不甜董源  
米芾高克恭三家合併雖縱而有法兩家法門  
如鳥雙翼吾將老焉



如此畫境  
自然生氣  
遠出變幻  
滅沒不可  
端倪

黃大癡九十而貌如童顏。米友仁八十餘神明不衰。無疾而逝。蓋畫中烟雲供養也。董北苑畫樹。都有不作小樹者。如秋山行旅是也。又有作小樹。但只遠望之似樹。其實憑點綴以成形者。余謂此卽米氏落茄之源委。蓋小樹最要淋漓約略。簡於枝柯。而繁於形影。欲如文君之眉。與黛色相參合。則高手也。枯樹最不可少。時於茂林中間出。乃見蒼秀樹。



畫樹能領  
取其妙自  
然運實於  
虛化板爲  
活

華源晚年  
脫去舊習  
獨師造化  
所由與李  
營邱並駕

畫學八段卷三  
十一  
雖檜柏楊柳椿槐要得鬱鬱森森其妙處在樹  
頭與四面參差一出一入一肥一瘦處古人以  
墨畫圈隨圈而點綴正爲此也

畫家以古人爲師已是上乘進此當以天地爲  
師每每朝看雲氣變幻絕近畫中山山行時見  
奇樹須四面取之樹有左看不入畫而右看入  
畫者前後亦爾看得熟自然傳神傳神者必以  
形形與心手相湊而相忘神之所託也樹豈有



樹木須要  
審其境地  
相宜方爲  
合格此等  
處最當留  
意

不入畫者。特畫收之生絹中。茂密而不繁。峭秀而不塞。卽是一家眷屬耳。

畫樹木各有分別。如畫瀟湘圖。意在荒遠滅沒。卽不當作大樹。及近景叢木。畫五嶽亦然。如畫園亭景。可作楊柳梧竹。及古檜青松。若以園亭樹木。移之山居。便不稱矣。若重山複嶂。樹木又當直枝直幹。多用攢點。彼此相藉望之。模糊鬱葱。似入林有猿啼虎嘯者。乃稱至春。夏。秋。冬。風。



畫樹之竅全在生枝發節處曲直不可過於顯筋露骨以渾化出之則畫樹之妙思過半矣

章法能得分合之妙

晴雨雪又不在言也

畫樹之竅只在多曲雖一枝一節無有可直者其向背俯仰全於曲中取之或曰然則諸家不有直榦乎曰樹雖直而生枝發節處必不都直也董北苑樹作勁挺之狀特曲處簡耳李營邱則千屈萬曲無復直筆矣

山之輪廓先定然後皴之今人從碎處積爲大山此最是病古人運大軸只三四大分合所以



自無堆砌  
之病

鈎勒皴染  
陰陽向背  
色色精妙  
方是有筆  
有墨

成章。雖其中細碎處甚多。要之取勢爲主。吾有  
元人論米高二家山書。正先得吾意。  
古人云。有筆有墨。筆墨二字。人多不曉。畫豈有  
無筆墨者。但有輪廓而無皴法。卽謂之無筆。有  
皴法而不分輕重向背明晦。卽謂之無墨。古人  
云。石分三面。此語是筆。亦是墨。可參之。  
遠山一起一伏。則有勢。疏林或高或下。則有情。  
此畫訣也。余蓋欲拈出以示人。惜未有知其解。



者。

畫中點綴  
均要得其  
神趣筆墨  
方是檀場

畫人物須顧盼語言花果迎風帶露禽飛獸走  
精神脫真山水林泉清閒幽曠屋廬深邃橋渡  
往來山脚入水澄明水源來厯分曉有此數端  
卽不知名定是高手

畫柳之妙  
不離此種  
種學者能  
細心叅透

宋人多寫垂柳又有點葉柳柳不難畫只要分  
枝頭得勢耳點柳之妙在樹頭圓鋪處只以綠  
汁漬出又要森蕭有迎風搖颺之思其枝頭半



斯無遺憾

明半暗。又春二月柳未垂。條秋九月柳已衰。颯俱不可混。設色亦須體此意也。

郭河陽論畫山有可望者。有可游者。可居者可居。則更勝矣。以其能令人起高隱之思也。江南諸山以九子爲可望。齊山爲可游。若可居者。唯洞庭兩山耳。余歸將卜築老焉。此畧所以志也。李思訓寫海外山。董源寫江南山。米元暉寫南徐山。李唐寫中州山。馬遠夏珪寫錢塘山。趙吳

古大家各有習。尙不得相混。



右丞畫總  
以皴法渲  
染爲上蓋  
法備趣足  
允爲百世  
宗匠

畫學心印卷三  
興寫茗雪山黃子久寫海虞山若夫方壺蓬閣  
必有羽人傳照余以意爲之未知似否

王右丞畫余從樵李項氏見釣雪圖盈尺而已  
絕無皴法石田所謂筆意凌兢人局脊者最後  
得小幅乃趙吳興所藏頗類營邱而高簡過之  
又於長安楊高郵所得山居圖則筆法類大年  
有宣和題危樓日暮人千里欹枕秋風雁一聲  
者然總不如馮祭酒江山雪霽圖具有右丞妙



墨戲三昧  
不能追蹤  
北苑烏能  
夢見南宮  
耶

米老畫全  
以趣勝每  
多率易處  
故學米者  
必以董巨  
為宗

趣予曾借觀經歲今如漁父出桃源矣

雲山不始於米元章蓋自唐時王洽潑墨便已  
有其意董北苑好作煙景煙雲變沒卽米畫也  
余於米芾瀟湘白雲圖悟墨戲三昧故以寫楚  
山王晉卿寫武昌樊口景

米元章作畫一正畫家謬習觀其高自標置謂  
無一點吳生習氣又云王維之跡殆如刻畫真  
可一笑蓋唐人畫法至宋乃暢至米家又變耳



高尚書深得米家精  
蘊其氣韻魄力實高出諸家上

書畫八日卷三  
余雖不學米畫恐流入率易茲一戲倣之猶不敢失董巨意善學下惠頗不能當也

余嘗見勝國時推房山鷗波居四家之右而吳興每遇房山畫輒題品作勝語若讓服不置者顧近代賞鑒家或不謂然此由未見高尚書真蹟耳今年六月在吳門得其巨軸煙雲變滅神氣生動果非子久山樵所能夢見因與道寅爲別訪之容安草堂出精素求畫畫成此圖卽高



甲戌秋見  
一山樵紙  
本中幅筆  
情縱逸風  
韻蕭疎仍  
未脫文敏  
規格市賈  
索價太昂  
交臂失之  
深可惜也  
雲林之不  
可及在能  
萃諸家之  
長自成一

家法也。觀者可意想房山規模於百一乎。

王叔明畫從趙文敏風韻中來。故酷似其舅。又  
汎濫唐宋諸名家。而以董源王維爲宗。故其縱  
逸多姿。又往往出文敏規格之外。若使叔明專  
門師文敏。未必不爲文敏所掩也。因畫叔明筆  
意及之。

此倣倪高士筆也。雲林畫法大都樹木似營邱  
寒林山石宗關仝。皴似北苑。而各有變局。學古



局

近得迂翁  
直幅筆墨  
簡淡一種  
蒼莽之趣  
如在雲霧  
中不可捉  
摸真絕詣  
也

米之顛倪  
之迂皆卓

人不能變便是籬堵閒物去之轉遠乃由絕似耳。

迂翁畫在勝國時可稱逸品昔人以逸品置神品之上歷代唯張志和盧鴻可無愧色宋人中米襄陽在蹊徑之外餘皆從陶鑄而來元之能者雖多然稟承宋法稍加蕭散耳吳仲圭大有神氣黃子久特妙風格王叔明奄有前規而三家皆有縱橫習氣獨雲林古淡天然米癡後一



絕千古

思翁畫骨  
格純乎右  
丞而更叅  
之以董米  
故用筆用  
墨之妙爲  
諸家莫及

皴法必要  
數十年之

人而已

畫家右丞如書家右軍世不多見余昔年於嘉興項太學元汴所見雪江圖都不皴擦但有輪廓耳及世所傳摹本若王叔明劍閣圖筆意頗李中舍疑非右丞畫格又余至長安得趙大年臨右丞湖庄清夏圖亦不細皴稍似項氏所藏雪江卷而竊意其未盡右丞之致蓋大家神品必於皴法有奇大年雖俊爽不耐多皴遂爲無



苦功方能入妙初畫好手亦是可觀其所以異者全在皴法上分別耳

畫學八日卷三  
筆此得右丞一體者也最後復得郭忠恕輞川粉本乃極細皴相傳真本在武林既稱摹寫當不甚遠然余所見者庸史本故不足以定其畫法矣唯京師楊高郵州將處有趙吳興雪圖小幅頗用金粉閒遠清潤迥異常作余一見定爲學王維或曰何以知是學維余應之曰凡諸家皴法自唐及宋皆有門庭如禪燈五家宗派使人聞片語單詞可定其爲何派兒孫今文敏此



世有伯樂  
自然有干  
里馬居今  
之世而欲  
求右丞營  
邱真跡誰  
則信之然  
天下之大  
有精鑒而  
篤好者亦  
未始不可  
相遇也

圖行筆非僧繇非思訓非洪谷非關仝乃知董  
巨李范皆所不攝非學維而何今年秋聞王維  
有江山霽雪一卷爲馮宮庶所收亟令友人走  
武林索觀宮庶珍之自謂如頭目腦髓以余有  
右丞畫癖勉應余請清齋三日展閱一過宛然  
吳興小幅筆意也余用是自喜且右丞白云宿  
世謬詞客前身應畫師余未嘗得覩其跡但以  
想心取之果得與真肖合豈前身曾入右丞之



畫家右丞  
與書家右  
軍皆獨絕  
千古

室而親覽其盤礴之致故結習不昧乃爾耶庶  
子書云此卷是京師後宰門拆古屋於折竿中  
得之凡有三卷皆唐宋書畫也余又妄想彼二  
卷者安知非右軍蹟或虞褚諸名公臨晉帖耶  
倘得合劍還珠足辦吾兩事豈造物妒完聊畀  
余於此卷中消受清福耶老子云同於道者道  
亦樂得之余且珍之以俟

右丞山水入神品昔人所評雲峰石色迥出天



思翁賞鑒  
真有上下  
千年縱橫  
萬里之識

思翁賞鑒  
其自負處

機筆意縱橫參乎造化唐代一人而已宋米元  
章父子時代猶不甚遠故米老及見輞川雪圖  
數本之中唯一本真餘皆臨摹幾如刻畫且李  
營邱與元章同是北宋當時僞者見三百本真  
者止二本欲作無李論况右丞蹟乎余在長安  
聞馮開之大司成得右丞江山霽雪圖走使金  
陵借觀馮公自謂寶此如頭目腦髓不遂余意  
函致邸舍發而橫陳几上齋戒以觀得未曾有



正其自得  
處也

又應馮公之教作題辭數百言大都謂右丞以  
前作者無所不工獨山水神情傳寫猶隔一塵  
自右丞始用皴法用渲染法若王右軍一變鍾  
體鳳翥鸞翔似奇反正右丞以後作者各出意  
造如王洽李思訓輩或潑墨瀾翻或設色娟麗  
顧蹊徑已具模擬不難此於書家歐虞褚薛各  
得右軍之一體耳此雪霽卷已爲馮長公游黃  
山時所廢余往來於懷自以此生莫由再覩頃



惠崇巨然  
畫真匹敵  
然近世但  
知有巨然  
想惠師遺  
跡世人少  
所見耳

於海虞嚴文靖家又見江干雪意卷與馮卷絕  
類而沈石田王守溪二詩亦同煥若神明頓還  
舊觀何異漁父入桃源駭目動心書以志幸  
五代時僧惠崇與宋初僧巨然皆工畫山水巨  
然畫米元章稱其平淡天真惠崇以右丞爲師  
又以精巧勝江南春卷爲最佳一似六度中禪  
一似西來禪皆畫家之神品也惠生博雅好古  
獲此奇跡惠公似得主人矣



北苑瀟湘  
圖最爲神  
妙之跡讀  
此令人神  
往

此卷余以丁酉六月得於長安卷有文壽承題  
董北苑字失其半不知何圖也旣展之卽定爲  
瀟湘圖蓋宣和畫譜所載而以選詩爲境所謂  
洞庭張樂地瀟湘帝子游耳憶余丙申持節長  
沙行瀟湘道中蒹葭漁網汀洲叢木茅菴樵逕  
晴巒遠堤一一如此圖令人不動步而重作湘  
江之客昔人乃有以畫爲假山水而以山水爲  
真畫者何顛倒見也董源畫世如星鳳此卷尤



觀此可想  
見營邱山  
水之勝

奇古荒率僧巨然於此還丹梅道人嘗其一巒  
者余何幸得卧游其間耶

營邱山水危峰奮起蔚然天成喬木倚磴下自  
成陰軒暢閒雅悠然遠眺道路深窈儼然深居  
用墨頗濃而皴斲分曉凝坐觀之雲煙忽生澄  
江萬里神變萬狀余嘗見一雙幅每對之不知  
身在千巖萬壑中

夏圭師李唐更加簡率如塑工所謂減塑者其



余藏西廬  
翁摸大年  
江鄉清夏  
冊想卽思  
翁藏本真  
有大年超  
軼絕塵之  
致

意欲盡去模擬蹊逕而若滅若沒寓二米墨戲  
於筆端他人破觚爲員此則琢員爲觚耳

趙令穰江鄉清夏卷筆意全倣右丞余從京邸  
得之日閱數過覺有所會趙與王晉卿皆脫去  
院體以李咸熙王摩詰爲主然晉卿尙有畦逕  
不若大年之超軼絕塵也丙申七月渡錢塘次  
馮氏樓待潮多暇出此卷臨寫因題後

先是余過嘉興觀項氏所藏晉卿瀛山圖至武



思翁此論  
甚爲賞鑒  
家下箴砭  
也世之聽  
聲隨影者  
盍深味乎  
此言

林觀高氏所藏郭恕先輞川圖二卷皆天下傳  
誦北宋名跡以視此卷不無退舍蓋瀛山圖筆  
細謹而無澹宕之致輞川多不皴唯有勾勒猶  
是南宋人手迹余在京師往來於懷至形夢寐  
及是獲披觀再過始知營平所言百聞不如一  
見真老將語也此聊以論畫耳類是者更何限  
人須自具法眼勿隨人耳食也

宋趙千里設色桃源圖卷昔在庚寅見之都下



十洲畫傳  
世極少余  
所見仇蹟  
可稱精妙  
眞高出衡  
翁之上

畫學八白卷三  
後爲新都吳太學所購。余無十五城之償。唯有  
心豔。及觀此仇英臨本。精工之極。眞千里後身。  
雖文太史悉力爲之。未必能勝。語曰。巧者不過  
習者之門。信矣。余後休承六十三年。而余獲觀  
於東郡王長公所。每觀唐人山水皴法。皆如鐵  
線。至於畫人物衣紋。亦如之。此祕自余逗漏。從  
無拈出者。休承雖解畫。不解參此用筆訣也。長  
公具眼又多蓄唐宋跡。以余爲何如。



米家畫法  
全是化工  
靈氣結撰  
而成不可  
以筆墨蹊  
徑觀也

高房山多瓦屋米家多草堂以此爲辨此圖瀟  
灑出塵非南宮不能作

米元暉作瀟湘白雲圖自題云夜雨初霽曉雲  
欲出其狀若此此卷余從項晦伯購之携以自  
隨至洞庭湖舟次斜陽篷底一望空濶長天雲  
物怪怪奇奇一幅米家墨戲也自此每將暮輒  
捲簾看畫卷覺所將卷爲剩物矣湘江上奇雲  
大似郭河陽雪山其平展沙腳與墨瀋淋漓乃



以造化爲  
師故能胸  
次廓然脫  
盡筆墨畦  
徑

畫學心印卷三  
三  
似米家父子耳。古人語郭熙畫石如雲，不虛也。  
米元暉又作海岳菴圖，謂於瀟湘得畫境。其次  
則京口諸山與湘山差類。今海岳圖亦在行笈  
中。元暉未嘗以洞庭北固之江山爲勝，而以其  
雲物爲勝。所謂天閑萬馬皆吾師也。但不知雲  
物何以獨於兩地可以入畫。或以江上諸名山  
所憑空濶，四天無遮，得窮其朝暮之變態耳。此  
非靜者何由深解。故論書者曰：一須人品高，豈



元四家之  
追宗董巨  
國初四王  
之取法元  
四家真是  
一綫相承

非品高則閒靜無他好縈故耶元季諸君子畫  
唯兩派一爲董源一爲李成成畫有郭河陽爲  
之佐亦猶源畫有僧巨然副之也然黃倪吳王  
四大家皆以董巨起家成名至今隻行海內至  
如學李郭者朱澤民唐子華姚彥卿俱爲前人  
蹊徑所壓不能自立堂戶此如五宗子孫臨濟  
獨盛當亦紹隆祖法者有精靈男子耶  
余嘗謂右軍父子之書至齊梁而風流頓盡自



臨摹古人  
必要得其  
神氣方有  
心得如徒  
摹擬形似  
終無入處

唐初虞褚輩變其法乃不合而合右軍父子殆  
如復生此言大不易會蓋臨摹最易神氣難傳  
故也巨然學北苑黃子久學北苑倪迂學北苑  
學一北苑耳而各各不相似使俗人爲之與臨  
本同若爾何能傳世也子昂畫雖圓筆其學北  
苑亦不爾

雲山皆依側邊起勢不用兩邊合成此人所不  
曉近來俗子點筆便自稱米家山深可笑也元



讀此華源  
畫可想像  
得之

得北苑三  
昧卽得米  
家三昧也

暉○脾○睨○千○古○不○讓○右○丞○可○容○易○湊○泊○開○後○人○護○  
短○逕○路○耶○

范○寬○山○川○渾○厚○有○河○朔○氣○象○瑞○雪○滿○山○動○有○千○  
里○之○遠○寒○林○孤○秀○挺○然○自○立○物○態○嚴○凝○儼○然○三○  
冬○在○目○

朔○旦○至○金○閭○門○客○以○北○苑○畫○授○予○雲○煙○變○滅○草○  
木○鬱○葱○真○駭○心○動○目○之○觀○乃○知○米○氏○父○子○深○得○  
其○意○予○家○有○虎○兒○大○姚○村○圖○政○復○相○類○不○師○北○



苑烏能夢見南宮耶

趙榮祿枯樹法郭熙李成不知實從飛白結字  
中來也文君眉峰點黛不知從董雙蛾遠山袖  
帶來也知此省畫法

可稱古今  
三絕

詩至少陵書至魯公畫至二米古今之變天下  
之能事畢矣獨高彥敬兼有眾長出新意於法  
度之中寄妙理於豪放之外所謂游刃有餘地  
運斤成風古今一人而已



梅道人孤  
高、清、介、不  
肯、要、譽、一  
時、所、以、傳  
名、千、古

梅花道人吳仲圭畫師巨然多似船子和尙以  
撥棹詩題之吳門王文恪家藏其漁樂圖入妙  
品本與盛子昭比門而居四方以金帛求子昭  
畫者甚眾而仲圭之門聞然妻子頗笑之仲圭  
曰二十年後不復爾果如其言盛雖工實有筆  
墨畦徑非若仲圭之蒼蒼莽莽有林下風氣所  
謂氣韻非耶

予少學子久山水中去而爲宋人畫今間一倣



思翁尚然  
如此可見  
兼長之難

倪黃當時  
可稱壓倒  
元白

畫學心印卷三  
子久亦差近之日臨樹一二株石山土坡隨意  
皴染五十後大成猶未能作人物舟車屋宇以  
爲一恨喜有元鎮在前爲我護短否則百喙莫  
解矣

元時畫道最盛唯董巨獨行外此皆宗郭熙其  
有名者曹雲西唐子華姚彥卿朱澤民輩出其  
十不能當倪黃一蓋風尚使然亦由趙文敏提  
醒品格眼目皆正耳予非不好元季四家畫直



平洲畫雖  
極精妙究  
屬工刻未  
免傷氣不  
能如癡翁  
之以畫爲  
寄以畫爲  
樂也

沂其源委歸之董巨亦頗爲時人換眼丁南羽  
以爲畫道一變

李昭道一派爲趙伯駒伯驢精工之極又有士  
氣後人倣之者得其工不能得其雅若元之丁  
野夫錢舜舉是已蓋五百年而有仇實父在昔  
文太史丞相推服太史於此一家畫不能不遜  
仇氏故非以賞譽增價也實父作畫時耳不聞  
鼓吹闐駢之聲如隔壁釵釧戒顧其術亦近苦



衡翁畫從  
趙文敏風  
韻中來其  
舒展自如  
之趣已遠  
不逮矣

雲林淡墨  
一種可謂

矣。行年五十方知此一派畫殊不可習譬之禪  
定積劫方成菩薩非如董巨米三家可一超直  
入如來地也。

文太史本色畫極類趙承旨第微尖利耳同能  
不如獨異無取絕肖似所謂魯男子學柳下惠  
石田先生於勝國諸賢名跡無不摹寫亦絕相  
似或出其上獨倪迂一種淡墨自謂難學蓋先  
生老筆密思於元鎮若淡若疎者異趣耳獨此



獨絕千古  
非後人所  
能學步

游戲爲之  
自然入妙  
故知趙文  
敏之不可  
及

幅蕭散秀潤。最爲逼古。亦平生得意筆也。

子昂嘗有創爲卽工者。題畫卷有曰。余嘗畫馬。未嘗畫羊。子中強余爲此。不知合作否。此卷特爲精妙。故知氣韻必在生知。非虛也。

王西園爲吾郡先輩名流。蓋與錢鶴灘同時。酬唱甚有高韻。予得其日紀數冊。每遇書畫題詠。隨手記錄。如周密烟雲過眼錄之類。想見其人絕去俗事。山水畫亦老筆紛披。似啟南本色。此



拙中有巧  
學者最宜  
玩味

寫生四種拙中有巧非時史所能湊泊也後有  
孫漢陽周山人宋居士各爲寫生似欲與爭席  
恐非野老所堪然古質今妍各有獨詣未可抹  
殺前人草創之力予不工花草畫以意定如此  
吾鄉畫家元時有曹雲西張以文張子正諸人  
皆名筆而曹爲最高與黃子久倪元鎮頡頏並  
重曹本師馮覲郭熙此幅則倣巨然尤異平時  
之作藏此以傳故鄉前輩風流以文畫乃有絕



石谷云畫有明暗如鳥雙翼不可偏廢明暗兼到神氣乃生宗旨殊不同也

迂翁畫若淡若濃其趣異也

肖大癡者予得之長安。今合此乃雙美也。予常與眉公論畫。畫欲暗不欲明明者如觚稜。鈎角是也。暗者如雲橫霧塞是也。眉公胸中數具一邱壑。雖草草潑墨而一種蒼老之氣。豈落吳下畫師甜俗魔境耶。同觀者修微王道人。也。沈石田每作迂翁畫。其師趙同魯見輒呼之曰。又過矣。又過矣。蓋迂翁妙處實不可學。啟南力勝於韻。故相去猶隔一塵也。



徐熙筆墨  
神逸視黃  
筌之妍麗  
畫品自高  
出其上而  
反瑕疵之  
適足爲識  
者所笑耳

士人論畫以取物無疑爲一合非十三科全備  
未能至此范寬山水神品猶借名手爲人物故  
知兼長之難

傳稱西蜀黃筌畫兼衆體之妙名走一時而江  
南徐熙後出作水墨畫神氣若湧別有生意筌  
恐其軋己稍有瑕疵至於張僧繇畫閣立本以  
爲虛得名固知古今相傾不獨文人爾爾吾郡  
顧仲方莫雲卿二君皆工山水畫仲方專門名



古人氣誼  
讀此令人  
景慕

思翁此論  
真千古不  
易可以折  
衷

家蓋已有歲年。雲卿一出而南北頓漸遂分二。  
宗。然雲卿題仲方小景。目以神逸。乃仲方向余。  
斂衽雲卿畫。不置。有如其以詩句相標譽者。俯。  
仰間見二君意氣可薄古人耳。

米元章論畫曰。紙千年而神去。絹八百年而神。  
去。非篤論也。神猶火也。火無新故。神何去來大。  
都世近則託形以傳。世遠則託聲以傳耳。曹弗。  
興衛協輩妙跡永絕。獨名稱至今。則千載以上。



論極精確

畫學心法卷三  
有耳而目之者矣。薛稷之鶴。曹霸之馬。王宰之山水。故擅國能卽不擅國。能有甫之詩。歌自足。千古雖謂紙素之壽。壽於金石可也。神安得去乎。君畫初學馬文璧。後出入黃子久。王叔明倪元鎮。吳仲圭。無不肖似。而世尤好其爲子久者。  
攤燭作畫。正如隔簾看月。隔水看花。意在遠近之間。亦文章法也。



如此真得  
秋景之神  
非畫家筆  
墨所能到

畫秋景唯楚客宋玉最工。寥慄兮若在遠行。登山臨水兮送將歸。無一語及秋。而難狀之景。都在語外。唐人極力摹寫。猶是子瞻所謂寫畫論形似作詩。必此詩者耳。韋蘇州落葉滿空山。王右丞渡頭餘落日。差足嗣響。因畫秋林及之。古人詩語之妙。有不可與冊子參者。唯當境方知之。長沙兩岸皆山。予以牙檣游行其中。望之地。皆作金色。因憶水碧沙明之語。又自岳州順



親歷其境  
方知古人  
詩語之妙

畫石用皴  
方顯石之  
妙處如徒  
事匡廬有

言學心印卷三  
三  
流而下。絕無高山。至九江則匡廬兀突出。檣帆  
外。因憶孟襄陽所謂挂席幾千里。名山都未逢。  
泊舟潯陽郭。始見香爐峰。真人語千載。不可復  
值也。

道君皇帝以積墨寫石。凡有六品。後敷文學士  
小米跋于海岳菴中。不似人間鉤勒法也。然石  
田翁則云。畫石須用皴。如寫大山。則隼永有味。  
漢陽先生嗜石。不減米顛。生平畫石甚多。獨此



何趣味

畫園亭石  
須將透漏  
二字參悟  
始足盡畫  
石之訣

卷悉摹宣和所藏宣和一生寶石皆爲胡騎輦  
入黃沙白草此石出漢陽不知流傳幾千百年  
信乎翰墨之權真堪與萬乘埒也

昔人評石之奇曰透曰漏吾以知畫石之訣亦  
畫此矣趙文敏嘗爲飛白石又嘗爲卷雲石又  
爲馬牙鉤石此三種足盡石之變孫漢陽推其  
意爲此冊若使米公見堪僕僕下拜  
古人遠矣曹弗興吳道子近世人耳猶不復見



古大家各有精詣須  
博覽其妙自然識見  
超越足以權衡今古

一筆况顧陸之徒其可得見之哉是故論畫當  
以目見者爲準若遠指古人曰此顧也此陸也  
不獨欺人實自欺耳故言山水則當以李成范  
寬花果則趙昌王友花竹翎毛徐熙黃筌崔順  
之馬則韓幹李伯時牛則厲范二道士仙佛則  
孫太古神怪則石恪猫犬則何尊師周炤得此  
數家已得奇妙士大夫家或有收其妙迹者價  
已千金矣何事求太古之上耳目之所不及者



卽此數則  
已有無窮  
妙景

哉

氣○霽○地○表○雲○歛○天○末○洞○庭○始○波○木○葉○微○脫○春○草○  
碧○色○春○水○綠○波○送○君○南○浦○傷○如○之○何○四○更○山○吐○  
月○殘○夜○水○明○樓○海○風○吹○不○斷○江○月○照○還○空○宋○畫○  
院○各○有○試○日○思○陵○嘗○自○出○新○意○以○品○畫○師○余○欲○  
以○此○數○則○徵○名○手○圖○小○景○然○少○陵○無○人○謫○仙○死○  
文○沈○之○後○廣○陵○散○絕○矣○奈○何○

潘子輩學余畫視余更工然皴法三昧不可與



語也。畫有六法。若其氣韻必在生知轉工轉遠。吾家有董源龍宿郊民圖。不知所取何義。大都簞壺迎師之意。蓋宋藝祖下江南時所進御者。畫甚奇名。則諂矣。

向見趙仲  
穆臨本骨  
格神韻無  
美不臻真

董北苑蜀江圖。瀟湘圖。皆在吾家。筆法如出二手。又所藏北苑畫數幅。無復同者可稱。畫中龍張擇端清明上河圖。皆南宋時追摹汴京景物。有西方美人之思。筆法纖細。亦近李昭道。惜骨



有山藍之  
美

力乏耳

王叔明爲趙吳興甥其畫皆摹唐宋高品若董  
巨李范王維備能似之若於刻畫之工元季當  
爲第一

高尙書不  
師北苑鳥  
能夢見南  
宮耶

高彥敬尙書畫在逸品之列雖學米氏父子乃  
遠宗吾家北苑而降格爲墨戲者

倪迂在勝國時以詩畫名世其自標置不在黃  
公望王叔明下有云我此畫深得荆關遺意非



王蒙輩所能夢見也。然定其品當稱逸格。蓋米襄陽趙大年一派耳。於黃王真伯仲不虛也。

畫譜不載司馬君實。予曾見其畫大類營邱。有小米作一幅配之。宋人題款甚多。因思古人自不可盡其伎倆。

雲林迂癖  
性成概可  
想見

倪雲林生平不畫人物。惟龍門僧一幅有之。亦罕用圖書。惟荆蠻民一印者。其畫遂名荆蠻民。今藏余家。雪有華溪。勝國時人多寫華溪漁隱。



元之趙集  
賢高房山  
與倪黃吳  
王皆在伯  
仲間不能  
軒輊也

蓋是趙承旨倡之王叔明是趙家甥故亦作數  
幅今皆爲余所藏余每欲買山雪上作桃源人  
以應畫識

黃子久畫以余所見不下三十幅要之浮巒暖  
翠爲第一恨景碎耳

趙集賢畫爲元人冠冕獨推重高彥敬如後生  
事名宿而倪迂題黃子久畫云雖不能夢見房  
山特有筆意則高尙書之品幾與吳興埒矣高



雲林畫天  
真幽淡脫  
盡縱橫習  
氣爲元季  
之冠人皆  
宗北苑迂  
老崛強故  
作荆關欲  
立異以傲  
諸公耳

乃一生學米有不及無過也

張伯雨題元鎮畫云無畫史縱橫習氣余家有  
六幅又其自題獅子林圖云予與趙君善長商  
確作獅子林圖真得荆關遺意非王蒙輩所能  
夢見也其高自標置如此又顧謹中題倪畫云  
初以董源爲宗及乎晚年畫益精詣而書法漫  
矣蓋倪迂書絕工緻晚年乃失之而聚精於畫  
一變古法以天真幽淡爲宗要亦所謂漸老漸



大年尙有  
無書之誚  
而况庸史  
耶讀此真  
欲令人擱  
筆

熟者若不從北苑築基不容易到耳縱橫習氣  
卽黃子久未能斷幽淡兩言則趙吳興猶遜迂  
翁其胸次自別也

昔人評大年畫謂得胸中着萬卷書更奇又大  
年以宋宗室不得遠遊每朝陵回得寫胸中邱  
壑不行萬里路不讀萬卷書欲作畫祖其可得  
乎此在吾曹勉之無望庸史矣

論皴法附

明  
陳繼儒



諸家皴法  
各有門庭  
不能相混

皴法董元麻皮皴范寬雨點皴俗云芝蔴皴李將軍

小斧劈皴李唐大斧劈皴巨然短筆麻皮皴江

貫道師巨然泥裏拔釘皴夏圭師李唐米元暉

拖泥帶水皴先以水筆皴後却用墨筆



得勢爲作  
畫第一緊  
要

論畫

明趙左

畫山水大幅務以得勢爲主山得勢雖縈紆高  
下氣脈仍是貫串林木得勢雖參差向背不同  
而各自條暢石得勢雖奇怪而不失理卽平常  
亦不爲庸山坡得勢雖交錯而自不繁亂何則  
以其理然也而皴擦勾斫分披糾合之法卽在  
理勢之中至於野橋村落樓觀舟車人物屋宇  
全在想其形勢之可安頓處可隱藏處可點綴



觀此足見  
良工苦心  
不肯一毫  
苟且

實者虛之  
虛者實之  
全在用意  
構思方能  
邱壑靈奇  
不同尋常

處先以朽筆爲之復詳玩似不可易者然後落  
墨方有意味如遠樹要模糊襯樹要體貼蓋取  
其掩映連絡也其輕煙遠渚碎石幽溪疏筠蔓  
草之類初不過因意添設而已爲煙嵐雲岫必  
要照映山之前後左右令其起處至結處雖有  
斷續仍與山勢合一而不渙散則山不爲煙雲  
掩矣藏畜水口安置路徑宜隱現參半使紆迴  
而接山之血脈總之章法不用意構思一味填



位置

取勢之法  
純乎運實  
於虛非筆  
墨畦徑所  
得而拘也

塞是補衲也。焉能出人意表哉。所貴乎取勢布  
景者。合而觀之。若一氣呵成。徐玩之又神理湊  
合。乃爲高手。然而取勢之法。又甚活潑。未可拘  
攣。若非用筆用墨之高韻。又非多閱古蹟。及天  
資高邁者。未易語也。







古人成家  
立名自有  
數十年功  
力淺學焉  
能夢見

西廬畫跋

王時敏

畫雖一藝○古人於此○冥心搜討○慘淡經營○必功  
參造化○思接混茫○迺能垂千秋○而開後學○原其  
流派○所自各有淵源○如宋之李郭○皆本荆關元  
之四大家○悉宗董巨○是也○近世攻畫者○如林莫  
不人推白眉○自誇巨手○然多追逐時好○鮮知古  
學○卽有知而慕之者○有志倣倣○無奈習氣深錮  
筆不從心者○多矣○間有傑出之英靈○心妙解力



形神俱得  
方爲純詣

先生傾倒  
石谷如此  
足見先輩  
之虛心好  
古非近今  
人所能及

追○古○法○亦○不○過○專○學○幾○家○豈○能○於○歷○代○諸○名○蹟○  
盡○得○其○闡○奧○且○形○似○者○神○或○不○全○神○具○者○形○多○  
未○肖○求○其○筆○墨○逼○真○形○神○俱○似○羅○古○人○於○尺○幅○  
萃○眾○美○於○筆○下○者○五○百○年○來○從○未○之○見○惟○吾○石○  
谷○一○人○而○已○石○谷○天○資○靈○秀○固○自○胎○性○帶○來○其○  
於○畫○學○取○精○去○粕○研○深○入○微○見○解○與○時○流○迥○別○  
又○謁○毘○陵○者○累○年○於○唐○孔○明○先○生○所○編○觀○名○蹟○  
磨○礱○浸○灌○刊○精○竭○思○窠○白○盡○脫○而○復○意○動○天○機○



臨古之功  
耕煙翁爲  
當代第一  
非諸家所  
能望其涯  
涘

石谷功力  
先生如此  
表揚可謂  
不遺餘力

神○合○自○然○猶○如○禪○者○徹○悟○到○家○一○了○百○了○所○謂○  
一○超○直○入○如○來○地○非○一○知○半○解○者○所○能○望○其○塵○  
影○也○近○過○敝○廬○爲○余○作○雪○圖○長○卷○兼○用○右○丞○營○  
邱○法○其○行○筆○布○置○瑰○麗○高○寒○各○極○其○致○宛○然○天○  
造○地○設○不○能○增○減○一○筆○而○皴○擦○勾○斫○渲○染○開○闔○  
之○法○無○一○不○得○古○人○神○髓○昔○人○謂○昌○黎○文○少○陵○  
詩○無○一○字○無○出○處○今○石○谷○之○畫○亦○然○蓋○其○學○富○  
力○深○遂○與○俱○化○心○思○所○至○左○右○逢○源○不○待○倣○摹○



先生好古  
情深愛才  
若渴讀此  
令人嚮往

而○古○人○神○韻○自○然○湊○泊○筆○端○者○要○皆○元○本○之○功○  
耳○余○於○畫○道○有○癖○嗜○顧○以○資○質○鈍○劣○又○嬰○物○務○  
不○能○懇○習○迄○以○無○成○生○平○所○交○畫○友○數○輩○亦○多○  
未○脫○時○趨○意○謂○風○尚○止○此○不○圖○疲○暮○之○年○得○遇○  
石○谷○且○親○見○其○盤○礴○如○古○人○忽○復○現○前○詎○非○大○  
幸○然○猶○恨○相○遇○之○晚○不○能○不○致○歎○於○壯○盛○之○緣○  
慳○也○自○慚○椎○魯○無○文○於○妙○繪○神○奇○未○能○罄○揄○萬○  
一○聊○識○古○法○源○委○并○我○兩○人○定○交○因○緣○以○見○絕○



藝固自有真。且以訂歲寒之盟云耳。

右丞江山霽雪圖。爲馮大司成舊藏者。後歸新安程季白。余昔年京邸。與程連牆朝夕過從。時得展玩。迄今三十餘年。不知此圖屬之誰氏。自分此生。已不復再覲矣。前歲偶過沈伊在齋頭。見石谷所作雪卷。寒林積素。江村寥落。一一皆如真境。宛然輞川筆法。蓋因淵思兼得神解於古人。同鼻孔出氣。下筆自然契合。無待規摹。昔



惟右丞畫  
足以當之

人評右丞畫雲峰石色迴出天機筆意縱橫參  
乎造化以題此卷亦復何忝余實愛慕未能暫  
釋諸懷顧以日久漸忘不無悵悵今伊在同余  
爲廣陵之游携至舟中復得縱觀累日追憶右  
丞眞蹟宛在心目煥若神明頓還舊觀詎非殘  
年大幸因書其後聊以志快若伊在石谷筆精  
墨妙埴篴競爽作家相遇故宜其拋撒乃爾又  
不必贅論矣



石谷少負盛名又復悉心探討閱一時即有一時進境其造就真不可限量

石谷畫道甲天下鑒賞家定論久歸然余比年每見其新作必詫爲登峰造極無以復加及繼見則又過之未知將來所詣果何底止昔柳子論觀文謂如懸衡增之銖兩則俯反是則仰欲令吾俯莫若增重其文苟增之不已將懼吾首至地余觀石谷畫亦然石谷日進乎技一樹一石無不與諸古人血脈貫通如子久逸韻出塵學者僅能摹其郛廓乃獨奪神挾髓使之重開



向藏耕煙  
倣江貫道  
巨幀蒼渾  
沈着墨氣  
濃厚深得  
巨然神髓  
迥出貫道  
規格之外

生面尤非時流可幾萬一余展玩服膺不覺弛  
氣懣墨豈但首之至地也哉

江貫道專師巨然其皴法不甚用筆而以墨氣  
濃淡渲運為主鄧公壽作畫繼在巖穴上士之  
列爲南宋第一名家石谷此圖林麓映帶峰嶺  
紆迴皴染位置悉得巨然三昧雖規模貫道而  
取精去粕遠出於藍自非於逸園有殉知之合  
何以得此歎羨歎羨



辛酉春於  
澠城得石  
谷倣山樵  
紙本中幅  
山石用卷  
雲解索皴  
離披零亂  
不可端倪  
景極幽闊  
蒼莽之趣  
溢於紙素  
正石谷畫  
境入妙時  
也

石○谷○此○圖○雖○倣○山○樵○而○用○筆○措○思○全○以○右○丞○爲○  
宗○故○風○骨○高○奇○迥○出○山○樵○規○格○之○外○春○晚○過○婁○  
携○以○見○眎○余○初○欲○留○之○知○其○意○頗○自○珍○不○忍○遽○  
奪○每○爲○悵○悵○然○余○時○方○苦○嗽○得○飽○玩○累○日○霍○然○  
失○病○所○在○始○知○昔○人○檄○愈○頭○風○良○不○虛○也○  
宣○和○主○人○於○萬○幾○之○下○游○戲○丹○青○山○水○樹○石○外○  
間○作○花○鳥○蟲○魚○用○以○寫○生○適○興○其○措○意○用○筆○處○  
往○往○迥○出○天○機○超○然○塵○表○絕○非○尋○常○畦○迕○可○及○



張僧繇畫  
神奇超妙  
脫盡筆墨  
蹊徑爲古  
今獨絕楊  
昇畫想從  
僧繇得來  
猶王洽之  
後有米老  
也

筆墨兼擅  
方臻妙境

此江渚秋晴卷純倣楊昇不多用筆全以色渲  
染成圖疏爽高奇如三代彝鼎照人洵稱希世  
之寶舊爲余所購藏後歸虞山宗伯旣聞遭鬱  
攸之厄時復悵然於懷不意石谷乃能追意臨  
摹不爽毫髮過婁携以見眎反覆披翫煥若神  
明頓還舊觀歡喜不能釋手惜原本先爲六丁  
取去弗獲爲延津雙龍之合耳  
畫不在形似有筆妙而墨不妙者有墨妙而筆



學者須領  
取此中微  
妙自然出  
人頭地

向藏石谷  
倣趙榮祿  
絹本大幀  
高華工麗  
真得文敏  
法外之趣

不○妙○者○能○得○此○中○三○昧○方○是○作○家○此○圖○爲○孔○明○  
先○生○作○峰○巒○樹○石○大○率○規○模○承○旨○然○趙○於○古○法○  
中○以○高○華○工○麗○爲○元○畫○之○冠○此○尤○以○淡○逸○見○奇○  
筆○墨○兼○妙○從○董○巨○伐○毛○洗○髓○得○來○故○於○倣○古○皆○  
能○超○軼○其○上○非○獨○承○旨○此○圖○亦○一○證○也○蓋○與○孔○  
明○投○契○最○深○實○有○殉○知○之○合○不○然○何○以○拋○撒○逗○  
漏○至○此○

昔董文敏嘗爲余言子久畫冠元四家得其斷



癡翁畫境  
學者能融  
會毫端筆  
墨自然登  
峰造極

畫學心印卷三  
三  
楮殘縑不啻吉光片羽而生平所最合作尤莫  
如富春山卷蓋以神韻超軼體備眾法又能脫  
化渾融不落筆墨畦徑故非人所企及此誠藝  
林飛仙迴出塵埃之外者也余二十年前過荆  
溪一鉅公拉同往延陵氏請觀以遄歸弗果旣  
聞此卷有爨桐之厄幸而所損無多復爲精鑒  
者購藏益信有神物呵護一江帶隔不能鼓枻  
往觀然殘年猶作妄想庶幾旦暮遇之去冬吾



向見石谷  
摹子久畫  
冊一幀筆  
情古淡深  
得癡翁神  
髓却與二  
王規格不  
同

友陸子桴亭歸自毘陵云見石谷子臨摹一卷  
神采覺異常筆因思石谷於宋元名蹟摹倣無  
不奪真子久猶其所深詣定知煥若神明頓還  
舊觀不敢望見真跡見此摹卷足矣中心卷卷  
然如饑渴之於飲食欲須臾忘而不可得適石  
谷再過小齋并携孔老照老二跋見眎益令人  
振觸豔羨營魄回皇不能自己雖石谷許以別  
摹貽贈然渠應酬紛遑食息不皇安得有干手



舊藏奉常  
翁倣大年  
湖鄉清夏  
橫冊境界  
空靈氣味  
渾古想卽  
從此圖得  
來

眼以慰余夢寐之求耶兩卷余皆未得寓目特  
紀平日積慕與無緣披觀始末以堅石谷息壤  
之盟焉耳

余家藏趙大年湖鄉清夏圖柳汀竹嶼茅舍漁  
舟種種天趣非南渡後人可及石谷此圖彷彿  
相似而清遠疏朗過之洵稱冰寒於水

書畫之道以時代爲盛衰故鍾王妙蹟歷世罕  
逮董巨逸軌後學競宗固山川毓秀亦一時風



思翁紹倪  
黃絕詣真  
有開來繼  
往之功

南北兩宗  
自古相爲  
柄鑿石谷  
融化毫端

氣使然也唐宋以後畫家正脈自元季四大家  
趙承旨外吾吳沈文唐仇以泉董文敏雖用筆  
各殊皆刻意師古實同鼻孔出氣邇來畫道衰  
熸古法漸湮人多自出新意謬種流傳遂至衰  
詭不可救挽乃有石谷起而振之凡唐宋元諸  
名家無不摹倣逼肖偶一點染展卷卽古色蒼  
然毋論位置蹊徑宛然古人而筆墨神韻一一  
尋真且倣某家則全是某家不雜一他筆使非



集其大成  
真不愧爲  
畫聖

知己難逢  
古今同慨

題款雖善鑑者不能辨此尤前此未有卽沈文  
諸公亦所不及者也余嘗謂石谷惜生稍晚不  
及遇文敏公使公見之不知如何擊節嘆賞石  
谷亦自恨無緣時爲惘惘今此卷雲煙滅沒林  
木鬱森全從營邱巨然得筆而兼燕文貴之景  
物萬變尤稱生平合作今秋將赴櫟園少司農  
之招欲卽用爲贄因出以示余而屬爲標置蓋  
櫟翁風流博雅爲士夫之宗精鑒之祖其於石



古人云人生得一知己可以無憾  
櫟翁真石谷知己也

谷相慕甚殷一見訴合固不待言而石谷感遇  
殉知殫其靈心妙指爲清閼几席之供者環異  
更不可數計所謂得夫子而名益彰也初卽不  
遇文敏今得遇司農已足快平生矣又何生不  
逢時之慨哉

石谷此圖爲以韜張君飛鶴來庭而作其林木  
蒨蔥峰巒峭拔儼然伯駒仙山樓閣圖而秀逸  
過之令觀者有飄飄霞外之思蓋鶴者仙禽其



向見松年  
畫冊筆墨  
工雅色澤  
妍麗允爲  
南宋大家  
惟逸韻不

九臯之響萬里之心正與以韜貞姿遠性互相  
吸引故宜翩然來下依止軒墀而又得石谷以  
神妙之筆繪成長卷雲氣滂溢其間他日挾之  
遨遊八極當如蘇公駕鶴往來更無待僧繇畫  
龍點睛矣

松年畫秀美絕倫然猶未脫蹊徑一入石谷手  
便超逸高妙乃爾此真藝林絕致古今罕二安  
得不令人傾心嘆服哉特題其端以識獲觀之



足由其落  
筆不超也

幸

奉常翁畫  
一點一拂

元季四大家皆宗董巨穠纖澹遠各極其致惟  
子久神明變化不拘拘守其師法每見其布景  
用筆於渾厚中仍饒逋峭蒼莽中轉見娟妍纖  
細而氣益閎填塞而境愈廓意味無窮故學者  
罕窺其津涉獨石谷妙在神髓不徒以神似爲  
能尤非餘子可及然子久真蹟余平生所見幾  
及二十餘幀家藏亦有三四今皆散佚無存猶



皆從癡翁  
神韻中來  
由其研求  
於平日者  
深故流露  
於腕下者  
肖也四王  
雖同摹大  
癡獨西廬  
可稱子久  
後身

畫境至此  
登峰造極  
足以睨癡  
翁傲白石

憶董文敏公云黃畫圖片紙尺璧畢竟以富春  
圖卷爲第一恨未之見數年前聞石谷爲晉陵  
唐氏臨寫一卷亦未得寓目但懸擬神韻題數  
語於別幅聊志羨慕之意舊冬石谷偶游潤州  
復爲在辛侍御對臨真本今將赴焦山度夏之  
約過婁話別因携此卷見眎始見其筆墨縱橫  
超逸入神有運斤成風之妙而總歸於平淡大  
癡二百年翻身出世作怪白石翁所以自況者



何論時史  
哉

徵○之○今○日○端○不○多○讓○余○殘○年○何○幸○獲○此○鉅○觀○雖○  
欣○羨○有○心○未○敢○輕○請○迺○蒙○石○谷○慨○許○舐○筆○兼○欲○  
索○侍○御○題○識○見○貽○聞○之○益○不○勝○狂○喜○侍○御○清○風○  
峻○節○砥○柱○頽○波○麗○藻○雄○文○主○盟○風○雅○余○皈○嚮○亦○  
已○有○年○顧○髦○衰○無○由○披○覲○今○邀○借○芬○茵○被○以○餘○  
光○詎○非○三○生○慶○快○而○石○谷○古○今○絕○藝○得○夫○子○而○  
名○益○彰○神○怡○務○閑○又○得○江○山○之○助○其○進○乎○技○者○  
正○不○知○所○止○長○夏○深○林○解○衣○盤礴○吾○知○息○壤○之○



盟未寒瓊枝之投有望矣

元四大家畫皆宗董巨其不爲法縛意超象外  
處總非時流所可企及而山樵尤脫化無垠元  
氣磅礴使學者莫能窺其涯涘故求肖似良難  
惟石谷深得其神髓尺幅巨幃無不亂真此卷  
爲高足荇文作凡林壑之開閤蔽虧煙雲之變  
幻滅沒寓法度於縱放之中得奇趣於筆墨之  
外山樵奇秘密藏指授已無餘蘊荇文得此心

筆墨如此  
已臻化境



摹手追行見黃鶴一燈近在虞山相續無盡詎  
非藝林快事耶書以志喜

石谷於畫道研深入微凡唐宋元名蹟已悉窮  
其精蘊集以大成聲名驚爆海內遠近丐求者  
戶外屨滿欲作鐵門限久矣近從鹿城舟次得  
快覩巨冊摹古共二十幀筆端變化於前喆神  
韻種種各極其致展玩迴環如探海藏如羅寶  
網不覺目眩魂搖但惜先有所歸不獲乞爲家



家藏石谷  
葑溪草堂  
卷長不滿  
四尺而布  
景之妙寫  
意之工一  
一與此圖  
脗合真晚

秘朝夕坐卧其間猶不勝悵惘耳

石谷畫囊括古人凌軼近代聲名震爆海內無  
待縷述也久矣邇日過婁携一巨卷高尺有咫  
而長則數十倍之乃爲高弟西園作者初猶秘  
不示人既從其篋中搜得纔一展觀便覺煙雲  
滿紙其間雲巒層疊林木盤紆蒼蔚蒙茸恍迷  
出入而尋源挾奧飛泉曲磴厯厯分明且皴斫  
拘點諸法具備變幻無窮一以高古莽蒼爲主



年神妙之  
蹟不易得  
見也

總之化機在乎元氣淋漓合荆關董巨爲一益  
有不期然而自然者真極藝苑之能事爲畫禪  
之大觀也吳中自文沈唐仇之後有石谷子畫  
道始樹正鵠及門者英俊輩出爭奇競爽今又  
有此卷爲矜式使學者知所嚮方將來虞山一  
隅筆墨之盛正未知所止余衰耄殘年猶及見  
之可勝慶幸

吳門自白石翁文唐兩公時唐宋元名蹟尙富



明中葉時  
吳門畫道  
最盛文沈  
從沙彌神  
韻中來唐  
則專師李  
晞古倪黃  
一派至董  
思翁獨得  
心傳此畫  
品之所以  
高出前人  
上也

鑒賞盤礴與之血戰觀其點染卽一樹一石皆有原本故畫道最盛自後名手輩出各有師承雖神韻浸衰矩度故在後有一二淺識者古法茫然妄以己意衒奇流傳謬種爲時所趨遂使前輩典型蕩然無存至今日而瀾倒益甚雲間董宗伯後亦云良可慨也虞山王子石谷天資旣高又師事廉州受正法眼藏規模古人遂得三昧茲偕廉州過訪請余盡出所藏宋元人畫



非於此中  
探討數十  
年者不能  
臻此境界

縱觀多有悟入能於筆墨之外抉摘其元妙尤  
爲時流所難將來精進未見其止此卷徧倣宋  
元諸家皆平日偶見名蹟蘊之胸中而驅之筆  
端者氣韻往往奪真眼之所見手輒隨之自是  
當今絕藝吳中畫道之衰端賴振起不獨稱雄  
一時矣可勝嘆服

丹青家具文秀之質而渾厚未足得遒勁之力  
而風韻不全至如石谷眾美畢具可謂毫髮無



遺恨矣此圖深沈澹遠元氣靈通尤稱合作良  
可寶也



染香庵跋畫

王鑑

約庵先生  
畫傳世極  
少余僅見  
小冊一頁  
與此論脗  
合因記於  
此

蘇州刺史張約庵先生書法山谷畫宗北苑得其三昧不拘拘形似也此幅爲程子餘中所圖樹石蒼潤筆墨遒美尤稱合作惜畫未竟而先生謝世餘中藏之笥中厯觀近時畫家皆不足相續一見石谷遂以屬之石谷曰吾學力未至姑緩之藏之又三年復舉以相示石谷笑曰可以承命矣乃澄心歛氣慘澹經營忽起奮筆竟

功夫到神



化時方能  
有此境界

日而就不啻如出一手今春余卧病半塘餘中  
携以見示謂余曰吾得此畫如獲天球且兩公  
爲吾點染亦異尋常非子爲之闡揚千古韻事  
幾於泯滅余謝不敏因思向年游秣陵見魏府  
收藏叔明雲林合作後至長安又見子久山樵  
合作渾然天成不可分別意謂先輩風流難乎  
其繼今得遇此頓還舊觀不意石谷之藝一至  
此極獨念白首時移故交零落約庵墓木已拱



名論不刊

此○余○之○所○以○悲○喜○交○集○者○也○餘○中○其○珍○藏○之○不○  
遇○法○眼○勿○以○輕○示○

畫○之○有○董○巨○如○書○之○有○鍾○王○舍○此○則○爲○外○道○惟○  
元○季○大○家○正○脈○相○傳○近○代○自○文○沈○思○翁○之○後○幾○  
作○廣○陵○散○矣○獨○大○癡○一○派○吾○婁○煙○客○奉○常○深○得○  
三○昧○意○此○外○無○人○客○冬○遇○王○子○石○谷○沈○子○伊○在○  
於○金○閨○得○觀○所○作○俱○師○子○久○而○各○有○出○藍○之○妙○  
不○啻○如○朝○彩○敵○夜○光○令○人○應○接○不○暇○也○此○卷○乃○



庚午春於  
京邸得廉  
州倣梅道  
人溪亭秋  
色中幅石  
谷題爲墨  
氣蒼潤直  
逼董巨南  
田翁以爲  
定論余以

石谷一夕所成以贈伊在者余見其筆法道美  
元氣淋漓愛之不忍去手幾欲學米顛據船無  
賴但非所以待知己爲題數語而歸之  
人見佳山水輒曰如畫見善丹青輒曰逼真則  
知形影無定法真假無滯趣惟在妙悟人得之  
不爾雖工未爲上乘也故論畫者有神品妙品  
之別有大家名家之殊絲毫弗爽也成宏間吳  
中翰墨甲天下推名家者惟文沈仇唐諸公爲



無意得之  
而春明賞  
鑒家均極  
艷羨此幀  
計與余周  
旋蓋十年  
於茲矣

揜前絕後邇來弧矢價高文章氣濁所謂筆底  
煙霞胸中邱壑蓋百千人僅一見吳門一雲沈  
子虞山石谷王子皆從余游沈子爲白石翁後  
人王子爲大癡鄉晚兩人俱靈心妙腕相得甚  
歡相益非淺今觀石谷所贈一雲長卷煙嵐變  
幻林阜蕭瑟巨然在焉呼之欲出矣昔白陽罄  
室同出待詔之門名滿江左余自愧弗及文翁  
二子迥高出於陳錢之上師不必賢於弟子信



此冊於亂  
後得之係  
絹本筆墨  
瀟灑傲宋  
元各家均  
臻妙境

然哉。因題數語以志自幸。歲在庚子小春既望。  
婁東友人王鑑漫跋。

吾郡畫家文沈後幾作廣陵散矣。近時畫道最  
盛。頗知南宗正脈。但未免過於精工。所乏自然  
之致。余此冊雖不能夢見古人。幸無縱橫習氣  
耳。




畫學心印卷三

男鳳墀校字









































ND  
1042  
7C6  
1577  
0.4

畫學心印

卷四

梁溪

秦祖永

評輯

畫訣

明龔賢

剖晰精妙

學畫先畫樹後畫石畫石外爲輪廓內爲石紋石紋之後方用皴法石紋者皴之現者也皴法者石紋之渾者也

此卽陰陽向背畫法

畫石筆法亦與畫樹同中有轉折處勿露稜角畫石塊上白下黑白者陽也黑者陰也石面多



不方不圓  
畫石妙諦

畫石得此  
意自然能  
分三面

平。故白。上承日月照臨。故白石旁多紋。或草苔  
所積。或不日月爲伏陰。故黑。  
石最忌蠻。亦不宜巧。巧近小方。蠻無所取。  
石不宜方。方近板。更不宜圓。圓爲何物。妙在不  
方。不圓之間。  
石必一叢數塊。大石間小石。然須聯絡面宜一  
向。卽不一向。亦宜大小顧盼。  
石下宜平。或在水中。或從土出。要有着落。今人



切中畫家  
之病

畫石皆若倒懸可笑可笑。

石有面有肩有足有腹亦如人之俯仰坐卧豈獨樹則然乎。

畫樹易畫石難樹有體段石無端倪石自石而

山自山今人作畫樹下轉似山山頭轉似石

石有背面面多皴背不宜多皴惟屋亦然景在

下面朝我景在上面朝外石亦然。

石面有似平臺者然平臺者卽破山也山倒去



今人作畫  
全不講究  
皴法所由  
攻苦一生  
未能入妙

半邊卽成平臺故作色平臺面染綠苔草色也  
旁染赭色倒去沙土色也

初畫高手亦自可觀畫至數十年後其好處在  
何處分別其顯而易見者皴法也皴法名色甚  
多惟披麻豆瓣小斧擘爲正經其餘卷雲牛毛  
鐵線鬼面解索皆旁門外道耳大斧擘是北派  
戴文進吳小僊蔣三松多用之吳人皆謂不入  
賞鑑刺梨皴卽豆瓣皴之變巨然常用此法



學者此等  
處須要細  
心探討

須靈活流  
走不可板

山頭宜分土石。或石戴土。或土戴石。所以欲分  
者。辨深淺耳。深山大壑。純用石。山不妨若淺水  
沙灘。不妨用土。山耳。土山下。不妨用小石爲脚。  
大山內亦宜用土。山爲肉。純用石。恐無煙雲縹  
緲之態耳。

學畫先畫樹起。畫樹先畫枯樹起。畫樹身好。然  
後點葉。

樹身中直。皴數筆。謂之樹皮。根下濶處。白處補。



一點兩點。謂之樹根。

四筆卽成樹身。以後卽添枝。身向左則枝皆向  
右。左枝多。右枝少。若向右樹反此。

四筆之曲直。視一筆之曲直。但上狹而下稍寬  
耳。

續三筆而直下。合一筆爲樹身。

合二筆之半。自上而下爲右枝。自左而右卽轉  
而上。共一筆也。



轉折貴乎  
渾融如露  
稜角最易  
傷韻

送筆宜體  
此意不可  
苟且

二筆左半。合一筆之杪。爲左杈。

自上而下。上銳下立。中宜轉折。然轉折在中半。

之上。轉折處。勿露稜角。惟用中鋒。自無芒刺。

凡向左枝。皆自上而下。向右枝。皆自下而上。此。

自然之理。卽欲反畫。亦不順手。

向右樹。第一筆自上而下。又折上折上。謂之送。

送筆。宜圓。若偏鋒。卽扁筆矣。

向左樹。先身後枝。向右樹。先枝後身。



如此方有  
體勢

此即變化  
錯綜之法  
可以類推

向左樹大枝向  
右向  
右樹大枝向  
左亦有變體  
卽不論

向  
右樹一筆卽  
分了  
分了  
處勿結  
凡自  
上而下  
自左而右者  
謂之走筆

一株獨立者  
其樹必作態  
下覆式居多

二株一叢必  
一俯一仰  
一欹一直  
一向左一向

右一有根一  
無根一平頭  
一銳頭二根  
一高一

下



畫樹串插  
不外此種

主樹客樹  
樹根樹杪  
須要如此  
講究

古云三樹一叢。第一株爲主樹。第二樹三樹爲客樹。或問何以爲主樹。曰根在下者爲主樹。主樹近樹也。三株或四株一叢。一樹二樹相近。則三樹四樹必稍遠。謂之破式。主樹欹。客樹直。主樹直。則客樹不得反欹矣。

主樹根在下。則樹杪不得高出客樹之上。主樹多欹者。所以讓客樹之直也。

大叢中不妨添小樹直立。如孔門弟子冠者中。



如此穿插  
顧盼有情

雜立童子也。

一樹二樹相近直立。則枝宜橫出頂上。

一樹向前。則二樹向後。中添小樹。則兩向雖向  
前者。必顧後。向後者。必應前。

亦有羣樹一向。謂之變體。偶一爲之。不可多作  
也。

三樹一叢。一樹有根。則二樹無根。

添葉一樹一色。葉子不可雷同。五樹之下。雜以



如此點葉  
方無板滯  
重複之病

變體十樹之外不妨雷同。

四樹一叢添葉式。此四樹一叢三樹相近一

樹稍遠添葉子。最要濃濃澹澹始有分別且其中要一縱一橫如扁點橫也下垂葉縱也縱者直也半菊頭縱之類松鍼葉橫之類不縱不橫夾圈圓點子也。

六樹一叢大叢九樹小叢三樹六樹中叢也六樹六色葉子不可雷同。



林木得如此點綴自然時序分明

無葉謂之寒林。數點謂之初冬。葉稀謂之深秋。一徧點謂之秋林。積墨謂之茂林。小點著於樹杪。謂之春林。

平橋兩面俱見者。其面必狹。

空者爲亭。實者爲團瓢。

畫屋有正有旁。正爲堂。旁爲舍。不得倒置。

畫屋要設以身處其地。令人見之。皆可入也。

橋有面背。面見於西上。則背見於東下。往往有

畫中堂舍  
最要講究

畫橋面背  
須要留心



不可大意

如此布置  
山水林木  
倍覺生色

畫反者大謬也。小橋平橋不必著欄。高橋危橋不可不著欄。

亭子有三足者。四足者。其常也。亦有多至八九柱者。有四面者。六面者。八面者。

凡安寺觀大小亦宜視山之深淺。林之厚薄。設橋亦然。小橋板橋止可設於平灘沙水之際。深山大澤須用石橋。樓臺宜聳出松楸林木之外。然亦須襯貼大石橋邊必有古寺。



畫屋須熨  
貼流走自  
無呆板之  
病

此等處顯  
而易見亦  
不可大意

樓閣第二層宜淺

畫屋固不宜板然須端正若欹斜使人望之不  
安看者不安則畫亦不靜樹石安置尙宜妥貼  
况屋子乎

亭子宜著高爽處在下之亭必矮而濶中多柱  
凡畫風帆或其下有水草蘆葦楊柳之屬皆宜  
順風若帆向東而草頭樹杪皆向西謂之背戾  
乃畫家之大忌



畫法不外  
乎理此最  
有斟酌

此畫船布  
置法自無  
停勻板滯  
之病  
泉不得勢  
便成死水

大船著桅宜在中。小船著竿子在前半。見有著  
於船頭者。非是也。篷索遠則不見。然不畫出。又  
無勢止得畫一根。遠不見人手持之處。其人隱  
於稍篷內。卽不見也。  
遠帆宜短。又是一法。  
如三船同行。一船獨二船稍近。三船均停擺去。  
可笑也。

畫泉宜得勢。聞之似有聲。卽在古人畫中見過。



穩字須要  
細心體味

摹臨過亦須看真景始得

畫石宜穩。今人畫石。不管著落何地。或著水如  
在水中。或著土。如在土上。今人常畫一尖倒垂  
似懸而無所依附。可笑也可嘆也。

大石間小石染墨。小石宜黑。大石宜白。

松葉宜厚。

畫松平頂多於直頂。

畫松正與畫柳相反。畫柳從下分枝。畫松枝在

松宜端正  
蒼鬱柳宜



欹斜生動  
本此畫法  
自然各極  
其妙

園亭小景  
須點綴一  
二塊玲瓏  
石殊有生  
趣

樹杪柳枝向上。松枝兩分。畫柳根多。畫松根少。  
松宜直。柳宜欹。松鍼宜平。

玲瓏石最忌瑣碎。瑣碎美人圖中物也。

玲瓏石宜在水邊。近日文沈圖中多畫此。

玲瓏石多置於書屋酒亭旁。大邱大壑中不宜。

著此。

柳欲身短而幹長。根宜遠引。宜出土。

畫柳最不易。余得之李長蘅。從余學者甚多。余



柳能如此  
着想自然  
生動盡致  
一切板滯  
之病掃除  
淨盡

曾未以此道示人今告昭昭曰畫柳若胸中存  
一畫柳想便不成柳矣何也幹未上而枝已垂  
一病也滿身皆小枝二病也幹不古而枝不弱  
三病也惟胸中先不著畫柳想畫成老樹隨意  
勾下數筆便得之矣  
俯螳螂枝最忌枝枝相似犯此謂之刻板耳惟  
用筆法卽無此病



古之畫上  
皆一時名  
流涵泳經  
史見識高  
明襟度灑  
落有蓬萊  
道山之丰  
俊故發為  
豪墨使人  
寶玩不真  
清渾二字  
為畫家入  
手大綱領

畫筌

筌重光

繪事之傳尚矣。代有名家。格因品殊。考厥生平。率多高士。凡為畫訣。散在藝林。六法六長。頗聞要略。然人非其人。畫難為畫。師心踵習。迄無得焉。聊摭所見。輯以成篇。纖計小談。俟夫知者。繪流傳大都。高人韻士。寫其胸中。逸氣此言。人與畫合。真為定論。夫山川氣象。以渾為宗。林巒交割。以清為法。畫家最重章法。清渾二語。通體段落。始兩形勢。崇卑權衡。小大景色。遠近劑量。淺深得之。



起伏收放  
畫山妙用  
學者細心  
參之  
山背山均  
均有一定  
畫法不可  
輕忽

山之旁脇易寫正面難工山之腰脚易成峰頭  
難立主山正者客山低主山側者客山遠眾山  
拱伏主山始尊羣峰盤互祖峰乃厚土石交覆  
以增其高支隴勾連以成其濶一收復一放山  
漸開而勢轉一起又一伏山欲動而勢長起復  
括盡縱橫背不可覩仄其峰勢恍面陰崖均不  
可窺鬱其林叢如藏屋宇山分兩麓半寂半喧  
崖突垂膺有現有隱近阜下以承上有尊卑相



此爲邱壑  
參伍錯綜  
之法  
熟極而流  
方能有此

顧之情。遠山低以爲高。有主客異形之象。山頭山足  
俯仰。照顧有情。近峰遠峰。形狀勿令相犯。此章法要緊處。學者勿輕放過。危巖削立。  
全依遠岫爲屏。巨嶺橫開。還藉羣峰插笏。一抹  
而山勢迢遙。貴腹內陵阿之層轉。一峰而山形  
萃律。在嶺邊樹石之繽紛。數逕相通。或藏而或  
露。諸峰相望。或斷而或連。峰天矯以欲上。仰而  
瞰空。砂迤邐以同奔。俯而薄地。山從斷處而雲  
氣生。山到交時。而水口出。山脈之通。按其水徑。



境界

山色水光  
須悉心體  
味方能入  
妙  
江湖邨野  
諸景畫中  
點綴斷不  
可少

水道之達理其山形。水道乃山之血脈貫通處。水道不清則通幅滯塞所。當刻意地勢異而成路時爲夷險水性平而畫。研求者。沙未許欹斜。近山滌洞。每於邨邊石脚。遠沙迢。遞見之峰頂山腰。樹中有屋。屋後有山。山色時。多沈靄。石旁有沙。沙邊有水。水光自愛。空濛平。遠一派水陸有殊。江湖以沙岸蘆汀。帆檣鳬雁。刹竿樓櫓。戍壘漁罩。爲映帶邨野。以田廬籬徑。菰渚柳堤。茅店板橋。煙墟渡艇。爲鋪陳。畫中平。遠最難。



畫山布樹  
解此運用

作此分江湖邨野雨景晚景處卽是畫法  
景以趙大年爲宗江景則江燕諸公爲妙觀此  
點綴畫山本靜水流則動石本頑樹活則靈土  
法盡矣無全形石之巨細助其形石無全角石之左右  
藏其角土戴石而宜審重輕石壘石而應相表  
裏山水中畫石與尋常畫法不同須令土石渾  
成雖極奇險之致而位置天然方爲合格石之立勢正走勢則斜坪之正面平旁面則反  
半山交夾石爲齒牙平壘逶迤石爲膝趾山脊  
以石爲領脈之綱山腰用樹作藏身之幄山實



天然妙景  
自出

虛○之○以○煙○靄○山○虛○實○之○以○亭○臺○山○形○欲○轉○逆○其○  
勢○而○後○旋○樹○影○欲○高○低○其○餘○而○自○聳○山○面○陡○面○  
斜○莫○爲○兩○翼○樹○叢○高○叢○矮○少○作○並○肩○石○壁○巒○岼○  
一○帶○傾○欹○而○倚○盼○樹○枝○撐○攬○幾○株○向○背○而○紛○拏○  
橫○崖○泉○落○景○已○伏○而○忽○通○孤○嶂○石○飛○勢○將○墜○而○  
仍○綴○樹○排○蹤○以○衛○峽○石○頽○卧○以○障○虛○山○外○有○山○  
雖○斷○而○不○斷○樹○外○有○樹○似○連○而○非○連○  
此段言隱現斷續之  
妙○如○文○章○家○龍○門○榆○柳○茂○於○邨○舍○松○檜○鬱○乎○巖○  
敘○事○法○變○化○無○方○



巖樹參差  
布置方不  
板滯林木  
交柯章法  
益見靈警

畫樹透漏  
法真令人  
探索不盡

阿坡間之樹扶疏石上之枝偃蹇短樹參差忌  
排一片密林翳翳尤喜交柯密葉偶間枯槎頓  
添生致紐幹或生剝蝕愈見蒼顏枝綴葉而參  
伍錯綜弗生窒礙葉附枝而橫斜紆直欲使聯  
翩苑枯或因發葉之早遲舒屈多由引幹之老  
稚一本之穿插掩映還如一林一林之倚讓乘  
承宛同一本正標側杪勢以能透而生葉底花  
間影以善漏而豁透則形胠而似長漏則體肥



樹木枝柯  
條葉四時  
須有分別  
不可相混  
吳梅庵王  
友石沈石  
田往往有

而若瘦。作畫樹居其半。諸家畫法變態多種。不  
過為造化傳神。若非靜觀。難得其理。此  
段洗發曲盡元微。一本一林。透漏之法。畫樹  
祕要。前人所不傳。今於江上先生發之。令人玩  
索。不煙中之幹。如影月下之枝。無色雨葉。暗而  
淋漓。風枝亞而搖曳。木皮之膚理如生。蟠根之  
植立宜固。春條擢秀。夏木垂陰。霜枝葉零。寒柯  
枝瑣。表挺而修立。影互而成行。幽巖古枿。老狀  
離奇。片石疏叢。天真爛漫。山擁大塊。而虛腹木  
攢多種。而疏巔。眾沙交會。借叢樹以為深細路。



此小景

斜穿綴荒林而自遠沙如漂練分水勢而復羅  
邨勢樹若連柵圍山足而兼襯山巒沙邊水蕩  
偶借石防峰裏雲生還容樹影沙之交插處作  
樹有法惟癡翁  
最爲擅勝荒林細路  
南宋諸公妙景也  
林麓互錯路暗藏於山根  
巖谷遮藏境深隱於樹裏密樹憑山而根株迭  
露能令土石分明近山嵌樹而坡岸稍移便使  
柯條別異樹根無著因山勢之橫空峰頂不連  
以樹色之遙蔽峰稜孤側草樹爲羽毛坡脚平



樹要分根  
石須擘面  
其巧妙真  
不可思議

觀此樹石  
畫法大備  
學者須胸  
中渾化方  
能脫去町  
畦

斜石叢爲綴嵌樹惟巧於分根卽數株而地隔  
石若妙於擘面雖百笏而景殊妙在心傳石看  
三面有圭端刀錯玉尺銀瓶香案琴墩蟲窠魚  
砌覆盂欹帽缺斨蹲獸蚌殼螺軀鳥罩犀首之  
異狀須離象而求樹分單夾有散蝶聚蜂蛇驚  
鴉集雞翎燕翦珠綴冰凌竹个櫻團簾垂穗結  
飄縷簇角攢鍼疊紈之殊形貴相機而作形容  
之法不離此種種而其石有剝蘚之色土有膏  
妙處全在筆墨脫化



惟深於畫  
理者自有  
一定布置  
不同凡筆  
畫至神妙  
處隨手拈  
來頭頭是

澤之容樹勁則清水柔則秀麓拖沙而勢弔背  
隱樹而境深瀑亂瀉者源長巖倒懸者脚穩原  
巘交迴起空嵐而氣豁雲巖聳矗互脩坂而勢  
悠山巍脚遠水無近麓之情地廓邨遙樹少參  
天之勢山淺莫爲懸瀑樹大無作高山沙勢勿  
先成背峰頭而後定遠墅勿先作待山空而徐  
添懸坪疊石卽作山巒低岸交沙便成津浦瀨  
層層如浪捲石泛泛似漚浮衆水匯而成潭兩



道

通橋設路  
亦章法最  
緊要處

崖逼而爲瀑。濶狹因乎石。磧夷險視乎巖。梯無風而澗平。觸石而湍激。折瀏如傾沸。湧浪若騰。驤派流遠。近爲斷續之分。波紋有無。由起滅之異。水漲濶而沙岸全無。水煙浮而江湖半失。平波之行。筆容與激湍之運。腕回旋浪花迅捲而筆繁。濤勢高掀而筆蕩。山隔兩岸。樹欹斜而援引。水分雙岸。橋蜿蜒以交通。五代北宋諸公多工畫水。溪澗江湖畫法迴異。玩此不特取勢之法。明析無餘。而運筆之妙。發揮略盡。布局觀乎縑。



縱橫聚散  
全在心得  
非成法可  
拘

此中微妙  
耐人尋味

楮命意寓於規程統於一而締構不勞審所之  
而開闔有準尺幅小山水宜寬尺幅寬邱壑宜  
緊卷之上下隱截巒垠幅之左右吐吞巖樹一  
縱一橫會取山形樹影有結有散應知境闢神  
開畫法不離縱橫聚散四字巧在善留全形具  
而妨於湊合圓因用閃正勢列而失其機神眼  
中景現要用急迫筆底意窮須從別引二語畫  
禪元要  
也知其解者偶爾天成加以人工而或損此中  
旦暮遇之



所謂意在  
筆先胸有  
把握

佳○致○移○之○彼○處○而○多○違○理○路○之○清○由○低○近○而○高○  
遠○景○色○之○備○從○澹○簡○而○綢○繆○絜○小○以○成○鉅○心○欲○  
其○靜○完○少○以○布○多○眼○欲○其○明○目○中○有○山○始○可○作○  
樹○意○中○有○水○方○許○作○山○目中有山四句即所謂  
胸有成竹也今人作畫  
胸中了無主見信筆填砌縱令  
成圖神氣索然參此方悟畫法  
作○山○先○求○入○路○  
出○水○預○定○來○源○擇○水○通○橋○取○境○設○路○分○五○行○而○  
辨○體○峰○勢○同○形○諳○於○地○理○象○庶○類○以○殊○容○景○色○  
一○致○昧○其○物○情○樹○無○表○裏○不○知○隱○見○之○方○山○少○



古人畫樹  
須山石成  
後方將樹  
根鈎出正  
為此也

各種畫法  
從對面形  
容出來無  
義不搜令  
學者一目  
了然洗盡

陰陽豈識渲皴之訣水遲引導難以奔流樹早  
生根無從轉換瀑水若同簷溜直瀉無情石塊  
一似土坯模稜少骨坡寬石巨崇山翻似培塿  
道直沙麤遠地猶同咫尺講究邱壑只在路徑  
水口二者安置穩貼  
邱壑之理思過半矣此下論繪事中疵病洗  
剔略盡若不細加體認卽蹈其弊輒猶爾茫然  
坪憎桶案之形山厭瓜稜之狀地薄崖危未帖  
峰高樹壯非宜近山平田患其壁立離村列樹  
勿似籬橫挺然者樹容木本毋同草本油然者



畫中疵累

各種屋宇  
畫法須審  
其境地相  
宜方合法  
度

畫學心法卷四  
樹色生枝。休似伐枝。峰巒雄秀。林木不合。蕭疏。  
島嶼孤清。屋舍豈宜。叢雜異境。未可多爲。田圃。  
祇堪戲作。宮殿鬱盤。而壯麗。寺觀清邃。而嵯峨。  
園亭之屋。幽敞旅舍之屋。駢闐漁舍。荒寒田家。  
樸野山居。僻其門。逕邨聚密。其井煙界。畫之工。  
無虧折算。寫意之妙。頗擅縱橫。屋宇畫法諸家  
體格不同大約  
意象人屋質無傷於雅。沙草劇不失於文。雪意。  
用筆清寒。休爲染重雲。光幻化。少作鉤盤。雨景霾痕。



清詞麗句  
將畫中諸  
景一一傳  
寫美備無  
遺

宜忌風林狂態堪嗔曉霧昏煙景色何容交錯  
秋陰春靄氣候難以相干前人有題後畫當未  
畫而意先今人有畫無題卽強題而意索雲裏  
帝城山龍盤而虎踞雨中春樹屋鱗次而鴻冥  
仙宮梵刹協其龍砂邨舍茅堂宜其風水山門  
敞豁松杉森列而成行水閣幽奇藤竹蕭疏而  
垂影平沙渺渺隱葭葦之蒼茫邨水溶溶映垂  
楊之歷亂林帶泉而含響石負竹以斜通草媚



曾見宋元  
畫往往有  
此景

芳郊蒲綠幽埃潮落沙交水光百道山寒石出  
樹影千櫺愛落景之開紅值山嵐之送晚宿霧  
斂而猶舒柔雲斷而還續危峰障日亂壑奔江  
空水際天斷山銜月雪殘青岸煙帶遙岑日落  
川長雲平野濶地表千鐔高標插漢波間數點  
遠黛浮空匿秀嶺於重巒立奇峰於側嶂兩崖  
峭壁倒壓溪船一架危樓下穿巖瀑孤亭樹覆  
危磴闌扶溪深而猿不得下壁峭而鳥不敢飛



驚濤拍於怒石。叢木擁乎飛梁。江上千峰雪積。  
海中孤島雲浮。霞蔚林皋。陰生洞壑。雨氣漸沈。  
暮景夜色。乍分晨光。散秋色於平林。收夏雲於  
深岫。月映園林之瀟灑。風生野渚之飄颻。雲擁  
樹而林稀。風懸帆而岸遠。修篁掩映於幽澗。長  
松倚薄於崇崖。近激鷺飛。色明初霽。長川雁度。  
影帶沈暉。水屋輪翻。沙堤橋斷。鳧飄浦口。樹夾  
津門。石屋懸於木末。松堂開自水濱。春蘿絡徑。



范華源秋  
山行旅圖  
便有如許  
點綴

野篠縈籬寒。猿桐疏山窗。竹亂柴門設。而常關。  
篷窗繫而如寄樵子負薪於危峰。漁父橫舟乎。  
野渡臨津流以策蹇。憇古道而停車。宿客朝餐。  
旅店行人暮入關。城幅巾杖策於河梁。被褐擁。  
鞍於棧道。賈客江頭夜泊。詩人湖畔春行。樓頭。  
柳颺陌上花飛。散騎秋原。荷鋤芝嶺。高士幽居。  
必愛林巒之隱秀。農夫草舍常依隴畝。以棲遲。  
攤書水檻。須知五月江寒。垂釣砂磯。想見一川。



如此布置  
雖尋常之  
景便能引  
人入勝

解此用意  
自然入妙

風○靜○寒○潭○曬○網○曲○徑○携○琴○放○鶴○空○山○牧○牛○盤○谷○  
尋○泉○聲○而○躡○足○戀○松○色○以○支○頤○濯○足○清○流○之○中○  
行○吟○絕○壁○之○下○登○高○而○望○遠○臨○水○以○送○歸○卧○看○  
滄○江○醉○題○紅○葉○松○根○共○酒○洞○口○觀○棋○見○丹○井○而○  
如○逢○羽○客○望○浮○屠○而○知○隱○高○僧○看○瀑○觀○雲○偶○成○  
獨○立○尋○幽○訪○友○時○見○兩○人○  
此段論畫中諸景凡  
畫家無有不知者但  
筆墨粗疏即竭意布置終不能逼出真境是有  
景與無景同也覽者勿徒愛其詞句之佳當於  
景色中有人不厭拙只貴神清景不嫌奇必求  
會心處



境實董巨峰巒多屬金陵一帶倪黃樹石得之  
吳越諸方米家墨法出潤州城南郭氏圖形在  
太行山右摩詰之輞川荆關之桃源華原冒雪  
營邱寒林江寺圖於晞古鵲華貌於吳興從來  
筆墨之探奇必繫山川之寫照善師者師化工  
不善師者撫繚素拘法者守家數不拘法者變  
門庭叔達變爲子久海岳化爲房山黃鶴師右  
丞而自具蒼深梅花祖巨然而獨稱渾厚方壺



之逸致松雪之精妍皆其澄清味象各成一家  
會境通神合於天造畫工有其形而氣韻不生  
士夫得其意而位置不穩前輩脫作家習得意  
忘象時流託士夫氣藏拙欺人是以臨寫工多  
本資難化筆墨悟後格制難成資分格力兼之者難百年以來  
不一二觀故有童而習之老無所得或恃其十  
聰明終虧學力此成家立名之所以不易也十  
幅如一幅胸中邱壑易窮一圖勝一圖腕底煙  
霞無盡全局布於心中異態生於指下氣勢雄



情景逼真  
方能入道

遠方號大家神韻幽閒斯稱逸品寓目不忘必  
爲名迹轉瞬若失盡屬庸裁山下宛似經過卽  
爲實境林間如可步入始足怡情聚林屋於盈  
寸之間招峰巒於千里之外仰眎岩堯訝躋攀  
之無路俯觀叢邃喜尋覽之多途無猿鶴而恍  
聞其聲有湍瀨而莫覩其跡近睇鉤皴潦草無  
從摹搨遠覽形容生動堪使留連濃淡疊交而  
層層相映繁簡互錯而轉轉相形

畫家六法以  
氣韻生動爲



層次亦章  
法中最爲  
緊要

要人人能言之人人不能得之全在用筆用墨  
時奪取造化生氣惟有煙霞邱壑之癖者心領  
神會不然雖畢生無層次而有層次者佳有層  
樸古法終隔數塵無層次而有層次者佳有層  
次而無層次者拙狀成平褊雖多邱壑不爲工  
看入深重卽少林巒而可玩真境現時豈關多  
筆眼光收處不在全圖合景色於草昧之中味  
之無盡擅風光於掩映之際覽而愈新密緻之  
中自兼曠遠率易之內轉見便娟此篇中闡發  
氣韻最微妙  
處也其議論精微語無虛下學山之厚處卽深  
者字字作禪句參之默契其旨



全要從空  
處着想慧  
心人自能  
領會之

處水之靜時卽動時林間陰影無處營心山外  
清光何從着筆空本難圖實景清而空景現神  
無可繪真境逼而神境生位置相戾有畫處多  
屬贅疣虛實相生無畫處皆成妙境凡理路不  
明隨筆填  
湊滿幅布置處處皆病至點出無畫處更進一  
層尤當尋味而得之人但知有畫處是畫不  
知無畫處皆畫畫之空處全局所關卽虛實相  
生法人多不著眼空處妙在通幅皆靈故云妙  
境得勢則隨意經營一隅皆是失勢則盡心收  
拾滿幅都非勢之推挽在於機微勢之凝聚由



板稚最爲  
筆墨大毛  
病縱紙成  
堆筆成塚  
終無入路

鉤皴能如

乎相度。畫法忌板。以其氣韻不生。便氣韻不生。雖飛揚何益。畫家嫌稚。以其形模非似。使形模非似。卽老到奚庸。粗簡或稱健筆。易入畫苑之魔。疏拙似非畫家。適有高人之趣。披圖畫而尋其爲邱壑。則鈍見邱壑而忘其爲圖畫。則神忘爲圖畫。是得天地之靈氣也。所謂藝游而至者。則神傳矣。蓋山容憑皴淡以想像。無泥皴淡而著其僞。樹態假點抹以形容。勿拘點抹而忽其真。鉤之行止。卽峰巒之起。



此運用已臻化境

山均山面陰陽向背全在皴染得宜方能顯豁呈露

筆墨中皴擦渲染諸法得如許妙義環生

跌○皴○之○分○搭○卽○土○石○之○紋○痕○頓○挫○乃○鉤○擘○之○流○  
行○淺○深○爲○渲○染○之○變○化○虛○白○爲○陽○實○染○爲○陰○山○  
均○染○重○端○因○陰○影○相○遮○山○面○皴○空○多○是○陽○光○遠○  
映○山○以○分○按○脊○生○石○用○重○鉤○面○出○山○腳○伏○而○皴○  
側○坡○脊○起○而○皴○圓○麻○皮○虛○腳○而○山○空○兼○讓○長○林○  
之○得○致○釘○頭○露○額○而○石○豁○又○資○叢○樹○以○託○根○墨○  
帶○燥○而○蒼○皴○兼○於○擦○筆○濡○水○而○潤○渲○間○以○烘○襯○  
複○而○內○暈○鉤○簡○而○外○工○鉤○靈○動○似○乎○皴○皴○細○碎○



眞令人一  
讀一擊節

皴染之妙  
不可思議

皴法惟麻  
皮爲極純

同○於○擦○皴○而○不○皴○知○烘○染○之○有○法○皴○而○不○染○知○  
鉤○擘○之○意○全○著○筆○爲○皴○留○空○痕○以○成○廓○運○墨○爲○  
染○間○滲○跡○以○省○鉤○點○之○圓○活○與○皴○無○殊○皴○之○沈○  
酣○眎○染○匪○異○鉤○之○漫○處○可○以○資○染○染○之○著○處○卽○  
以○代○皴○復○染○於○鉤○內○而○石○面○稜○稜○增○染○於○廓○外○  
而○石○脊○隱○隱○皴○未○足○重○染○以○發○其○華○皴○已○足○輕○  
染○以○生○其○韻○解○索○動○而○麻○皮○靜○爛○草○質○而○牛○毛○  
文○釘○頭○莽○於○木○柿○長○短○同○施○豆○瓣○潑○於○芝○麻○小○



正可以專  
攻解索卷  
雲折帶荷  
葉釘頭芝  
麻等皴皆  
可通用餘  
則非吾儕  
所當學也

大易置卷雲雨點各態亂柴荷葉分姿擘斧近  
於作家文人出之而峭鬼臉易生習氣名手爲  
之而遒大擘內帶鑿痕小擘中含鏽跡石凌面  
而隱疊千層山沒骨而融成一片灰堆乃礬頭  
之變境疊皴卽斧擘之後塵從古畫家各立門戶皆由皴法不同  
自唐五代南北宋以至元明其筆法有如方枘  
圓鑿之難入者然其中自有一貫通之理故能  
精於一家法而得其變化離合處則諸家畫法  
一以貫之更無凝滯今人之蔽只在不能專攻  
一家故諸家皆無入處也觀此論皴法精詳開  
墨妙之元祕補前人之缺略眞六法之微言也



皴須如此  
形容方見  
皴之超妙  
鬆動脫盡  
筆墨蹊徑

用筆乾濕  
輕重須如

畫中惟皴法最難所宜亟講各家畫法未易  
兼綜然須畫北宋勿使一筆入南宋法畫南宋  
勿使一筆入元人法畫元人亦勿使入南宋諸  
家法諸家各有門庭勿相混淆惟通其理而化  
其偏讀此可鉤多圭角而俗態生皴若團欒而  
以豁然開悟清韻少皴之俯仰披似風蘆而垂如露草皴之  
縝密明同屋漏而隱若紗籠連鉤帶染機到筆  
隨似石如山形忘意會點分多種用在合宜圓  
多用攢側多用疊禿鋒用衄破筆用鬆擲筆者  
芒按筆者銳含潤若滴帶渴爲焦細等纖塵粗



此着想

墨破則鬆  
靈色清則  
渾化  
所謂墨分  
五色  
重色輕色  
運用皆有

同墜石淡以破濃聚而隨散繁簡恰有定形整  
亂因乎興會濃淡聚散點法要訣更須以各家  
法參之論設色之妙於下文數語  
盡丹青競勝反失山水之真容筆墨貪奇多造  
之林邱之惡境怪僻之形易作作之一覽無餘尋  
常之景難工工者頻觀不厭墨以破用而生韻  
色以清用而無痕輕拂軼於穠纖有渾化脫化  
之妙獵色難於水墨有藏青藏綠之名蓋青綠  
之色本厚而過用則皴淡全無赭黛之色本輕



分際

濃淡得宜  
不可輕忽

而濫設則墨光盡掩粗浮不入雖濃郁而中乾  
渲暈漸深卽輕勻而肉好間色以免雷同豈知  
一色中之變化一色以分明晦當知無色處之  
虛靈此言一色中變化已造妙境至論及無色處精微之理幾於入道宜濃而  
反淡則神不全宜淡而反濃則韻不足學山樵  
之用花青每多齷齪仿一峰之喜淺絳亦涉扶  
同乃知慘淡經營似有似無本於意中融變卽  
令朱黃雜沓或工或誕多於象外追維千筆萬



此中三昧  
不可不知

用筆躁動

用墨粗疏

極意經營

難臻神妙

筆墨訣竅

經如此對

勘互證真

無義不搜

無法不備

鬆澀二字  
如此註解

筆易當知一筆之難一點兩點工終防多點之拙山川之氣本靜筆躁動則靜氣不生林泉之姿本幽墨麤疏則幽姿頓減畫至神妙處必有靜氣蓋掃盡縱橫餘習無斧鑿痕方於紙墨間靜氣凝結靜氣今人所不講也畫至於靜其登峰矣乎山隈空處筆入虛無樹影微時墨成煙霧筆中用墨者巧墨中用筆者能墨以筆爲筋骨筆以墨爲精英筆渴時墨焦而屑墨暈時筆化而鎔人知搶筆之鬆不知鬆而非懈人知破墨之澀不知



筆墨可謂  
造微入妙

如此形容  
其妙真不  
可思議

澀○而○非○枯○墨○之○頻○潑○勢○等○崩○雲○墨○之○沈○凝○色○同○  
碎○錦○筆○有○中○鋒○側○鋒○之○異○用○更○有○着○意○無○意○之○  
相○成○轉○折○流○行○鱗○游○波○駛○點○次○錯○落○隼○擊○花○飛○  
拂○爲○斜○脈○之○分○形○礫○作○偃○坡○之○折○筆○啄○毫○能○令○  
影○疏○策○穎○每○教○勢○動○石○圓○似○弩○之○內○擲○沙○直○似○  
勒○之○平○施○故○點○畫○清○真○畫○法○原○通○於○書○法○風○神○  
超○逸○繪○心○復○合○於○文○心○抒○高○隱○之○幽○情○發○書○卷○  
之○雅○韻○點○筆○閒○窗○寓○懷○知○已○偶○逢○合○作○庶○幾○古○



再將人物  
花卉等推  
廣言之曲  
盡其妙可  
謂美備無  
遺

人○此復拈八法示人以見書畫同原真千古不  
易之論此筴先生書後畫筴并著之意也高  
隱下四句尤爲作畫至於人物花卉鳥獸蟲魚  
根本要義勿輕讀過冠服審其時代衣紋應有專家顧盼想其性情  
爪髮更無遺憾春葩秋萼花葉全師造化寫豔  
如浮其香雲翼霜蹄飛走合於自然傳神兼肖  
其貌鮮鱗繚繞於溪潭荇藻弄影草蟲飛綴於  
條葉風日搖姿顧吳陸李韓戴徐黃昔號擅長  
世珍遺跡援毫傳彩造於精微能事此者覽而



自悟繪法多門。諸不具論。其天懷意境之合筆。墨氣韻之微。於茲編可會通焉。

無法不備。無美不臻。真不厭百回讀。



畫學心印卷四



此卷壬子  
年里中恰  
難上得之  
惜絹盡破  
裂不能收  
拾僅留此  
跋深可惜  
也姑記於  
此用誌不  
忘

清暉畫跋

王翬

宋之有元章元暉猶晉之有羲獻也虎兒真蹟  
流傳已少況南宮乎昔白石翁題元暉瀟湘圖  
云七十五歲始得一觀以快生平翬生較晚竊  
得於米家父子有緣凡小米真蹟合見數種又  
於荆溪吳氏見大米雲起樓圖已爲大快今秋  
客京邸渭翁老先生出示此卷與吳氏所藏筆  
氣無二至山頭多不作橫點只用墨破凹凸之



當代惟耕  
煙所見名  
蹟最富非  
諸家可及

書學心印卷四  
三  
形樹木人物屋宇皆極精工似王右丞風格又  
屬變體洵知大家筆妙無所不可耶翬粗事皴  
染不敢望啟南萬一而賞鑒之緣或過之用以  
自幸并爲好古者志喜云

嗟乎畫道至今日而衰矣其衰也自晚近支派  
之流弊起也顧陸張吳遼哉遠矣大小李以降  
洪谷右丞逮於李范董巨元四大家皆代有師  
承各標高譽未聞衍其餘緒沿其波流如子久



論古有識

之○蒼○渾○雲○林○之○澹○寂○仲○圭○之○淵○勁○叔○明○之○深○秀○  
雖○同○趨○北○苑○而○變○化○懸○殊○此○所○以○爲○百○世○之○宗○  
而○無○弊○也○洎○乎○近○世○風○趨○益○下○習○俗○愈○卑○而○支○  
派○之○說○起○文○進○小○僊○以○來○而○浙○派○不○可○易○矣○文○  
沈○而○後○吳○門○之○派○興○焉○董○文○敏○起○一○代○之○衰○挾○  
董○巨○之○精○後○學○風○靡○妄○以○雲○間○爲○口○實○瑯○琊○太○  
原○兩○王○先○生○源○本○宋○元○媲○美○前○哲○遠○邇○爭○相○倣○  
效○而○婁○東○之○派○又○開○其○他○旁○流○緒○沫○人○自○爲○家○



浙派敗壞  
已極文沈  
出而風行  
一時是爲  
吳門派董  
文敏紹倪  
黃絕詣是  
爲雲間派  
二王得文  
敏之傳爲  
婁東派至  
今不變宗  
風

者○未○易○指○數○要○之○承○訛○藉○舛○風○流○都○盡○翬○白○齟○  
時○擲○管○仵○仵○窮○年○爲○世○俗○流○派○拘○牽○無○繇○自○拔○  
大○底○右○雲○間○者○深○譏○浙○派○祖○婁○東○者○輒○詆○吳○門○  
臨○穎○茫○然○識○微○難○洞○已○從○師○得○指○法○復○於○東○南○  
收○藏○好○事○家○縱○攬○右○丞○思○訓○荆○董○勝○國○諸○賢○上○  
下○千○餘○年○名○蹟○數○十○百○種○然○後○知○畫○理○之○精○微○  
畫○學○之○博○大○如○此○而○非○區○區○一○家○一○派○之○所○能○  
盡○也○由○是○潛○神○苦○志○靜○以○求○之○每○下○筆○落○墨○輒○



苦心孤詣  
非數十年  
力行身體  
不能臻此  
境界

石谷畫柳  
盡態極妍  
爲當代第  
一

思古人用心處沈精之久乃悟一點一拂皆有  
風韻一石一水皆有位置渲染有陰陽之辨傳  
色有今古之殊於是涵泳於心練之於手自喜  
不復爲流派所惑而稍稍可以自信矣

己丑初冬偶過婁水秋涯王子出余倣王晉卿  
平橋柳色一幀見示上有惲南田五詩猶憶三  
十年前侯官張超然與南田同客虞山余爲之  
畫柳雨公各賦絕句十二章以寵之南田繼亦



南田冊惜  
余未見石  
谷冊曾見  
於夷門老  
境頽唐非  
復早年風  
致矣

爲鶴來主人畫柳書前詩此冊向藏鶴來秋涯  
心艷之而卒不可奪丙戌秋杪扁舟相訪欲余  
規模其概聊爲中郎虎賁時超然方以八閩解  
元僑寓吾虞圖成之日屬其雜題數頁追述舊  
遊而秋涯買王得羊或亦從此絕意憚冊矣無  
何北溪陳子購以餉秋涯拙筆簡率無足道而  
南田沒且二十年覽其遺墨一題再題詞翰依  
依老人低徊曩昔感喟良多而秋涯方自謔一



余向藏石  
谷脩竹遠  
山中幅景  
極清曠不  
爲高山大  
嶺而山脚  
純用網巾  
法畫沙極  
蒼茫平遠

幀之中具兩人舊蹟爲賢于鶴來所藏遂命余  
補書七詩而序其端委如此十月十有九日海  
虞七十八老人王翬識時寓水雲精舍

王叔明作修竹遠山嘗稱文湖州暮靄橫看卷  
筆力不在郭熙之下於樹石間寫叢竹乃自其  
肺腑中流出不可以筆墨畦徑觀也南田此圖  
真能與古人把臂同行但屬余點綴數筆欲如  
一峰黃鶴合作竹趣圖余筆不逮古何能使繪



之致

此鳳阿山  
房圖爲吾  
鄉侯大年  
作筆墨超  
妙境界靈  
異樹石皴  
染神似唐  
子畏真非  
畊烟可及

苑傳稱勝事耶丙寅臘月望後三日王翬識

墨井道人與余同學同庚又復同里自其遯跡  
高隱以來余亦奔走四方分北者久之然每見  
其墨妙出宋入元登峰造極往往服膺不失此  
圖爲大年先生所作越今已二十餘年尤能脫  
去平時蹊徑如對高人逸士冲和幽淡骨貌皆  
清當與元鎮之獅林石田之奚川並垂天壤矣  
余欲繼作恐難步塵奈何奈何

此幀壬申四月  
得於粵東



石谷曾有  
此圖景極  
幽秀韻致  
悠然令人  
愛玩不置

如此布墨  
用筆自生  
氣遠出不  
落平境

趙令穰規模右丞。每寫水村。必肖農家風景。使  
人玩賞無已。董文敏云。王晉卿尚有畦逕。不若  
大年平淡天真。爲超軼絕塵。此言信然。  
凡作一圖。用筆有麤有細。有濃有淡。有乾有濕。  
方爲好手。若出一律。則光矣。麓臺云。山水用筆  
須毛毛字。從來論  
畫者。未之及。蓋毛則氣古而味  
厚。石谷所謂光正毛之反也。  
畫有明暗。如鳥雙翼。不可偏廢。明暗兼到。神氣  
乃生。



精妙之論  
耐人尋味

青綠得此  
訣自然神  
彩煥發不  
浮不滯

畫學心法卷四  
三  
以元人筆墨運宋人邱壑而澤以唐人氣韻乃  
爲大成

畫石欲靈活忌板刻用筆飛舞不滯則靈活矣  
繁不可重密不可窒要伸手放脚寬閒自在

凡設青綠體要嚴重氣要輕清得力全在渲暈  
余於青綠法靜悟三十年始盡其妙

皴擦不可多厚在神氣不在多也

氣愈清則愈厚



石谷畫以  
余所見早  
年爲第一  
此冊係少  
作共六幀  
神韻靜逸  
彷彿元人  
此幀向於  
滬城客寓  
見之賦色  
精妙非南  
田翁不能  
奈絹已破

此余四十年前所作。時序如流。交游零落。茫然  
不知爲何人作也。余老矣。年往學荒。精神耗敝。  
轉覺曩時筆墨。于古略有入處。始知畫道之難。  
愈求而愈遠也。展閱之餘。因書數語。以志媿辛。  
已夏五。耕煙散人王翬識。

北宋徐崇嗣創製沒骨花。遠宗僧繇。傳染之妙。  
一變黃筌勾勒之工。蓋不用筆墨。全以彩色染。  
成。陰陽向背。曲盡其態。超乎法外。合于自然。寫。



裂不能收  
拾殊可惜  
也

此卷向於  
佗城見之  
係老年筆  
墨骨格蒼  
渾韻致蕭  
疎非近今  
補圖家所  
能及

生○之○極○致○也○南○田○子○擬○議○神○明○真○能○得○造○化○之○  
意○近○世○無○與○能○者○石○谷○王○翬○題○

繡谷先生慕坡公之爲人以蘇名其齋猶坡公  
圖白傳于齋之意也蘇公爲當日之白傳先生  
其殆今之善學坡公者耶麓臺學士嘗寫圖贈  
之茲復索余圖用龍眠山莊意又差近大年一  
派雖各闢門庭而氣韻風規似不遠也戊子九  
月二十三日海虞耕煙散人王翬識



此幀向於  
吳門見之  
上有思翁  
跋語惜絹  
已黯黑不  
能仰企其  
神妙也

墨井畫跋

吳 厯

半幅董元傳聞久矣願見之懷不啻飢渴一日  
過太原之拙修堂幸得飽觀其筆力扛鼎奇絕  
雄貴超軼前代非後學能窺其微蘊也  
北苑龍宿郊民圖山巖雄峻樹木鬱茂亭臺樓  
閣之富麗而高棚張設珠燈錦綵郊民聚而歡  
躍蓋宋藝祖下江南也毘陵莊氏所藏予得請  
見不及臨粉本巨然賺蘭亭圖山不甚高雄厚



幽深秋林。藂篠小徑。幽折一人。乘騎過橋。童子  
抱琴相隨。而寺門南向。大殿直階下。則水閣閣  
中。蕭翼紗帽藍袍。知僧柘衣陪坐。並觀蘭亭。當  
其轉換間。已被其賺去。至今令人笑破口也。然  
則唐太宗不將勢奪。用蕭翼賺之意。謂無妨於  
雅事也。及遭殉葬。千古爲之三歎。巨然畫本。今  
亦不知所歸。

功夫到神  
化時方能

大癡晚年歸富陽。寫富春山卷筆法。游戲如草。



筆法游戲  
癡翁九轉  
丹成乃臻  
斯境

篆傳聞有二本一不知其詳一被好事者拳拳  
寶愛不離於手迨將終時投之於火旁人亟取  
已燒卷首尺餘矣予在廣陵所臨者燼餘本也  
歸而質之太原奉常公公有石田背臨一卷卽  
將勘對山川樹石毫無遺失但石田之設彩乃  
其本色也卷尾跋云癡翁本向予所藏請題於  
人被其子乾沒而後出售貧不能歸歎息背臨  
而已予所臨二卷一爲奉常一爲惠子浮嵐暖



此等處凝  
翁最擅勝  
場學者當  
細心研索

翠癡翁第一合作絹素無恙設色帶用青綠皴  
擦少變虞麓本色墨葉二種非平日所有屋宇  
高低不著一人有小澗橫出雲中峰巒平疊連  
層飛動於筆意外真奇特也予適在蘇郡得卽  
手臨乃山左宋氏所藏也不知如何轉歸於塞  
北聞遭殉葬嗚呼昔之蘭亭今之浮嵐暖翠傷  
哉惜哉

大癡春山梵剎圖用青綠和之設色與夏山圖



癡翁筆墨  
全從北苑  
脫胎

無二全以北苑爲宗。跋云：吾年老耄，習氣未除。蓋有此作也。曩予客吳興，吳刺史招入墨妙亭，出此圖，匆匆一見，不遑臨之，追憶惘然。

陡壑密林圖。癡翁生平合作也。畫在箋紙，跋在絹素，絹雖剝落而存，處字墨維新。畫法如草篆，奇籀。予每過拙脩堂，必請觀之，常帶筆就臨。曲盡窮摹，殆難得其神韻。煙翁晚年亦歎息：此幅被畫賈人俟貧乏時，輒爲貨求，不得不割去意。



境極幽秀  
以山樵妙  
筆寫之可  
想見斯圖  
之勝

謂必歸山左矣。

叔明靜深秋曉圖。設色絢爛。與秋山圖並美。蓋  
蒼松高下。間雜楓樹。紅紫山之右。有牌坊門道。  
廳堂密室。紫衣者危坐。童役抱琴書侍立其後。  
面樓臺有雲鬢珠翠。紅粉澗旁之曲。有飛鷗集。  
鷺峰之轉處。村落聚散。草樹霜紅。不勝繁茂。上  
有內府圖章。傳聞兵燹後。冷攤上獲之。予得觀  
於劉尚書齋頭。竟日。次早再訪不得。



雲林畫習  
見者都係  
平遠一路  
不足見其  
本領也

山樵畫亦  
以董巨爲  
根柢故妙

雲林吳淞山色層疊高巖磅礴之氣直逼巨然  
非平遠手筆也

毘陵唐氏世藏叔明夏日山居圖其款識戊申  
二月爲同元高士畫於青村陶氏之嘉樹軒予  
時客於許氏補處堂與唐氏靜香齋只隔一舍  
其畫不肯借過予就而觀之筆墨景界逼肖巨  
然非山樵本色也予得飽觀又得手臨至於年  
月同在戊申二月是可奇也



帶溼點苔  
巨然夏山  
雨過圖全  
用此法

僧繇沒骨  
畫崇嗣沒  
骨花爲古  
今絕品

梅道人深得董巨帶溼點苔之法每積盈篋不  
輕點之語人曰今日意思昏鈍俟精明澄澈時  
爲之也前人繪學工夫真如鍊金火候  
雲林寫山依側起勢不兩合而成米家山如積  
米驟然而就子久山直皴帶染林麓多轉折三  
者皆宗北苑而自成

徐崇嗣畫花萼不作墨圈用彩色漬染謂之沒  
骨花張僧繇亦漬彩色而成謂之沒骨山水而



潑墨惜墨  
二字耐人  
尋味

消息造化  
乃臻斯境

遠○近○之○勢○意○到○便○能○移○人○心○目○超○然○妙○意○

山○以○樹○石○爲○眉○目○樹○石○以○苔○蘚○爲○眉○目○蓋○用○筆○  
作○畫○不○應○草○草○昔○僧○繇○畫○龍○不○輕○點○睛○以○爲○神○  
明○在○阿○堵○中○耳○

潑○墨○惜○墨○畫○手○用○墨○之○微○妙○潑○者○氣○磅○礴○惜○者○  
骨○疎○秀○

癡○翁○有○畫○隔○岸○作○數○筆○遂○分○晴○雨○如○此○手○筆○高○  
出○於○前○人○也○



作書惟靈  
機感觸隨  
手寫成自  
然入妙

元人擇僻靜之地。結構層樓爲畫所。朝起看四  
山煙雲變幻。得一新境。便欣然落墨。大都如草  
書法。惟寫胸中逸趣耳。一樹一石。迥然不同。

叔明以吳興山水爲畫本。煙嵐晚峰。霜紅林密。  
筆筆生動。當在巨然妙悟處。參之。所謂直泝其  
源頭也。

黃鶴山樵一日掃室焚香。邀癡翁至。出繪學請  
質子久熟視之。卻添數筆。遂覺岱華氣象相傳。



品詣之高  
可稱獨絕

爲黃王合作。

雲林生畫石從大李將軍勾斫中來畫樹謂之  
減筆。營邱蕭閒古淡自成一種逸品。非學力所  
能到也。

李公擇初學草書。劉貢父謂之鸚哥嬌意。鸚鵡  
之人言。不過數句。其後稍進。問於東坡。吾書比  
舊如何。坡云。可作秦吉了矣。余畫雖未積學而  
近之作者。不知少似秦吉了否耶。



山水林木  
當時時體  
此意自然  
入妙

李竹嬾云  
不如弄水

山水要高遠迴環氣象雄貴林木要沈鬱華滋  
偃仰疎密用筆往往寫出方是畫手擅場

範道人所居東軒名之曰也足蓋取詩之但有  
歲寒心兩三竿也足之意山谷老人一時賦詩  
爲之勝事余筆墨荒陋未能髣髴前代風流而  
鑒賞者不必有不足之歎

往余與二三友南山北山金碧蒼翠參差溢目  
坐臥其間飲酒嘯歌酣後曳杖放腳得領其奇



墨寫出胸  
中奇正是  
此意

勝○既○而○思○之○畢○竟○是○放○浪○遊○習○不○若○鍵○戶○弄○筆○  
游○戲○真○有○所○獨○樂○

社○集○非○水○齋○分○題○得○春○聲○五○言○滄○漁○又○屬○余○寫○  
其○意○蓋○畫○爲○無○聲○今○則○春○聲○爲○之○有○聲○歐○陽○子○  
秋○聲○作○賦○予○以○春○聲○作○圖○感○物○同○心○恨○不○同○時○  
萬○壑○響○松○風○百○灘○渡○流○水○下○有○跨○驢○人○蕭○蕭○吹○  
凍○耳○俞○清○老○詩○也○蒼○煙○衝○寒○來○索○圖○予○不○孤○其○  
意○以○凍○手○寫○凍○耳○或○庶○幾○焉○



傲米家山  
全在機趣  
氣勢合撰  
而成鈍根  
人無從下  
筆

觀古畫如遇異物。駭心眩目。五色無主。及其神  
澄氣定。則青黃燦然。要乘興臨摹。用心不雜。方  
得古人之神情要路。

潑墨法。米風雨驟至。毫間拖泥帶水。便成溼綠。  
林巒如老將快馬。斫陳破敵。而立見功也。

山居臘候。雪霽皎如有懷。許侍御在補處堂。消  
寒酒爐活火。不共二三年矣。呵凍擬李營邱雪  
圖以寄。



梅道人功力得之巨然爲多讀此可以想見

痴翁畫境超逸雄貴墨井得法外之趣故蹊徑與諸家不同

溪山無盡萬里長江兩卷梅道人之法巨然也  
筆下清雄奇富變態無窮出新意於法度之中  
寄妙理於豪放之外渾然天成五墨齊備此蓋  
仲圭之擅場非後學者所能措手

大癡峰巒雄厚石臺層聳山面有礫砢小石林  
麓小港有細水迴環屋宇水閣草樹鬱盤無不  
曲臻妙境而小山下村落田塍尤極遠致予刻  
心立意未能窺造其微張融云不恨臣無二王



法○卻○笑○二○王○無○臣○法○誠○然○山○中○六○月○不○知○暑○氣○  
就○緣○陰○鼯○斲○斲○既○醒○捉○筆○擬○范○山○頭○畫○如○蟲○蝕○木○  
偶○爾○成○文○耳○

此○予○癸○卯○夏○在○太○原○氏○拙○修○堂○縮○臨○叔○明○林○泉○  
清○集○不○知○何○年○落○於○惠○子○之○手○今○出○請○題○如○逢○  
舊○面○顧○戀○之○情○不○能○已○已○

梅○道○人○得○董○巨○之○風○骨○氣○候○帶○溼○點○苔○蒼○蒼○茫○  
茫○有○雄○邁○之○致○予○居○物○外○舊○學○已○廢○有○時○興○到○

王友石沈  
石田均從  
梅沙彌風  
韻中來



余今年已  
五十近來

追尋昔之所見其雄厚超古處終不可得

余秋居之暇檢得宣紙二喜其長而嫌其太矮  
漫採癡黃黃鶴閒筆法又以已意參之成一小  
卷便可懷之出入如米海岳袖中之石但終襲  
稚子事矣雖然予齒七十加三腕力漸衰墨毫  
久禿向後欲作兒戲恐不復得不能不爲之惕  
然

余近年作畫似勤似懶有時不辭呵凍忘暑忘



作畫與墨  
井之病正  
復相同如  
謂老故余  
不自甘也  
然此中道  
理正不可  
解

畫學心印卷四  
四  
殮○揮毫疾就○有時春暖晴窗○楮墨精良對之瞋  
睡○吾不知此病之所來○或謂老之故也○然少年  
輩○往往亦有如此○予數日前頗覺腕力筆健漫  
學山樵而成小卷○不欲人徵去○留此自養晚節  
村農望雨○幾及兩旬○山無出雲○田禾焦卷○雖有  
桔槔之具○無能遠引○江波廣濟○旱土第恐歲荒  
未免預憂之也○薄晚樹頭雙鳩一呼○烏雲四合  
徹夜蕭蕭不絕○曉來東阡南陌○花稻渟然而興



蓋憂慮者轉爲歡歌相慶也。予耄年物外道修素守樂聞天下雨聲已見造物不遺斯民矣。喜不自禁作畫題吟以紀好雨應時之化。

墨井道人晴窗氣暖攤紙塗鴉畫成自烏目山下同道俗二三子酌高蹈泉上劒門望湖光已而扁舟泛月歸。

古人能文不求薦舉善畫不求知賞曰文以達吾心畫以適吾意草衣藿食不肯向人蓋王公



非富貴利  
達所能動  
也

貴戚無能招使知其不可榮辱也筆墨之道非  
有道者不能

孫虔禮論書以紙墨相發爲一助昨得一箋不  
減澄心紙柔密光潤頗與筆墨相宜雖手腕力  
微喜無兒童習氣

墨并苦心  
於此中仍  
復返躬自  
歎雖學問  
一道本無  
盡境如此

余學畫二三十年來如湍急流用盡氣力不離  
舊處不知二三十年後爲何如筆墨如此況學  
道乎繪學有得然後見山見水觸物生趣胸中



虛衷集益  
鳥得不出  
人頭地耶

趙文敏之  
仕元未免

了。了。方。可。下。筆。畫。要。筆。墨。酣。暢。意。趣。超。古。畫。之。  
董。巨。猶。詩。之。陶。謝。也。淵。明。篇。篇。有。酒。摩。詰。句。句。  
有。畫。欲。追。擬。輞。川。先。飲。彭。澤。酒。以。發。興。  
日。高。丈。五。睡。起。把。筆。寫。山。下。一。片。耕。桑。之。地。但。  
少。農。人。較。雨。量。晴。耳。

山。中。茶。笋。初。肥。山。人。不。爲。梅。天。所。困。信。筆。塗。抹。  
而。荒。荒。冷。趣。頗。近。元。人。也。  
晉。宋。人。物。意。不。在。酒。託。於。酒。以。免。時。艱。元。季。人。



爲絕藝所累

以幽秀之筆寫之方能入妙

士亦借繪事以逃名悠悠自適老於林泉矣  
人世事無大小皆如一夢而繪事獨非夢乎然  
予所夢惟筆與墨夢之所見山川草木而已  
水活石潤樹老筠幽非擬冷元人筆不相人  
畫不以宋元爲基則如弈棋無子空枰何憑下  
手懷抱清曠情興灑然落筆自有山林樂趣  
風霜之變百卉披靡獨竹君之蒼秀卓絕  
乘醉畫竹則有風雨披折偃仰之勢



墨井品詣  
之高可以  
想見

與雲林寫  
胸中逸氣  
其意正復  
相同

崖石犖确乃見竹君之節操

竹之所貴要畫其節操風霜歲寒中卓然蒼翠  
也山中酒熟獨酌成醉信筆揮灑遂成蒼翠甚  
娛樂也何可一日不畫此君

與來畫竹要得其風雨流韻霜雪灑然乃得竹  
君之品格

畫之游戲枯淡乃士夫之脈游戲者不遺法度  
枯淡者一樹一石無不腴潤



人○能○於○此  
中○得○少○佳  
趣○自○然○脫  
俗

以○愁○解○愁  
確○有○其○理

高○遁○不○必○買○山○有○草○亭○竹○木○亦○可○幽○棲○也○蓋○竹  
乃○四○時○蒼○翠○聲○與○靜○宜○獨○坐○中○抱○素○琴○得○趣  
悠○悠○樂○而○至○於○老  
深○山○盡○日○無○人○到○唐○人○句○也○非○吾○筆○墨○寫○到○山  
之○深○處○則○不○知○無○人○也○然○招○隱○高○蹈○古○今○所○難  
陸○放○翁○春○愁○詩○有○前○後○二○首○書○之○合○爲○一○卷○凡  
遇○有○觸○愁○處○輒○以○展○讀○庶○可○以○解○獨○糟○邱○人○病  
仍○以○酒○治○之○也○



洋畫擅長  
全在於此

壘門一名濠境。去壘未遠。有大西小西之風焉。其禮文俗尚。與吾鄉倒行相背。如吾鄉見客必整衣冠。此地見人免冠而已。若夫書與畫亦然。我之字以點畫。轉集而成。然後有音。彼先有音。而後有字。以勾畫排散。橫視而成行。我之畫不取形。似不落窠臼。謂之神逸。彼全以陰陽向背。形似窠臼。上用工夫。卽欸識我之題。上彼之識。下用筆亦不相同。往往如是。未能殫述。



九州李義  
山以未到  
爲恨漁山  
遊經其地  
真景如在  
目前今余  
亦至壘與  
古人游蹤  
適相符合  
殊覺頗暢  
襟懷

李義山每歎九州恨此生未到作詩云海外惟  
聞更九州他生未卜此生休予將至壘榜人手  
指乃知李詩中之九州第九點青螺相去咫尺  
前波飛立無能衝入憑舟望之海氣微茫或隱  
或現如浮鷗然  
濠田無阡陌有石沙其土甚瘠居人不諳事春  
耕爲商賈者多宅不樹桑婦亦不知蠶事全身  
以紅紫花錦覆披微露眉目半面有凶服者用



形容盡致  
儼如一幅  
聖門圖真  
傳神妙筆

皂色其男子拳髮披肩戴帽如笠見人則免之  
服短毳衣兩袖甚窄衣之中間四旁多鈕扣著  
革屐只一齒兩腰間橫長短二劍手執藤枝者  
卻是官也

大凡物之從未見者而驟見之爲奇異舉樹不  
著霜雪枯株絕少予畫寒山落木以眎人無不  
咄咄稱奇峰頭石色宛似黑人之臉然黑人俗  
尙最深者爲美淺者爲醜蓋石迺淡墨色真所



謂醜石也耶

芭蕉四季有花有實其花瓣面赭背黃其實一  
莖纍纍垂七八有龍牙鼓槌二種採而啖之龍  
牙者佳熨齒酸甜軟滑其地久寒常飛雪知摩  
詰雪蕉有所本也

棕竹枝葉修整蒼翠處陰陰欲滴海風驟至亦  
不甚欹斜

陳后山叢談言蔡州壺公觀有大木四垂旁出



人莫能知。誤以爲松。及張幾與后山言之。乃知榕也。閩之會城名榕城。蓋謂榕也。舉中榕木濃綠。參天枝幹節節下垂。葉如木麻。蔭可十畝。知不減於閩。予每苦海氣薰蒸。坐卧其下。擬寫是圖。不加點葉。少遜松柏之後彫耳。

四旬清齋。海鮮蔬果供幾殆盡。獨庭中紅荔未熟。竹筍遲出不及嚼耳。齋後東歸。過屠門甚快意。



墨地風俗  
確是如此

漁山已有  
超然塵外  
之概

居人喜作盤渦飯。骨董羹款客。飯後以玻璃杯  
飲葡萄酒。每客數升。不用酒政。且從無爛醉作  
生涯者。更喜奇花異卉。不惜價覓。三山徑內紅  
紫芬芳。四時俱有。但不知花之名耳。

墨井道人年垂五十。學道於三巴。眠食第二層  
樓上。觀海潮度日。已五閱月。於茲矣。憶五十年  
看雲塵世。較此物外觀潮。未覺今是。昨非。亦不  
知海與世孰險。孰危。索筆圖出。具道眼者必有。



以教我

畫學心印卷四

男鳳墀校字







